



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



32101 064225996

2917
1823

UNIVERSITY LIBRARY
and the Ministry of Science.
Princeton, N. J.

~~RECEIVED~~

2917
1823

LIBRARY OF PRINCETON UNIVERSITY.

Pres. by Dr. Wm. Libbey.

710
8581.
UNIVERSITY LIBRARY,
JUL 22 1899
PRINCETON, N. J.

2917

UNIVERSITY LIBRARY

Ministère de l'Éducation

C. C.
SALLUSTII
CATILINARIA ET JUGURTHINA
BELLA.

SENLIS,
IMPRIMERIE STÉRÉOTYPE DE TREMBLAY.

C. C.
SALLUSTII
CATILINARIA ET JUGURTHINA
BELLA.



quàm maxumè longam efficere: nam divitiarum
et formæ gloria fluxa atque fragilis, virtus clara
æternaque habetur.

A PARIS,
CHEZ M^{ME} VEUVE DABO,
LA LIBRAIRIE STÉRÉOTYPE, RUE DU POT-DE-FER, N^o 14
1823.

AVIS.

SALLUSTE aimoit les vieilles dictions. Il a conservé l'usage de l'*u* au lieu de l'*i* dans les superlatifs, comme *maxumus*, *pulcherrumus*, et dans certains verbes, comme *ætumo*. Il emploie aussi *omnis* pour *omnes*. Les anciens Latins terminoient en *eis*, et, par contraction, en *is*, les noms pluriels dont le génitif est en *um*.

YV. 3211
N. 1073099

C. C. SALLUSTII

CONJURATIO

CATILINARIA.

I. OMNĪS homines, qui sese student præstare ceteris animalibus, summâ openiti decet vitam silentio ne transeant, veluti pecora, quæ natura prona atque ventri obediunt. Sed nostra omnis vis in animo et corporis: animi imperio, corporis servitio, magis utimur. Alterum nobis cum dīs, alterum cum belluis, commune est. Quo mihi rectius videtur ingenii quam virium opibus gloriam quærere, et, quoniam vita ipsa quâ fruimur brevis est, memoriâ nostrî quàm maxumè longam efficere: nam divitiarum et formæ gloria fluxa atque fragilis, virtus clara æternæ habetur.

Sed diù magnum inter mortalīs certamen fuit, vine corporis, an virtute animi, res militaris magis procederet: nam et prius quàm incipias cōsulto, et, ubi consulueris, maturè facto opus est. Ita, utrumque per se indigens, alterum alterius auxilio eget.

Sallust.

118592

(RECAP)

II. Iuxta initio reges (nam in terris nomen imperii id primum fuit) diversi; pars ingenium, alii corpus exercebant: etiam tùm vita hominum sine cupiditate agitabatur; sua cuique satis placebant. Postea verò quàm in Asià Cyrus, in Græcià Lacedæmonii et Athenienses, cœpère urbes atque nationes subigere, libidinem domi-
nandi causam belli habere, maximam gloriam in maximo imperio putare; tùm demùm periculo atque negotiis compertum est in bello plurimum ingenium posse.

Quodd si regum atque imperatorum animi virtus in pæce ita uti in bello valeret, æquabilius atque constantius sese res humanæ haberent; neque aliud aliò ferri, neque mutari ac misceri omnia cerneret: nam imperium facile his artibus retinetur quibus initio partum est. Verùm, ubi pro labore desidia, pro continentia et æquitate libido atque superbia invasere, fortuna simul cum moribus immutatur. Ita imperium semper ad optimum quemque à minùs bono transfertur. Quæ homines arant, navigant, ædificant, virtuti omnia parent.

Sed multi mortales, dediti ventri atque somno, indocti incultique, vitam sicuti peregrinantes transegere: quibus, profectò contranaturam, corpus voluptati, anima oneri, fuit.

Eorum ego vitam mortemque juxta aestumo, quoniam de utrâque siletur. Verum enim verò is demùm mihi vivere atque frui animâ videtur, qui, aliquo negotio intentus, præclari facinoris aut artis bonæ famam quærit. Sed in magnâ copiâ rerum aliud alii natura iter ostendit.

III. PULCHRUM est benè facere reipublicæ, etiam benè dicere, haud absurdum est. Vel pace vel bello clarum fieri solet: et qui fecere, et qui facta aliorum scripserunt, multi laudantur. Ac mihi quidem, tametsi haudquaquàm par gloria sequatur scriptorem et auctorem rerum, tamen inprimis arduum videtur res gestas scribere: primùm, quòd facta dictis sunt exæquanda; dehinc, quia plerique, quæ delicta reprehenderis, malivolentiâ et invidiâ dicta putant: ubi de magnâ virtute et gloriâ bonorum memores, quæ sibi quisque facilia factu putat, æquo animo accipit; supra ea, veluti ficta, pro falsis ducit.

Sed ego adolescentulus, initio, sicuti plerique, studio ad rempublicam latus sum; ibique mihi adversa multa fuere. Nam pro pudore, pro abstinentiâ, pro virtute, audacia, largitio, avaritia, vigeant. Quæ tametsi animus aspernabatur, insolens malarum artium, tamen, inter tanta vitia, imbecilla ætas ambitione corrupta tenebatur: ac me, cùm ab reliquorum

malis moribus dissentirem, nihilo minùs honoris cupido, eâdem, quâ ceteros, famâ atque invidiâ, vexabat.

IV. Igitur, ubi animus ex multis miseriis atque periculis requievit, et mihi reliquam ætatem à republicâ procul habendam decrevi, non fuit consilium secordiâ atque desidiâ bonum otium conterere; neque verò ætatem colendo, aut venando, servilibus negotiis intentum, ætatem agere: sed, à quo incepto studio me ambitio mala detinuerat, eòdem regressus, statui res gestas populi Romani carptim, ut quæque memoriâ digna videbantur, perscribere; eò magis quòd mihi à spe, metu, partibus reipublicæ, animus liber erat. Igitur de Catilinæ conjuratione, quàm verissimè potero, paucis absolvam: nam id facinus inprimis ego memorabile existimo, sceleris atque periculi novitate. De cujus hominis moribus pauca priùs explananda sunt, quàm initium narrandi faciam.

V. LUCIUS CATILINA, nobili genere natus, fuit magnâ vi et animi et corporis, sed ingenio malo pravoque. Huic ab adolescentiâ bella intestina, cædes, rapinæ, discordia civilis, grata fuere; ibique juventutem suam exercuit. Corpus patiens inediæ, vigiliæ, algoris, suprâ quàm exiguum credibile est. Animus audax, subdolus,

varius; cuius rei libet simulator ac dissimulator; alieni adpetens, sui profusus; ardens in cupiditatibus: satis loquentiæ, sapientiæ parum. Vastus animus immoderata, incredibilia, nimis alta, semper cupiebat.

Hunc, post dominationem Lucii Sullæ, libido maxima invaserat reipublicæ cupiundæ: neque, id quibus modis adsequeretur, dum sibi regnum pararet, quidquam pensi habebat. Agitabatur magis magisque in dies animus ferox inopiâ rei familiaris, et conscientia scelerum; quæ utraque his artibus auxerat quas supra memoravi. Incitabant præterea corrupti civitatis mores, quos pessuma ac diversa inter se mala, luxuria atque avaritia, vexabant.

Res ipsa hortari videtur, quoniam de moribus civitatis tempus admonuit, supra repetere; ac paucis instituta majorum, domi militiæque quomodo rempublicam habuerint, quantamque reliquerint, utque paullatim immutata, ex pulcherrimâ et optimâ, pessuma ac flagitiosissima facta sit, disserere.

VI. **URBEM** Romam, sicuti ego accepi, condidère atque habuère initio Trojani, qui, Æneâ duce profugi, sedibus incertis vagabantur; cumque his Aborigines, genus hominum agreste, sine legibus, sine imperio, liberum atque solutum.

Hi postquam in una moenia convenère, dispari genere, dissimili linguà, alius alio more viventes, incredibile memoratu est quàm facillè coaluerint. Sed postquam res eorum civibus, moribus, agris aucta, satis prospera satisque pollens videbatur, sicuti pleraque mortaliū habentur, invidia ex opulentiā orta est. igitur reges populique finitimi bello tentare: pauci ex amicis auxilio esse; nam ceteri, metu percussi, à periculis aberant. At Romani, domi militiæque intenti; festinare, parare; alius alium hortari; hostibus obviā ire; libertatem, patriam, parentesque armis tegere. Post, ubi pericula virtute propulerant, sociis atque amicis auxilia portabant; magisque dandis quàm accipiendis beneficiis amicitias parabant.

Imperium legitimum, nomen imperii regium habebant. Delecti, quibus corpus annis infirmum, ingenium sapientiā validum, reipublicæ consultabant: hi, vel ætate vel curæ similitudine, PATRES appellabantur. Post, ubi regium imperium, quod initio conservandæ libertatis atque augendæ reipublicæ fuerat, in superbiam dominationemque convertit; immutato more, annua imperia binosque imperatores sibi fecere. Eo modo minime posse putabant per licentiam insolescere animum humanum.

CATILINA.

VII. SED eâ tempestate cœpere se quisque extollere, magisque ingentum in promptu habere: nam regibus boni quàm mali suspiciosiores sunt, semperque his aliena virtus formidolosa est; sed civitas, incredibile memoratu est, adeptâ libertate, quantùm brevè creverit: tanta cupido gloriæ incesserat! Jam primùm juvenus simul laboris ac belli patiens erat, in castris per usum militiam discebat: magisque in decoris armis et militaribus equis, quàm in scortis atque conviviis, lubidinem habebat. Igitur talibus viris non labos insolitus, non locus ullus asper aut arduus erat; non armatus hostis formidolosus: virtus omnia domuerat. Sed gloriæ maximum certamen inter ipsos erat: sic quisque hostem ferire, murum adsoendere, conspici, quàm tale facinus faceret, properabat; eas divitias, eam bonam famam magnamque nobilitatem putabant. Laudis avidi, pecuniæ liberales erant: gloriam ingentem, divitias honestas, volebant. Memorare possem quibus in locis maxumas hostium copias populus Romanus parvâ manu fuderit, quas urbis naturâ munitas pugnando ceperit, ni ea res longiùs ab incepto traheret.

VIII. SED profectò fortuna in omni re dominatur: ea res cunctas, ex lubidine magis quàm ex vero, celebrat obscuratque. Atheniensium

res gestæ, sicuti ego æstumo, satis amplæ magnificæque fuere, verùm aliquantò minores tamen quàm famâ feruntur. Sed quia proveniêre ibi scriptorum magna ingenia, per terrarum orbem Atheniensium facta pro maxumis celebrantur. Ita eorum qui ea fecêre virtus tantâ habetur, quantum verbis campotuenre extollere præclara ingenia. At populo Romano nunquàm ea copia fuit, quia prudentissimus quisque negotiosus maxumè erat: ingenium nemo sine corpore exercebat: optumus quisque facere, quàm dicere; sua ab aliis benefacta laudari, quàm ipsè aliorum narrare, malebat.

IX. Igitur domi militiæque boni mores colebantur. Concordia maxuma, minuma avaritia erat: jus bonumque apud eos non legibus magis quàm naturâ valebat. Jurgia, discordias, similitates, cum hostibus exercebant: cives cum civibus de virtute certabant. In suppliciis deorum magnifici, domi parci, in amicos fideles erant. Duabus his artibus, audaciâ in bello, ubi pax evenerat æquitate, seque remque publicam curabant. Quarum rerum ego maxuma documenta hæc habeo, quòd in bello sæpiùs vindicatum est in eos qui contra imperium in hostem pugnaverant, quique tardius, revocati, prælio excesserant, quàm qui signa relinquere, aut,

pulsi, loco cedere ausi erant; in pace verò quòd beneficiis magis quàm metu imperium agitabant, et, acceptâ injuriâ, ignoscere quàm persequi malebant.

X. SED ubi labore atque justitiâ respublica crevit; reges magni bello dõmiti, nationes feræ et populi ingentes vi subacti; Carthago, æmula imperii Romani, ab stirpe interiit; cuncta maria terræque patebant: sævire fortuna ac miscere omnia cœpit. Qui labores, pericula, dubias atque asperas res facillè toleraverant, iis otium, divitiæ, optandæ aliis, oneri miserixque fuere. Igitur primò pecuniæ, deindè imperii, cupido crevit; ea quasi materies omnium malorum fuere. Namque avaritia fidem, probitatem, ceterasque artûs bonas, subvertit; pro his superbiam, crudelitatem, deos negligere, omnia venalia habere, edocuit. Ambitio multos mortalis falsos fieri subegit; aliud clausum in pectore, aliud in linguâ promptum habere; amicitias inimicitiasque non ex re, sed ex commodo, æstumare; magisque vultum, quàm ingenium, bonum habere. Hæc primò paullatim crescere, interdum vindicari. Pòst, ubi contagio, quasi pestilentia, invasit, civitas immutata, imperium ex justissimo atque optumo crudele intolerandumque factum.

XI. Sed primò magis ambitio, quàm avaritia, animos hominum exercebat: quod tamen vitium propiùs virtutem erat. Nam gloriam, honorem, imperium, bonus et ignavus æquè sibi exoptant: sed ille verâ viâ nititur; huic, quia bonæ artes desunt, dolis atque fallaciis contendit. Avaritia pecuniæ studium habet, quam nemo sapiens concupivit. Ea, quasi venenis malis imbuta, corpus animumque virilem effeminat, semper infinita, insatiabilis, neque copiâ neque inopiâ minuitur. Sed postquàm L. Sulla, armis receptâ republicâ, ex bonis initiis malos eventus habuit, rapere omnes, trahere; domum aliud, aliud agros cupere; neque modum neque modestiam victores habere; fœda crudeliaque in civibus facinora facere. Huc accedebat, quod L. Sulla exercitum, quem in Asiam ductaverat, quod sibi fidum faceret, contra morem majorum, luxuriosè nimisque liberaliter habuerat. Loca amœna, voluptaria, faciliè in otio ferocis militum animos molliverant. Ibi primùm insuevit exercitus populi Romani amare, potare; signa, tabulas pictas, vasa cœlata, mirari; ea privatim ac publicè rapere; delubra spoliare; sacra profanaque omnia polluere. Igitur hi milites, postquàm victoriam adepti sunt, nihil reliqui victis fecere. Quippè secundæ res sapientium animos sati-

gant : nedùm illi, corruptis moribus, victoriæ temperarent. †

XII. POSTQUAM divitiæ honori esse cœpere, et cas gloria, imperiũ, potentia, sequebatur; hebescere virtus, paupertas probro haberi, innocentia pro malivolentiâ duci, cœpit. Igitur ex divitiis juventutem luxuria atque avaritia cum superbiâ invasere; rapere, consumere; sua parvi pendere, aliena cupere; pudorem, pudicitiam, divina atque humana promiscua, nihil pensi neque moderati habere. Operæ pretium est, cum domos atque villas cognoveris in urbium modum exædificatas, visere templa decorum quæ nostri majores, religiosissimi mortales, fecere. Verum illi delubra domorum pietate, domos suas gloriâ, decorabant; neque victis quidquam, præter injuriæ licentiâ, eripiebant. At hi contrâ, ignavissimi homines, per summum scelus, omnia ea sociis adimere, quæ fortissimi viri victores hostibus reliquerant; proindè quasi injuriam facere, id demum esset imperio uti.

XIII. NAM quid ea memorem quæ, nisi iis qui videre, nemini credibilia sunt, à privatis compluribus subversos montes, maria contrata esse? Quibus mihi videntur ludibrio fuisse divitiæ; quippè, quas honestè habere si-

cebat, abuti per turpitudinem properabant. Scilicet libido stupri, ganeæ, ceterique cultûs, non minor incesserat: viros pati muliebria, mulieres pudicitiam in propatulo habere; vescendi causâ, terrâ marique omnia exquirere; dormire prius quàm somni cupido esset; non famem aut sitim, neque frigus, neque lassitudinem opperriri, sed ea omnia luxu antecapere. Hæc juventutem, ubi familiares opes defecerant, ad facinora incendebant. Animus, imbutus malis artibus, haud facile libidinibus carebat: eo profusiùs omnibus modis quæstui atque sumptui deditus erat.

XIV. In tantâ tamque corruptâ civitate, Catilina, id quod factu facillimum erat, omnium flagitiorum atque facinorum circum se, tanquam stipatorum, catervas habebat. Nam quicumque impudicus, adulter, ganeo, manu, ventre, pene, bona patria laceraverat; quique alienum æs grande conflaverat, quo flagitium aut facinus redimeret; præterea omnes undiquè parricidæ, sacrilegi, convicti judiciis, aut pro factis iudicium timentes; ad hoc, quos manus atque lingua perjurio aut sanguine civili alobat; postremo, omnes quos flagitium, egestas, conscius animus, exagitabat: ii Catilinæ proximi familiaresque erant. Quod si quis etiam à culpâ va-

cuius in amicitiam ejus inciderat, quotidiano usu atque illecebris facile par similisque ceteris efficiebatur. Sed maxumè adolescentium familiaritates adpetebat : eorum animi, molles et ætate fluxi, dolis haud difficulter capiebantur. Nam uti cujusque studium ex ætate flagrabat, aliis scorta præbere, aliis canes atque equos mercari; postremò neque sumptui neque modestiæ suæ parcere, dum illos obnoxios fidosque faceret. Scio fuisse nonnullos qui ita æstumarent juventutem, quæ domum Catilinæ frequentabat, parùm honestè pudicitiam habuisse; sed ex aliis rebus magis, quàm quod cuiquam id compertum foret, hæc fama valebat. †

XV. (JAM primùm adolescens Catilina multa nefanda stupra fecerat, cum virgine nobili, cum sacerdote Vestæ, et alia hujusmodi contra jus fasque.) Postremò captus amore Aureliæ Orestillæ, cujus præter formam nihil unquam bonus laudavit, quòd ea nubere illi dubitabat, timens privignum adultæ ætate, pro certo creditur, necato filio, vacuam domum scelestis nuptiis fecisse. Quæ quidem res mihi imprimis videtur caussa fuisse facinoris maturandi; namque animus impurus, diis hominibusque infestus, neque vigiliis neque quietibus sedari poterat: ita conscientia mentem excitam vastabat! Igitur colos

exsanguis, fœdi oculi, citus modò, modò tardus incessus; prorsùs in facie vultuque vecordia inerat.

XVI. SED juvenutem, quam, ut suprà diximus, illexerat, multis modis mala facinora edocebat. Ex illis testes signatoresque falsos commodare; fidem, fortunas, pericula vilia habere; pòst, ubi eorum famam atque pudorem attriverat, majora alia imperabat. Si caussa peccandi in præsens minùs suppetebat, nihilo minùs insontes, sicuti sontes, circumvenire, jugulare: scilicet, ne per otium torpescerent manus aut animus, gratuitò potiùs malus atque crudelis erat. His amicis sociisque confisus Catilina, simul quòd æs alienum per omnès terras ingens erat, et quòd plerique Sullani milites, largiùs suo usi, rapinarum et victoriæ veteris memores, civile bellum exoptabant, opprimundæ reipublicæ consilium cepit. In Italiâ nullus exercitus; Cn. Pompeius in extremis terris bellum gerebat; ipsi consulatum petundi magna spes; senatus nihil sanè intentus; tutæ tranquillæque res omnes: sed ea prorsùs opportuna Catilinæ.

XVII. Igitur, circiter kalendas junias, L. Cæsare et C. Figulo consulibus, primò singulos adpellare: hortari alios, alios tentare: opes suas,

imparatam rempublicam, magna præmia conjunctionis docere. Ubi satis explorata sunt quæ voluit, in unum omnîs convocat quibus maxuma necessitudo et plurimùm audaciæ. Eò conveniêre senatorii ordinis P. Lentulus Sura, P. Autronius, L. Cassius Longinus, C. Cethegus, P. et Servius Sullæ Servii filii, L. Vargunteius, Q. Annius, M. Porcius Læca, L. Bestia, Q. Curius: præterea ex equestri ordine M. Fulvius Nobilior, L. Stai-tilius, P. Gabinius Capito, C. Cornelius: ad hoc multi ex coloniis et municipiis, domi nobiles. Erant præterea complures paullò occultius consilii hujusce participes nobiles, quos magis dominationis spes hortabatur, quàm inopia aut alia necessitudo. Ceterùm juvenas pleraque, sed maxumè nobilium, Catilinæ inceptis favebat. Quibus in otio vel magnificè vel molliter vivere copia erat, incerta pro certis, bellum quàm pacem malebant. Fuêrê item eâ tempestate qui crederent M. Licinium Crassum non ignarum ejus consilii fuisse; quia Cn. Pompeius, invisus ipsi, magnum exercitum ductabat; cujusvis opes voluisse contra illius potentiam crescere; simul confisum, si conjuratio valuisset, facîle apud illos principem se fore.

XVIII. SED antea item conjuravêre pauci contra rempublicam, in quibus Catilina: de

quo, quàm verissimè potero, dicam. L. Tullo, M. Lepido consulibus, P. Autronius et P. Sulla, designati consules, legibus ambitûs interrogati, pœnas dederant. Pòst paullò Catilina, pecuniarum repetundarum reus, prohibitus erat consulatum petere, quòd intra legitimos dies profiteri nequiverit. Erat eodem tempore Cn. Piso, adolescens nobilis, summæ audaciæ, egens, factiosus, quem ad perturbandam rempublicam inopia atque mali mores stimulabant. Cum hoc Catilina et Autronius, circiter nonas decembres consilio communicato, parabant in Capitolio kalendis januariis L. Cottam et L. Torquatum consules interficere; ipsi, fascibus correptis, Pisonem cum exercitu ad obtinendas duas Hispanias mittere. Eâ re cognitâ, rursus in nonas februarias consilium cædis transtulerant. Jam tùm non consulibus modò, sed plerisque senatoribus, perniciem machinabantur: quòd ni Catilina maturasset pro curiâ signum sociis dare, eo die, post conditam urbem Romanam, pessimum facinus patratum foret. Quia nondùm frequentes armati convenérant, ea res consilium diremit.

XIX. POSTEÀ Piso in citeriorem Hispaniam quæstor pro prætore missus est, adniténte Crasso, quòd eum infestum inimicum Cn. Pompeio cog-

noverat. Neque tamen senatus provinciam invitius dederat : quippè scdum hominem à republicâ procul esse volebat, simul, quia boni quàm plures præsidium in eo putabant, et jam tum potentia Cn. Pompeii formidolosa erat. Sed is Piso, in provinciam, ab equitibus Hispanis quos in exercitu ductabat, iter faciens, occisus est. Sunt qui ita dicant imperia ejus injusta, superba, crudelia, barbaros nequivisse pati : alii autem, equites illos, Cn. Pompeii veteres fidosque clientes, voluntate ejus Pisonem adgressos; nunquam Hispanos prætereà tale facinus fecisse, sed imperia sæva multa antea perpessos. Nos eam rem in medio relinquemus. De superiore conjuratione satis dictum.

XX. CATILINA, ubi eos quos paullò antè memoravi convenisse videt, tametsi cum singulis multa sæpè egerat, tamen in rem fore credens universos adpellare et cohortari, in abditam partem ædium secedit; atque ibi, omnibus arbitris procul amotis, orationem hujuscemodi habuit :

« Ni virtus fidesque vestra satis spectata mihi forent, nequidquam opportuna res cecidisset; spes magna, dominatio in manibus frustra fuissent : neque ego, per ignaviam aut vana ingenia, incerta pro certis captarem. Sed, quia multis et

magnis tempestatibus vos cognovi fortes fidosque mihi, eò animus ausus maximum atque pulcherrimum facinus incipere : simul , quia vobis eadem quæ mihi bona malaque intellexi ; nam idem velle atque nolle , ea demùm firma amicitia est.

« Sed ego quæ mente agitavi, omnes jam antea diversi audistis. Ceterum mihi in dies magis animus accenditur, cum considero quæ conditio vitæ futura sit, nisi nosmet ipsi vindicamus in libertatem. Nam, postquam respublica in paucorum potentium jus atque ditionem concessit, semper illis reges, tetrarchæ vectigales esse : populi, nationes, stipendia pendere : ceteri omnes, strenui, boni, nobiles atque ignobiles, vulgus fuimus ; sine gratiâ, sine auctoritate ; his obnoxii quibus, si respublica valeret, formidini essemus. Itaque omnis gratia, potentia, honos, divitiæ, apud illos sunt, aut ubi illi velunt : repulsas nobis reliquere, pericula, judicia, egestatem.

« Quæ quousquẽ tandem patiemini, fortissimi viri ? Nonne emori per virtutem præstat, quàm vitam miseram atque inhonestam, ubi alienæ superbiæ ludibrio fueris, per dedecus amittere ? Verum enim verò, pro deam atque hominum fidem ! victoria nobis in manu. Viget.

etas, animus valet : contrà illis, annis atque divitiis, omnia consenuerunt. Tantummodò incepto opus est : cetera res expedièt. Etenim quis mortalium, cui virile ingenium, tolerare potest illis divitias superare, quas profundant in extruendo mari et montibus coæquandis ; nobis rem familiarem etiam ad necessaria deesse ? illos binas, aut, amplius, domos continuare ; nobis larem familiarem nusquàm ullum esse ? Cùm tabulas, signa, toreumata emunt ; nova diruunt, alia ædificant ; postremò omnibus modis pecuniam trahunt, vexant : tamen summâ lubricine divitias vincere nequeunt. At nobis domi inopia, foris æs alienum ; mala res, spes multò asperior. Deniquè, quid reliqui habemus, præter miseram animam ?

« Quin igitur expergiscimini ? En illa, illa quam sæpè optâstis, libertas ! præterea divitiæ, decus, gloria, in oculis sita sunt : fortuna ea omnia victoribus præmia posuit. Res, tempus, pericula, egestas, belli spolia magnifica, magis quàm oratio, hortentur. Vel imperatore, vel milite me utimini : neque animus, neque corpus à vobis aberit. Hæc ipsa, ut spero, vobiscum consul agam : nisi fortè me animus fallit, et vos servire magis, quàm imperare, parâti estis. »

XXI. Postquàm accepère ea homines, quibus

mala abunde omnia erant, sed neque res neque spes bona ulla; tametsi illis quæta movere magna merces videbatur, tamen postulare plerique, uti proponeret, quæ conditio belli foret, quæ præmia armis peterent, quid ubiquè opis aut spei haberent. Tum Catilina polliceri tabulas novas, proscriptionem locupletium, magistratus, sacerdotia, rapinas, alia omnia quæ bellum atque libido victorum fert. Prætereà esse in Hispaniâ citeriore Pisonem, in Mauritaniâ cum exercitu P. Sittium Nucerinum, consilii sui participes: petere consulatum C. Antonium, quem sibi collegam fore speraret, hominem et familiarem, et omnibus necessitudinibus circumventum: cum eo se consulem initium agendi facturum. Ad hoc, maledictis increpat omnis bonos: suorum unumquemque nominans laudare; admonebat alium egestatis, alium cupiditatis suæ, complures periculi aut ignominie, multos victoriae Sullanæ, quibus ea prædæ fuerat. Postquam omnium animos alacris videt, cohortatus ut petitionem suam curæ haberent, conventum dimisit.

XXII. Fufiæ, eâ tempestate, qui dicerent Catilinam, oratione habitâ, cum ad iurandum popularis sceleris sui adigeret, humani corporis sanguinem, vino permixtum, in pateris circum-

tulisse: indè, cùm post execrationem omnes degustavissent, sicuti in solemnibus sacris fieri consuevit, aperuisse consilium suum, atque eò dietitare fecisse, quò inter se fidi magis forent, alius alii tanti facinoris consciù. Nonnulli ficta et hæc multa prætereà existimabant ab his qui Ciceronis invidiam, quæ postea orta est, leniri credebant atrocitate sceleris eorum qui poenas dederant. Nobis ea res pro magnitudine parùm comperta est.

XXIII. SED in eâ conventionem fuit Q. Curius, natus haud obscuro loco, flagitiis atque facinoribus coopertus; quem censores senatu probri gratiâ amoverant. Huic homini non minor vanitas quàm audacia; neque reticere quæ audierat, neque suamet ipsa scelera occultare. Prorsus neque dicere neque facere quidquam pensi habebat. Erat ei cum Fulviâ, muliere nobili, stupri vetus consuetudo; cui cùm minùs gratus esset, quia inopiâ minùs largiri poterat, repentè glorians, maria montibusque polliceri cœpit, minari interdum ferro, nisi obnoxia foret; postremò ferociùs agitare quàm solitus erat. At Fulvia, insolentiæ Curii caussâ cognitâ, tale periculum reipublicæ haud occultum habuit: sed, sublato auctore, de Catilinæ conjuratione quæ quoque modo audierat compluribus narravit. Ea res in

primis studia hominum accendit ad consulatum mandandum M. Tullio Ciceroni: namque antea pleraque nobilitas invidia aestuabat, et quasi pollui consulatum credebant, si eum, quamvis egregius, homo novus adeptus foret; sed, ubi periculum advenit, invidia atque superbia postfuere.

XXIV. Igitur, comitiis habitis, consules declarantur M. Tullius et C. Antonius. Quod factum primo popularis conjurationis concusserat. Neque tamen Catilinæ furor minuebatur; sed in dies plura agitare; arma per Italiam locis opportunis parare; pecuniam, suam aut amicorum fide sumptam mutuiam, Fæulas ad Manlium quemdam portare, qui postea princeps fuit belli faciundi. Ea tempestate plurimos cujusque generis homines adscivisse sibi dicitur; mulieres etiam aliquot, quæ primo ingentissimus stupro corporis toleraverant; post, ubi ætas tantummodo quæstui, neque luxuriæ, modum fecerat, æs alienum grande conflaverant. Per eas se Catilina credebatur posse servitia urbana sollicitare, urbem incendere, viros earum vel adjungere sibi, vel interficere.

XXV. SED in his erat Sempronia, quæ multa sæpè virilis audaciæ facinora commiserat. Hæc mulier genere atque formâ, prætereâ viro, li-

beris, satis fortunata : litteris Græcis atque Latinis docta; psallere, saltare, elegantius quàm necesse est probæ; multa alia, quæ instrumenta luxuriæ, sed ei cariora semper omnia quàm decus atque pudicitia fuit. Pecuniæ an famæ minùs parceret, haud faciliè decerneres : lubidine sic accensa, ut sæpiùs peteret viros quàm peteretur. Sed ea sæpè antehac fidem prodiderat, creditum abjuraverat, cædis conscia fuerat, luxuriâ atque inopiâ præceps abierat. Verùm ingenium ejus haud absurdum; posse versus facere, jocus movere, sermone uti vel modesto, vel molli, vel procaci. Prorsùs multæ facetiæ, multusque lepos inerat.

XXVI. His rebus comparatis, Catilina nihilo minùs in proximum annum consulatum petebat; sperans, si designatus foret, faciliè se ex voluntate Antonio usurum. Neque interea quietus erat, sed omnibus modis insidias parabat Ciceroni. Neque illi tamen ad cavendum dolus aut amentitiæ deerant. Namque, à principio consulatus sui, multa pollicendo per Fulviam, effecerat ut Q. Curius, de quo paullò antè memoravi, consilia Catilinæ sibi proderet. Ad hoc collegam suum Antonium pactione provinciæ perpulerat, ne contra rempublicam sentiret. Circum se præsidia amicorum atque clientium occultè habebat.

Postquam dies comitiorum venit, et Catilinæ neque petitio, neque insidiæ quas consuli in campo fecerat, prosperè cessere; constituit bellum facere et extrema omnia experiri; quoniam quæ occultè tentaverat, aspera foedaque evenerant.

XXVII. Igitur C. Manlius Fæsulas atque in eam partem Etruriæ, Septimium quemdam Camertem in agrum Picenum, C. Julium in Apuliam, dimisit; præterea alium aliò, quem ubique opportunum credebat. Interea Romæ multa simul moliri; consuli insidias tendere, parare incendia, opportuna loca armatis hominibus obsidere; ipse cum telo esse, item alios jubere; hortari uti semper intenti paratque essent; dies noctesque festinare, vigilare, neque insomniis neque labore fatigari. Postremò, ubi multa agitant, nihil procedit, rursus intempestâ nocte conjurationis principes convocat per M. Porcium Læcam: ibique, multa de ignaviâ eorum questus, docet, « se Manlium præmisisse ad eam multitudinem quam ad capiunda arma paraverat; item alios in alia loca opportuna, qui initium belli facerent; seque ad exercitum proficisci cupere, si priùs Ciceronem oppressisset; eum suis consiliis multum obficere. »

XXVIII. Igitur, perterritis ac dubitantibus

ceteris, C. Cornelius, eques Romanus, operam suam pollicitus, et cum eo L. Vargunteius senator, constituere eâ nocte paullo post, cum armatis hominibus, sicuti salutatum introire ad Ciceronem, ac de improvviso domi suæ impatum confodere. Catius ubi intelligit quantum periculi consilii impendeat, properè per Fulviam dolum qui parabatur enunciat. Ita illi, januâ prohibiti, tantum facinus frustra susceperant. Interea Manlius in Etruria plebem sollicitare, egestate simul ac dolore injuriæ novarum rerum cupidam, quod, Sullæ dominatione, agros bonaque omnia amiserat; præterea latrones cujusque generis, quorum in eâ regione magna copia erat, nonnullos ex Sullanis colonis, quibus lubrico atque luxuria ex magnis rapinis nihil reliquî fecerant.

XXIX. EA cùm Ciceroni nuntiarentur, accipiti malo permotus, quod neque urbem ab insidiis privato consilio longius tueri poterat, neque exercitus Manlii quantus aut quo consilio foret satis compertum habebat, rem ad senatum refert, jam antea vulgi rumoribus exagitatam. Itaque, quod plerumque in atroci negotio solet, senatus decrevit, DARENT OPERAM CONSULES NE QUID RESPUBLICA DETRIMENTI CAPERET. Ea potestas per senatum, more Romano, magistratui

maxima permittitur; exercitum parare, bellum gerere; coercere omnibus modis socios atque civis; domi militiæque imperium atque iudicium summum habere: aliter, sine populi jussu, nulli earum rerum consuli jus est.

XXX. Post paucos dies L. Sænius senator in senatu litteras recitavit, quas Fæsalis adlatas sibi dicebat: in quibus scriptum erat C. Manium arma cepisse, cum magnâ multitudine, ante diem vi kalendas novembris. Simul, id quod in tali re solet, alii portenta atque prodigia nuntiabant; alii, conventus fieri, arma portari, Capuæ atque in Apuliâ servile bellum moveri. Igitur senati decreto Q. Marcius rex Fæsulas, Q. Metellus Creticus in Apuliam circumque ea loca missi (ii utrique ad urbem imperatores erant, impediti ne triumpharent, calumniâ paucorum quibus omnia honesta atque inhonesta vendere mos erat), sed prætores Q. Pompeius Rufus Capuam, Q. Metellus Celer in agrum Picenum; iisque permissum: « uti pro tempore atque periculo exercitum compararent. » Ad hoc decrevere, « si quis indicavisset de conjuratione quæ contra rempublicam facta erat, præmium servo libertatem et sestertia centum; libero impunitatem ejus rei, et sestertia ducenta »: itemque, « uti gladiatoriae familiæ Capuam et in cetera

municipia distribuerentur, pro cuiusque opibus; Romæ per totam urbem vigiliæ haberentur, iisque minores magistratus præessent. »

XXXI. Quibus rebus permota civitas, atque immutata urbis facies : ex summâ lætitiâ atque lasciviâ, quæ diuturna quies populerat, repente omnîs tristitia invasit. Festinare, trepidare; neque loco, nec homini cuiquam satis credere; neque bellum gerere, neque pacem habere : suus quisque metu pericula metiri. Ad hoc mulieres, quibus, reipublicæ magnitudine, belli timor insolitus, afflictaræ sese, manus supplices ad cælum tendere; miserari parvos liberos; rogitare, omnia pavere; superbiâ atque deliciis omissis, sibi patriæque diffidere. At Catilinæ crudelis animus eadem illa movebat, tametsi præsidia parabantur, et ipse lege Plautiâ interrogatus ab L. Paulo. Postremò, dissimulandi caussâ, et quasi sui expurgandi, sicuti jurgio laccessitus foret, in senatum venit. Tùm M. Tullius consul, sive præsentiam ejus timens, seu irâ commotus, orationem habuit luculentam atque utilem reipublicæ : quam postea scriptam edidit. Sed, ubi ille adsedit, Catilina, ut erat paratus ad dissimulanda omnia, demisso vultu, voce supplici postulare, « Patres conscripti ne quid de se temerè crederent : eâ familiâ ortam,

ita ab adolescentiâ vitam instituisse, ut omnia bona in spe haberet : ne æstumarent, sibi patri-
cio homini, ejus ipsius atque majorum plurima
beneficia in plebem Romanam essent, perditâ
republicâ opus esse, cum eam servaret M.
Tullius, inquilinus civis urbis Romæ. » Ad hoc
maledicta alia cum adderet, obstrepere omnes,
hostem atque patricidam vocare. Tum ille furi-
bundus : « Quoniam quidem circumventus,
inquit, ab inimicis præceps agor, incendium
meum ruinâ restinguam. »

XXXII. DEIN se ex curiâ domum proripuit.
Ibi multa secum ipse volvens, quod neque in-
sidia consuli procedebant, et ab incendio in-
tellegebat urbem vigiliis munitam, optimum
factu credens exercitum augere, ac, prius
quàm legiones scriberentur, antecapere quæ
bello usui forent, nocte intempestâ cum paucis
in Manliana castra profectus est. Sed Cethego
atque Lentule, ceterisque quorum cognoverat
promptam audaciam, mandat, quibus rebus pos-
sent, opes factionis confirmant; insidias con-
suli maturant; eadem, incendia, aliaque belli
facinora, parent : sese propè diem cum magno
exercitu ad urbem accessurum. Dum hæc Romæ
geruntur, C. Manlius ex suo numero ad Marcium
regem mittit, cum mandatis hujusmodi :

XXXIII. « DEOS hominesque testamur, imperator, nos arma neque contra patriam cepisse, neque quod periculum aliis faceremus, sed uti corpora nostra ab injuriâ tuta forent; qui miseri, egentes, violentiâ atque crudelitate feneratorum plerique patriæ, sed omnes famâ atque fortunis expertes sumus : neque cuiquam nostram licuit, more majorum, lege uti, neque, amisso patrimonio, liberum corpus habere : tanta sævitia feneratorum atque prætoris fuit ! Sæpè majores vestram, miseriti plebis Romanæ, decretis suis inopiæ opitulati sunt : ac novissimè, memoriâ nostrâ, propter magnitudinem æris alieni, volentibus omnibus bonis, argentum ære solutum est. Sæpè ipsa plebes, aut dominandi studio permota, aut superbiâ magistratum, armata à patribus secessit. At nos non imperium neque divitias petimus, quarum rerum caussâ bella atque certamina omnia inter mortalis sunt; sed libertatem, quam nemo bonus, nisi cum animâ simul, amittit. Te atque senatum obtestamur, consulatis miseris civibus; legis præsidium, quod iniquitas prætoris eripuit, restituatis; neve eam necessitudinem imponatis, ut quæramus quoniam modo, viti maxumè sanguinem nostrum, pereamus. »

XXXIV. Ad hæc Q. Marcius respondit : « Si

quid absenatu petere vellent, ab armis discedant, Romam supplices profiscantur; eâ mansuetudine atque misericordiâ senatum populumque Romanum semper fuisse, ut nemo unquàm ab eo frustra auxilium petiverit. » At Catilina ex itinere plerisque consularibus, præterea optumo cuique, litteras mittit : « Se falsis criminibus circumventum, quoniam factioni inimicorum resistere nequiverit, fortunæ cedere, Massiliam in exilium proficisci; non quò sibi tanti sceleris conscius; sed uti respublica quieta foret, neve ex suâ contentione seditio oriretur. » Ab his longè diversas litteras Q. Catulus in senatu resitavit, quas sibi nomine Catilinæ redditas dicebat. Earum exemplum infra scriptum.

XXXV. « L. Catilina Q. Catulo S. — Egregia tua fides, re cognitâ, gratam in magnis periculis fiduciam commendationi meæ tribuit. Quamobrem defensionem in novo consilio non statui parare : satisfactionem ex nullâ conscientia de culpâ proponere decrevi; quam, me dius Eidius, veram licet cognoscas. Injuriis contumeliisque concitatus, quòd, fructu laboris industriæque meæ privatus, statum dignitatis non obtinebam, publicam miserorum caussam, pro meâ consuetudine, suscepi : non quin æs alienum meis nominibus ex possessionibus solvere possem,

cùm alienis nominibus liberalitas Orestillæ suis filiæque copiis persolveret; sed quòd non dignos homines honore honestatos videbam, meque falsà suspitione alienatum sentiebam. Hoc nomine satis honestas pro meo casu spes reliquæ dignitatis conservandæ sum secutus. Plura cùm scribere vellem, nunciatum est vim mihi parari. Nunc Orestillam commendo tuæque fidei trado. Eam ab injuriâ defendas, per liberos tuos rogatus. Haveto. »

XXXVI. SED ipse paucos dies commoratus apud C. Flaminium Flamman in agro Arretino, dùm vicinitatem, antea sollicitatam, armis exornat, cum fascibus atque aliis imperii insignibus in castra ad Manlium contendit. Hæc ubi Romæ comperta, senatus « Catilinam et Manlium hostes judicat; ceteræ multitudini diem statuit, antè quàm sine fraude liceret ab armis discedere, præter rerum capitalium condemnatis. » Præterea decernit « uti consules delectum habeant; Antonius cùm exercitu Catilinam persequi maturet; Cicero urbi præsidio sit. » Eâ tempestate mihi imperium populi Romani multò maxumè miserabile visum : cui, cùm ad occasum ab ortu solis omnia domita armis paterent, domi otium atque divitiæ, quæ prima mortales putant, adfluerent, fuere tamen cives qui seque

remque publicam obstinatis animis perditum irent. Namque duobus senati decretis, ex tantâ multitudine, neque præmio inductus conjunctionem patefecerat, neque ex castris Catilinæ quisquam omnium discesserat: tanta vis morbi, uti tabes, plerosque civium animos invaserat!

XXXVII. NEQUE solum illis aliena menserat, qui conscii conjunctionis; sed omnino cuncta plebes, novarum rerum studio, Catilinæ incepta probabat. Id adeo more suo videbatur facere. Nam semper in civitate, quis opes nullæ sunt, bonis invident, malos extollunt; vetera odere, nova exoptant; odio suarum rerum mutari omnia student; turbam atque seditionibus sine cura aluntur, quoniam egestas facile habetur sine damno.

Sed urbana plebes, ea vero præceps ierat multis de caussis. Primum omnium, qui ubique probro atque petulantia maxime præstabant, item alii per dedecora patrimoniis amissis, postremo omnes quos flagitium aut facinus domo expulerat; ii Romam, sicuti in sentinam, confluxerant. Deinde multi, memores Sullanæ victoriæ, quod ex gregariis militibus alios senatores videbant, alios ita divites, uti regio victu atque cultu ætatem agerent, sibi quisque, si in armis forent, ex victoria talia sperabant. Præterea

juventus, quæ in agris manuum mercede inopiam toleraverat, privatis atque publicis largitionibus excita, urbanum otium ingrato labori prætulera. Eos atque alios omnis malum publicum alebat. Quod minus mirandum est, homines egentis, malis moribus, maximâ spe, reipublicæ juxta ac sibi consuluisse. Præterea quorum, victoriâ Sullæ, parentes proscripti, bona erepta, jus libertatis imminutum erat, haud sanè alio animo belli eventum expectabant. Ad hoc, quicunque aliarum atque senati partium erant, conturbari rempublicam, quam minus valere ipsi malebant: id adeo malum multos post annos in civitatem reverterat!

XXXVIII. NAM, postquam, Cn. Pompeio et M. Crasso consulibus, tribunitia potestas restituta est, homines adolescentes summam potestatem nacti, quibus ætas animusque ferox, cœpère, senatum criminando, plebem exagitare; dein, largiundo atque pollicitando, magis incendere; ita ipsi clari potentesque fieri. Contra eos summâ ope nitebatur pleraque nobilitas, senati specie, pro suâ magnitudine. Namque, uti paucis verum absolvam, per illa tempora quicunque rempublicam agitavere, honestis nominibus, alii sicuti populi jura defenderent, pars quò senati auctoritas maxuma foret, bonum

publicum simulantēs, pro suâ quisque potentiâ certabant. Neque modestia, neque modus contentionis erat; utrique victoriam crudeliter exercebant.

XXXIX. SED, postquàm Cn. Pompeius ad bellum maritimum atque Mithridaticum missus est, plebis opes imminutæ, paucorum potentia crevit. Hi magistratus, provincias, aliaque omnia tenere: ipsi innoxii, florentes, sine metu ætatem agere; ceteros judiciis terrere, quò plebem in magistratu placidiùs tractarent. Sed ubi primum dubiis rebus novandi spes oblata est, vetus certamen animos eorum arrexit. Quodd si primo prælio Catilina superior aut æquâ manu discessisset, profectò magna clades atque calamitas rempublicam oppressisset; neque illis, qui victoriam adepti forent, diutiùs eâ uti licuisset, quin defessis et exsanguibus, qui plus posset, imperium atque libertatem extorqueret.

Fuere tamen extra conjunctionem complures qui ad Catilinam initio profecti sunt. In his A. Fùlvius, senatoris filius, quem retractum ex itinere parens necari jussit. Isdem temporibus Romæ Lentulus, sicuti Catilina præceperat, quoscunque moribus aut fortunâ novis rebus idoneos credebatur, aut per se, aut per alios sollicitabat; neque solum civis, sed cu-

jusquemodi genus hominum, quod modò bello usui foret.

XL. Igitur P. Umbreno cuidam negotium dat, uti legatos Allobrogum requirat, eosque, si possit, impellat ad societatem belli, existumans publicè privatimque ære alieno oppressos, prætereà, quòd naturâ gens Gallica bellicosa esset, facilitè eos ad tale consilium adduci posse. Umbrenus, quòd in Galliâ negotiatus, multisque principibus civitatum notus erat, atque eos noverat : itaque, sine mora, ubi primùm legatos in foro conspexit, percunctatus pauca de statu civitatis, et quasi dolens ejus casum, requirere coepit, « quem exitum tantis malis sperarent ? » Postquàm illos videt « queri de avaritiâ magistratum, accusare senatum quòd in eo auxilii nihil esset, miseriis suis remedium mortem expectare : « At ego, inquit, vobis, si modò viri esse voltis, rationem ostendam quâ tanta ista mala effugiatis. » Hæc ubi dixit, Allobroges, in maxumam spem adducti, Umbrenum orare uti suum miseretur; nihil tam asperum neque tam difficile quin cupidissumè facturi essent, dùm ea res civitatem ære alieno liberaret. Ille eorum in domum Decimi Bruti perducit; quòd foro propinqua, neque aliena consilii, propter Semproniam : nam tùm Brutus ab Româ aberat,

Præterea Gabinium arcessit, quò major auctoritas sermoni inesset: eo præsentē conjurationem aperit; nominat socios, præterea multos cujusque generis innoxios, quò legatis animus amplior esset; dein eos pollicitos operam suam dimittit.

XLI. SED Allobroges diù in incerto habuere quidnam consilii caperent. In alterâ parte erat æs alienum, studium belli, magna merces in spe victoriæ; at in alterâ majores opes, tanta præmia. Hæc illis consilia, pro incertâ spe ce-
volventibus, tandem vicit fortuna re-
Itaque, Q. Fabio Sangæ, cujus patrocini-
o civitas plurimum utebatur, rem omnem, uti cognoverant, aperiunt. Cicero, per Sangam consilio cognito, legatis præcipit studium conjurationis vehementer simulent, ceteros adeant, benè polliceantur, dentque operam uti eos quàm maxumē manifestos habeant.

XLII. ISDEM ferè temporibus in Galliâ citiore atque ulteriore, item in agro Piceno, Bruttio, Apuliâ, motus erat. Namque illi, quos antea Catilina dimiserat, inconsultè ac veluti per dementiam cuncta simul agere: nocturnis consiliis, armorum atque telorum portationibus, festinando, agitando omnia, plus timoris quàm periculi effecerant. Ex eo numero com-

pluris Q. Metellus Celer prætor, ex senati consultu, causâ cognitâ, in vincula coniecerat; item in ulteriore Galliâ C. Murena, qui ei provinciæ legatus præerat.

XLIII. At Romæ Lentulus, cum ceteris qui principes conjurationis erant, paratis, ut videbatur, magnis copiis, constituerant uti, Catilina in agrum Fæsulæ cum venisset, L. Bestia tribunus plebis, concione habitâ, quereretur de actionibus Ciceronis, bellicque gravissimi invidiam optumo consuli imponeret; eo signo, proxima nocte, cetera multitudo conjurationis suum quisque negotium exsequerentur. Sed ea divisa hoc modo dicebantur: Statilius, Gabinius, uti cum magnâ manu duodecim simul opportuna loca urbis incenderent, quò tumultu facilior aditus ad consulem, ceterosque quibus insidiæ parabantur, fieret: Cethegus Ciceronis januam obsideret, eum vi adgrederetur, alius autem alium; sed filii familiarum, quorum ex nobilitate maxuma pars, parentes interficerent; simul, cæde et incendio percussis omnibus, ad Catilinam erumperent.

Inter hæc parata atque decreta, Cethegus semper querebatur de ignavia sociorum: illos, dubitando et dies prolatando, magnas opportunitates corrumpere; factis, non consultis, in tali

periculo opus esse; seque, si pauci adjuvarent, languentibus aliis, impetum in curiam facturum. Naturâ ferox, vehemens, manu promptus, maxumum bonum in celeritate putabat.

XLIV. SED Allobroges, ex præcepto Ciceronis, per Gabinium ceteros conveniunt; ab Lentulo, Cethego, Statilio, item Cassio, postulant jusjurandum, quod signatum ad civis perferant: aliter haud faciliè eos ad tantum negotium impelli posse. Ceteri nihil suspicantes dant: Cassius semet eò brevi venturum pollicetur, ac paullò antè legatos ex urbe profisciscitur. Lentulus cum his T. Volturcium quemdam Crotoniensem mittit, uti Allobroges, priùs quàm domum pergerent, cum Catilinâ, datâ et acceptâ fide, societatem confirmarent. Ipse Volturcio litteras ad Catilinam dat, quarum exemplum infra scriptum:

« Quis sim ex eo quem ad te misi cognosces. Fac cogites in quantâ calamitate sis, et memineris te virum; consideres quid tuæ rationes postulent: auxilium petas ab omnibus, etiam ab infimis. »

Ad hoc mandata verbis dat: « Cùm ab senatu hostis judicatus sit, quo consilio servitia repudiet? in urbe parata esse quæ jusserit: ne cunctetur ipse propiùs accedere. »

XLV. His rebus ita actis, constitutâ nocte quâ proficiscerentur, Cicero, per legatos cuncta edoctus, L. Valerio Flacco et C. Pomptino prætoribus imperat uti in ponte Mulvio per insidias Allobrogum comitatus deprehendant; rem omnem aperit, cujus gratiâ mittebantur; cetera uti facto opus sit ita agant permittit. Homines militares, sine tumultu præsidiiis collocatis, sicuti præceptum erat, occultè pontem obsidunt. Postquàm ad id loci legati cum Volturcio venère, et simul utrinquè clamor exortus est; Galli, citò cognito consilio, sine morâ prætoribus se tradunt. Volturcius primò, cohortatus ceteros, gladio se à multitudine defendit; dein, ubi à legatis desertus est, multa priùs de salute suâ Pomptinum obtestatus, quòd ei notus erat; postremò, timidus ac vitæ diffidens, veluti hostibus, sese prætoribus dedit.

XLVI. Quibus rebus confectis, omnia propere per nuncios consuli declarantur. At illum ingens cura atque lætitia simul occupavere. Nam lætabatur, conjuratione patefactâ, civitatem periculis ereptam esse: porrò autem anxius erat, in maximo scelere tantis civibus deprehensis, quid facto opus esset; poenam illorum sibi oneri, impunitatem perdundæ reipublicæ credebat. Igitur, confirmato animo, vocari ad

scse jubet Lentulum, Cethegam, Statilium, Gabinium, item Q. Cœparium quemdam Terracinensem, qui in Apuliam ad concitanda servitia proficisci parabat. Ceteri sine morâ veniunt : Cœparius, paullò antè domo egressus, cognito iudicio, ex urbe profugerat. Consul Lentulum, quòd prætor erat, ipse manu tenens perducit; reliquos cum custodibus in ædora Concordiæ venire jubet. Eò senatum adyocat, magnâque frequentia ejus ordinis, Volturcium cum legatis introducit : Flaccum prætorem serinium cum litteris quas à legatis acceperat eòdem adferre jubet.

- XLVII. VOLTURCIUS interrogatus « de itinere, de litteris, postremò quid aut quâ de causâ consilii habuisset », primò fingere alia, dissimulare de conjuratione; pòst, ubi fide publicâ dicere jussus est, omnia uti gesta erant aperit : « se paucis antè diebus à Gabinio et Cœpario socium adscitum, nihil ampliùs scire quàm legatos; tantummodò audire solitum ex Gabinio P. Autronium, Servium, Sullam, L. Vargunteium, multos prætereà, in eâ conjuratione esse. » Eadem Galli fatentur : ac Lentulum dissimulantem coarguunt, præter litteras, sermonibus, quos ille habere solitus erat : « Ex libris Sibyllinis regum Romæ tribus Cornelia por-

tendi ; Cinnam atque Sullam antea ; se tertium , cui fatum foret urbis potiri ; præterea ab incenso Capitolio illum esse vigesimum annum , quem sæpè ex prodigiis haruspices respondissent bello civili cruentum fore. » Igitur perlectis litteris, cum prius omnes signa sua cognovissent, senatus decernit « uti, abdicato magistratu, Lentulus, item ceteri, in liberis custodiis haberentur. » Itaque Lentulus P. Lentulo Spintheri, qui tùm ædilis erat, Cethegus Q. Cornificio, Statilius C. Cæsari, Gabinus M. Crasso, Cœparius (nam is paullò antè ex fugà retractus erat) C. Terentio senatori, traduntur.

XLVIII. INTEÆÀ plebes , conjuratione patefactâ , quæ primò cupida rerum novarum nimis bello favebat , mutatâ mente , Catilinæ consilia exsecrari, Ciceronem ad cœlum tollere ; veluti ex servitute erepta , gaudium atque lætitiâ agitabat. Namque alia belli facinora prædæ magis quàm detrimento , incendium verò crudele , immoderatum , ac sibi maxumè calamitosum putabat ; quippè cui omnes copię in usu quotidiano et cultu corporis erant.

Post eum diem , quidam L. Tarquinius ad senatum adductus erat , quem ad Catilinam proficiscentem ex itinere retractum aiebant. Is cum se diceret indicaturum de conjuratione , si

fides publica data esset, jussus à consule quæ sciret edicere, eadem ferè quæ Volturcius de paratis incendiis, de cæde bonorum, de itinere hostium, senatum edocet : præterea « se missum à M. Crasso, qui Catilinæ nunciaret, ne eum Lentulus et Cethegus, alique ex conjuratione deprehensi, terrerent; eoque magis properaret ad urbem accedere, quò et ceterorum animos reficeret, et illi facilius è periculo eriperentur. »

Sed ubi Tarquinius Crassum nominavit, hominem nobilem, maximis divitiis, summâ potentia; alii, rem incredibilem rati; pars, tametsi verum existimabant, tamen, quia in tali tempore tanta vis hominis leniunda quàm exagitanda videbatur, plerique Crasso ex negotiis privatis obnoxii, conclamant « indicem falsum », deque eâ re postulant uti referatur. Itaque, consulente Cicerone, frequens senatus decernit : « Tarquinii indicium falsum videri, cumque in vinculis retinendum; neque amplius potestatem faciendam, nisi de eo indicaret cujus consilio tantam rem mentitus esset. »

Erant eo tempore qui æstumarent illud à P. Autronio machinatum, quò facilius, adpellato Crasso, per societatem periculi reliquos illius potentia tegeret. Alii Tarquinium à Cicerone immissum aiebant, ne Crassus, more suo, sus-

cepto malorum patrociniò, rempublicam conturbaret. Ipsum Crassum ego postea prædicantem audiui, tantam illam contumeliam sibi ab Cicerone impositam.

XLIX. SED isdem temporibus Q. Catulus et C. Piso neque gratiâ, neque precibus, neque pretio, Ciceronem impellere potuere, uti per Allobroges, aut alium indicem, C. Cæsar falsò nominaretur. Nam uterque cum illo gravis inimicitias exercebant: Piso obpugnatus, in judicio repetundarum, propter cujusdam Transpadani supplicium injustum: Catulus ex petitione pontificatûs odio incensus, quòd extremâ ætate, maxumis honoribus usus, ab adolescentulo Cæsare victus discesserat. Res autem opportuna videbatur quòd, privatim egregiâ liberalitate, publicè maxumis muneribus, grandem pecuniam debebat. Sed ubi consulem ad tantum facinus impellere nequeunt, ipsi singulatim circumeundo, atque cementiundo quæ se ex Volturcio aut Allobrogibus audisse dicerent, magnam illi invidiam conflaverant; usque cò, ut nonnulli equites Romani, qui præsidii causâ cum telis erant circum ædem Concordiæ, seu periculi magnitudine, seu animi nobilitate impulsì, quòd studium suum in rempublicam clarius esset, egredienti ex senatu Cæsari gladio minitarentur.

L. Domitius hoc in senatu aguntur, et dum legati Allobrogum et Tito Volturcio, comprobato eorum indicio, præmia decernuntur, liberti, et pauci ex clientibus Lentuli, diversis itineribus, opifices atque servitia in vicis ad eum eripendum sollicitabant, partim exquirebant duces multitudinum, qui pretio rem publicam vexare soliti. Cathegus autem per nuncios familiam atque liberos suos, lectos et exercitatos in audaciam, orabat; grege facto, cum telis ad sese irrumperent.

Consul, ubi ea parari cognovit, dispositis præsidiis, ut res atque tempus monebat, convocato senatu, refert, QUID DE HIS FIERI PLACEAT QUI IN CUSTODIAM TRADITI ERANT. Sed eos, paullò antè, frequens senatus judicaverat CONTRA REM PUBLICAM FECISSE. Tum D. Junius Silanus, primus sententiam rogatus, quòd eo tempore consul designatus erat, de his qui in custodiis tenebantur, præterea de L. Cassio, P. Furio, P. Umbreno, Q. Amio, si deprehensi forent, supplicium sumendum decreverat. Isque postea, permotus oratione C. Cæsaris, pedibus in sententiam Tib. Neronis iturum se dixerat; quòd de eâ re, præsidiis additis, referendum censuerat. Sed Cæsar, ubi ad eum ventum (rogatus sententiam à consule), hujusmodi verba locutus est:

LI. « OMNĪS homines, patres conscripti, qui de rebus dubiis consultant, ab odio, amicitia, ira atque misericordia, vacuos esse decet. Haud facile animus verum providet, ubi illa obficiunt; neque quisquam omnium lubidini simul et usui paruit. Ubi intenderis ingenium, valet; si lubido possidet, ea dominatur, animus nihil valet. Magna mihi copia memorandi, patres conscripti, qui reges atque populi, ira aut misericordia impulsī, malè consuluerint : sed ea malo dicere quæ majores nostri, contra lubidinem animi, rectè atque ordine fecêre. Bello Macedonico, quod cum rege Perse gessimus, Rhodiorum civitas, magna atque magnifica, quæ populi Romani opibus creverat, infida atque advorsa nobis fuit : sed postquam, bello confecto, de Rhodiis consultum est, majores nostri, ne quis divitiarum magis quàm injuriæ causâ bellum inceptum diceret, impunitos dimisêre. Item bellis Punicis omnibus, cum sæpè Carthaginienses, et in pace et per inducias, multa nefaria facinora fecissent, nunquàm ipsi per occasionem talia fecêre : magis, quid se dignum foret, quàm quid in illis jure fieri posset, quærebant.

« Hoc idem vobis providendum est, patres conscripti, ne plus valeat apud vos P. Lentuli

et ceterorum scelus quàm vestra dignitas; neu magis iræ quàm famæ consulatis. Nam si digna poena pro factis eorum reperitur, novum consilium adprobo : sin magnitudo sceleris omnium ingenia exsuperat, iis utendum censeo quæ legibus comparata sunt. Plerique eorum qui ante me sententias dixerunt, compositè atque magnificè casum reipublicæ miserati sunt : quæ belli sævitia, quæ victis acciderent, enumeravere : rapi virgines, pueros; divelli liberos à parentium complexu; matres familiarum pati quæ victoribus collibuissent; fana atque domos exspoliari; cædem, incendia fieri; postremò armis, cadaveribus, cruore atque luctu, omnia compleri. Sed, per deos immortalis, quò illa oratio pertinuit? An uti vos infestos conjurationi faceret? scilicet, quem res tanta atque tam atrox non permovit, cum oratio accendet! Non ita est : neque cuiquam mortalium injuriæ suæ parvæ videntur : multi eas gravius æquo habuere. Sed alia aliis licentia, patres conscripti. Qui demissi in obscuro vitam habent, si quid iracundiâ deliquere, pauci sciunt; fama atque fortuna pares sunt : qui magno imperio præditi in excelso ætatem agunt, eorum facta cuncti mortales novere. Ita in maximâ fortunâ minima licentia est. Neque studere, neque odisse, sed

minimè irasci decet. Quæ apud alios iracundia dicitur, ea in imperio superbia atque crudelitas adpellatur.

« Equidem ego sic æstumo, patres conscripti, omnîs cruciatus minores quàm facinora illorum esse. Sed plerique mortales postrema meminere; et, in hominibus impiis, sceleris obliti, de pœnâ disserunt, si ea pauliò severior fuit.

« Decimum Silanum, virum fortem atque strenuum, certè scio, quæ dixerit, studio reipublicæ dixisse, neque illum in tantâ re gratiam aut inimicitias exercere. Eos mores, eam modestiam viri cognovi. Verùm sententia non mihi crudelis, quid enim in talis homines crudele fieri potest? sed aliena à republicâ nostrâ videtur. Nam profectò aut metus aut injuria te subegit, Silane, consulem designatum, genus pœnæ novum decernere. De timore supervacaneum est disserere, cùm præsentî diligentîâ clarissimi viri consulis tanta præsidia sint in armis. De pœnâ possumus equidem dicere id quod res habet : in luctu atque miseriis mortem ærumnarum requiem, non cruciatum esse; càm cuncta mortalium mala dissolvere; ultrà neque curæ neque gaudio locum esse.

« Sed, per deos immortalis, quamobrem in

sententiam non addidisti, ut prius verberibus in eos animadverteretur? An quia lex Porcia vetat? at aliæ leges item condemnatis civibus animam non eripi, sed exilium permitti jubent. An quia gravius est verberari quàm necari? quid autem acerbum aut grave nimis in homines tanti facinoris convictos? Sin, quia levius; qui convenit in minore negotio legem timere, cum eam in maiore neglexeris?

« At enim quis reprehendet quod in parricidas reipublicæ decretum erit? Tempus, dies, fortuna, cujus lubido gentibus moderatur. Illis meritò accidet, quidquid evenerit. Ceterum vos, patres conscripti, quid in alios statuatis, considerate. Omnia mala exempla ex bonis orta sunt: sed ubi imperium ad ignaves aut minus bonos pervenit, novum illud exemplum ab dignis et idoneis ad indignos et non idoneos transfertur. Lacedæmonii devictis Atheniensibus triginta viros imposuere, qui rempublicam eorum tractarent. Hi primò cœpere pessimum quemque et omnibus invisum indemnatum necare. Ea populus lætari et meritò dicere fieri. Post, ubi paullatim licentia crevit, juxta bonos et malos lubricinosè interficere, ceteros metu terrere. Ita civitas, servitute oppressa, stultæ lætitiæ gravis pœnas dedit. Nostrâ memoriâ, victor

Sulla cùm Damasippum et alios hujusmodi, qui malo reipublicæ creverant, jugulari jussit, quis non factum ejus laudabat? Homines scelestos, factiosos, qui seditionibus rempublicam exagitaverant, meritò necatos aiebant. Sed ea res magnæ initium cladis fuit. Nam uti quisque domum, aut villam, postremò aut vas, aut vestimentum alicujus concupiverat, dabat operam uti in proscriptorum numero esset. Ita quibus Damasippi mors lætitiæ fuerat, post paulò ipsi traherantur: neque prius finis jugulandi fuit, quàm Sulla omnīs suos divitiis explevit.

« Atque ego hæc non in M. Tullio, neque his temporibus vereor; sed in magnâ civitate multa et varia ingenia sunt. Potest alio tempore, alio consule, cui item exercitus in manu sit, falsum aliquid pro vero credi. Ubi, hoc exemplo, per senati decretum consul gladium eduxerit, quis finem statuet? aut quis moderabitur?

« Majores nostri, patres conscripti, neque consilii neque audaciæ unquàm eguère: neque superbia obstabat, quò minùs aliena instituta, si modò proba, imitarentur. Arma atque tela militaria ab Samnitibus, insignia magistratuum ab Tuscis pleraque sumserunt: postremò, quod ubiquè apud socios aut hostis idoneum videbatur, cum summo studio domi exsequebantur:

imitari, quàm invidere bonis, malebant. Sed eodem illo tempore, Græciæ morem imitati, verberibus animadvertabant in civis, de condemnatis summum supplicium sumebant. Postquàm respublica adolevit et multitudine civium factiones valuère, circumveniri innocentes, alia hujuscemodi fieri cœpère. Tùm lex Porcia aliæque paratæ, quibus legibus exilium damnatis permissum. Hanc ego caussam, patres conscripti, quò minùs novum consilium capiamus, inprimis magnam puto. Profectò virtus atque sapientia major in illis fuit, qui ex parvis opibus tantum imperium secère, quàm in nobis, qui ea benè parta vix retinemus.

« Placet igitur eos dimitti, et augeri exercitum Catilinæ? Minumè. Sed ita censeo: Publicandas eorum pecunias, ipsos in vinculis habendos per municipia quæ maxumè opibus valent: neu quis de his postea ad senatum referat, neve cum populo agat: qui aliter fecerit, senatum existimare eum contra rempublicam et salutem omnium facturum. »

LII. POSTQUÀM Cæsar dicendi finem fecit, ceteri verbo, alius alii, variè adsentiebantur: at M. Porcius Cato, rogatus sententiam, hujuscemodi orationem habuit:

« Longè mihi alià mens est, patres cons-

cripti, cùm res atque pericula nostra considero, et cùm sententias nonnullorum mecum ipse reputo. Illi mihi disseruisse videntur de poenâ eorum qui patriæ, parentibus, aris atque focis suis bellum paravêre : res autem monet cavere ab illis magis, quàm quid in illis statuamus consultare. Nam cetera tùm persequare, ubi facta sunt; hoc nisi provideris ne accadat, ubi evenit frustra judicia implores. Captâ urbe, nihil fit reliqui victis. Sed, per deos immortalis ! vos ego appello qui semper domos, villas, signa, tabulas vestras, pluris quàm rem publicam fecistis : si ista, cujuscunque modi sint, quæ amplexamini, retinere, si voluptatibus vestris otium præbere volitis, expergiscimini aliquandò, et capessite rem publicam. Non agitur de vectigalibus, non de sociorum injuriis ; libertas et anima nostra in dubio est.

« Sæpenumerò, patres conscripti, multa verba in hoc ordine feci : sæpè de luxuriâ atque avaritiâ nostrorum civium questus sum ; multosque mortalîs eâ caussâ advorsos habeo. Qui mihi atque animo meo nullius unquàm delicti gratiam fecissem, haud facîle alterius lubidini malefacta condonabam. Sed ea tametsi vos parvi pendebatis ; tamen res publica firma, opulentia negligentiam tolerabat. Nunc verò non

id agitur, bonis an malis moribus vivamus, neque quantum aut quam magnificum imperium populi Romani; sed cujus hæc cumque mores nostri an nobiscum una hostium futura sint,

« Hic mihi quisquam mansuetudinem et misericordiam nominat! Jampridem equidem nos vera rerum vocabula amisimus; quia bona aliena largiri, liberalitas; malarum rerum audacia, fortitudo vocatur. Eò respublica in extremo sita. Sint sanè, quoniam ita se mores habent, liberales ex sociorum fortunis; sint misericordes in furibus ærarii: ne illis sanguinem nostrum largiantur; et, dum paucis scele-ratis parcunt, bonos omnis perditum eant.

« Benè et compositè C. Cæsar paullò antè in hoc ordine de vitâ et morte disseruit; falsa, credo, existumans quæ de inferis memorantur, diverso itinere malos à bonis loca tetra, inculta, fœda atque formidolosa habere. Itaque censuit PECUNIAS EORUM PUBLICANDAS, IPSOS PER MUNICIPIA IN CUSTODIIS HABENDOS; videlicet timens ne, si Romæ sint, aut à popularibus conjurationis, aut à multitudine conductâ, per vim eripiantur: quasi verò mali atque scelesti tantummodò in urbe, et non per totam Italiam sint; aut non ibi plus possit audacia, ubi ad defendendum opes minores. Quare vanum equi-

dem hoc consilium, si periculum ex illis metuit : si in tanto omnium metu solus non timet, eò magis refert mihi atque vobis timere. Quare cum de P. Lentulo ceterisque statuetis, pro certo habetote vos simul de exercitu Catilinæ et de omnibus conjuratis decernere. Quantò vos attentius ea agetis, tantò illis animus infirmior crit. Si paullulum modò vos languere viderint, jam omnes feroces adferunt.

« Nolite existimare majores nostros armis rempublicam ex parvâ magnam fecisse. Si ita res esset, multò pulcherrumam eam nos haberemus : quippè sociorum atque civium, præterea armorum atque equorum, major nobis copia quàm illis. Sed alia fuere quæ illos magnos fecere, quæ nobis nulla sunt : domi industria, foris justum imperium, animus in consulendo liber, neque delicto neque lubrici obnoxius. Pro his, nos habemus luxuriam atque avaritiam, publicè egestatem, privatim opulentiam ; laudamus divitias, sequimur inertiam ; inter bonos et malos discrimen nullum ; omnia virtutis præmia ambitio possidet. Neque mirum ; ubi vos separatim sibi quisque consilium capitis, ubi domi voluptatibus, hic pecuniæ aut gratiæ servitis : eo fit ut impetus fiat in vacuam rempublicam. Sed ego hæc omitto.

« Conjuravère nobilissimi cives patriam incendere ; Gallorum gentem infestissimam nomini Romano ad bellum arcessunt ; dux hostium cum exercitu supra caput est : vos cunctamini etiam nunc et dubitatis quid intra moenia adprehensis hostibus faciatis ! Misereamini, censeo : deliquère homines adolescentuli per ambitionem. Atque etiam armatos dimittatis ? Næ ista vobis mansuetudo et misericordia, si illi arma ceperint, in miseriam vertet. Scilicet res aspera est ; sed vos non timetis eam : immò verò maxumè ; sed inertiam et molliam animi, alius alium expectantes, cunctamini, videlicet diis immortalibus confisi, qui hanc rempublicam in maxumis sæpè periculis servavère. Non votis neque suppliciis muliebribus auxilia deorum parantur : vigilando, agendo, bene consulendo, prospera omnia cedunt. Ubi securitiæ te atque ignaviæ tradideris, nequidquam deos implores ; irati infestique sunt.

« Apud majores nostros T. Manlius Torquatus bello Gallico filium suum, quod is contra imperium in hostem pugnaverit, necari jussit. Atque ille egregius adolescens immoderatæ fortitudinis morte poenas dedit : vos de crudelissimis parricidis quid statutis cunctamini ! Videlicet vita cetera eorum huic sceleri obstat.

Verùm parcite dignitati Lentuli, si ipse pudicitiae, si famæ suæ, si dīs aut hominibus unquam ullis pepercit : ignoscite Cethegi adolescentiæ, nisi iterum patriæ bellum fecit. Nam quid ego de Gabinio, Statilio, Cœpario, loquar ? quibus si quidquam pensi unquam fuisset, non ea consilia de republicâ habuissent.

« Postremò, patres conscripti, si, mehercule ! peccato locus esset, facilè paterer vos ipsâ re corrigi, quoniam verba contemnitis. Sed undiquè circumventi sumus. Catilina cum exercitu fauēibus urget ; alii intra mœnia, in sinu urbis, sunt hōstes ; nequè parari, neque consuli quidquam occultè potest : quò magis prope-
randum. Quarè ita ego censeo : cū nefario consilio sceleratorum civium respublica in maxuma pericula venerit, hique indicio T. Volturcii et legatorum Allobrogum convicti confessique sint, eadem, incendia, alia fœda atque crudelia facinora in civis patriamque paravisse ; de confessis, sicuti de manifestis rerum capitalium, more majorum, supplicium sumendum. »

LIII. POSTQUAM Cato adsedit, consulares omnes, itemque senatūs magna pars, sententiam ejus laudant, virtutem animi ad cœlum ferunt ; alii alios increpantes timidos vocant : Cato

magnus atque clarus habetur : senati decretum sit sicuti ille censuerat.

Sed mihi multa legenti, multa audienti, quæ populus Romanus domi militiæque, mari atque terrâ, præclara facinora fecit, fortè lubuit attendere quæ res maxumè tanta negotia sustinisset. Sciebam sæpenumerò parvâ manu cum magnis legionibus hostium contendisse; cognoveram parvis copiis bella gesta cum opulentis regibus : ad hoc, sæpè fortunæ violentiam toleravisse; facundiâ Græcos, gloriâ belli Gallos, aut Romanos fuisse. Ac mihi multa agitantî constabat paucorum civium egregiam virtutem cuncta patravisse; eoque factum uti divitias paupertas, multitudinem paucitas superaret.

Sed postquàm luxu atque desidiâ civitas corrupta est, rursùs respublica magnitudine suâ imperatorum atque magistratuum vitia sustentabat; ac, sicuti essetâ parente, multistempestatibus haud sanè quisquam Romæ virtute magnus fuit. Sed memoriâ meâ, ingenti virtute, divorsi moribus, fuère viri duo, M. Cato et C. Caesar : quos, quoniam res obtulerat, silentio præterire non fuit consilium, quin utriusque naturam et mores, quantum ingenio possem, aperirem.

LIV. Igitur his genus, ætas, eloquentia,

propè æqualia fuere : magnitudo animi par, item gloria; sed alia alii. Cæsar beneficiis ac munificentia magnus habebatur; integritate vitæ Cato. Ille mansuetudine et misericordia clarus factus; huic severitas dignitatem addiderat. Cæsar dando, sublevando, ignoscendo; Cato nihil largiundo gloriam adeptus. In altero miserris perfugium; in altero malis pernicies. Illius facilitas, hujus constantia laudabatur. Postremo, Cæsar in animum induxerat laborare, vigilare; negotiis amicorum intentus, sua neglegere; nihil denegare quod dono dignum esset; sibi magnum imperium, exercitum, novum bellum exoptabat ubi virtus enitescere posset. At Catoni studium modestiæ, decoris, sed maxumè severitatis erat: non divitiis cum divite, neque factione cum factioso, sed cum strenuo virtute, cum modesto pudore, cum innocente abstinentiâ, certabat: esse, quàm videri, bonus malebat; ita, quod minus gloriam petebat, eò magis adsequebatur.

LV. POSTQUAM, ut dixi, senatus in Catonis sententiam discessit, consul optimum factum ratus noctem quæ instabat antecapere, ne quid eo spatio novaretur; triumviros quæ supplicium postulabat parare jubet: ipse, dispositis præsidiis, Lentulum in carcereor deducit; idem sit

ceteris per prætores. Est locus in carcere, quod Tullianum adpellatur, ubi paullulum descendens ad lævam, circiter duodecim pedes humi depressus. Eum muniunt undiquè parietes, atque insuper camera lapideis fornicibus viuncta: sed incultu, tenebris, odore, fœda atque terribilis ejus facies est. In eum locum postquàm demissus Lentulus, vindices rerum capitalium, quibus præceptum erat, laqueo gulam fregère. Ita ille patricius, ex clarissimâ gente Corneliorum, qui consulare imperium Romæ habuerat, dignum moribus factisque suis exitium vitæ invenit. De Cethego, Statilio, Gabinio, Cœpario, eodem modo supplicium sumtum est.

LVI. Dùm ea Romæ gerantur, Catilina, ex omni copiâ quam et ipse adduxerat, et Manlius habuerat, duas legiones instituit; cohortes pro numero militum complet: deindè, ut quisque voluntarius aut ex sociis in castra venit, æqualiter distribuerat; ac brevi spatio legiones numero hominum expleverat, cùm initio non ampliùs duobus millibus habuisset. Sed ex omni copiâ circiter pars quarta erat militaribus armis instructa; ceteri, ut quemque casus armaverat, sparos, aut lanceas, alii præacutas sudes, portabant. Sed postquàm Antonius cum exercitu adventabat, Catilina per montis iter facere, ad urbem modò, modò in Galliam versùs, castra

movere; hostibus occasionem pugnandi non dare. Sperabat propediem magnas copias sese habiturum, si Romæ socii incepta patravissent. Intereâ servitia repudiabat, cujus initio ad eum magnæ copię concurrebant, opibus conjurationis fretus; simul alienum suis rationibus existumans, videri caussam civium cum servis fugitivis communicavisse.

LVII. SED postquàm in castra nuncius pervenit Romæ conjurationem patefactam, de Lentulo, Cethego, ceteris quos suprâ memoravi, supplicium sumtum, plerique, quos ad bellum spes rapinarum aut novarum rerum studium illexerat, dilabuntur: reliquos Catilina per montis asperos magnis itineribus in agrum Pistoriensem abducit, eò consilio uti per trames occultè profugeret in Galliam. At Q. Metellus Celer cum tribus legionibus in agro Picenō præsidebat, ex difficultate rerum eadem illa existumans, quæ suprâ diximus, Catilinam agitare; igitur, ubi iter ejus ex perfugis cognovit, castra properè movet, ac sub ipsis radicibus montium consedit quâ illi descensus erat in Galliam properanti. Neque tamen Antonius procul aberat, utpotè qui magno exercitu, locis æquioribus, expeditos in fûgam sequeretur.

Sed Catilina, postquàm videt montibus atque

copiis hostium sese clausum, in urbe res adversas, neque fugæ neque præsidii ullam spem. Optimum factum ratus in tali re fortunam bellî tentare, statuit cum Antonio quàm primùm confluere. Itaque, concione advocatâ, hujusmodi orationem habuit :

LVIII. « COMPERTUM ego habeo, milites, verba virtutem non addere, neque ex ignavo strenuum, neque fortem ex timido exercitum oratione imperatoris fieri. Quanta cujusque animo audacia naturâ aut moribus inest, tanta in bello patere solet. Quem neque gloria neque pericula excitant, nequidquam hortêre : timor animi auribus obfecit. Sed ego vos, quò pauca monerem, advocavi, simul atque causam consilii aperirem.

« Scitis equidem, milites, secordia atque ignavia Lentuli quantam ipsi cladem nobisque attulerit : quoque modo, dùm ex urbe præsidia opperior, in Galliam proficisci nequiverim. Nunc verò quo in loco res nostræ sint juxta mecum omnes intellegitis. Exercitus hostium duo, unus ab urbe, alter à Galliâ obstant : diutius in his locis esse, si maxumè animus ferat, frumenti atque aliarum rerum egestas prohibet. Quocunque ire placet, ferro iter aperiendum est.

« Quapropter vos moneo uti fortè atque parato animo sitis ; et, cùm prælium inibitis, meminertis vos divitias, decus, gloriam, prætereà libertatem atque patriam, in dextris portare. Si vincimus, omnia nobis tuta erunt, commeatus abundè, coloniæ atque municipia patebunt. Sin metu cesserimus, eadem illa advorsa fiunt : neque locus neque amicus quisquam teget quem arma non texerint. Prætereà, milites, non eadem nobis et illis necessitudo impendet. Nos pro patriâ, pro libertate, pro vitâ, certâmus : illis supervacaneum est pugnare pro potentiâ paucorum. Quò audaciùs adgredimini, memores pristinæ virtutis.

« Licuit vobis cum summâ turpitudine in exilio ætatem agere : potuistis nonnulli Romæ, amissis bonis, alienas opes expectare. Quia illa foeda atque intoleranda viris videbantur, hæc sequi decrevistis. Si relinquere voltis, audaciâ opus est. Nemo, nisi victor, pace bellum mutavit. Nam in fugâ salutem sperare, cùm arma quîs corpus tegitur ab hostibus averteris, ea verò dementia est. Semper in prælio his maxumum est periculum qui maxumè timent ; audacia pro muro habetur.

« Cùm vos considero, milites, et cùm facta vestra æstumo, magna me spes victoriæ tenet.

Animus, ætas, virtus vestra, hortantur; præterea necessitudo, quæ etiam timidos fortis facit. Nam multitudo hostium ne circumvenire queat prohibent angustiae. Quod si virtuti vestrae fortuna inviderit, cavete inulti animam amittatis; ne capti potius, sicuti pecora trucidemini, quam, virorum more pugnantes, cruentam atque lucuosam victoriam hostibus relinquatis. »

LIX. Hæc ubi dixit, paullulum commoratus, signa canere jubet, atque instructos ordines in locum æquum deducit; dein, remotis omnium equis, quod militibus exæquato periculo animus amplior esset, ipse pedes exercitum pro loco atque copiis instruit. Nam, ut planities erat inter sinistros montis et ab dextrâ rupes asperæ, octo cohortis in fronte constituit; reliqua signa in subsidio arctius collocat. Ab his centuriones omnis lectos et evocatos, præterea ex gregariis militibus optimum quemque armatum, in primam aciem subducit. C. Manlium in dextrâ, Fæsulanum quemdam in sinistrâ parte curare jubet: ipse cum libertis et colonis propter aquilam adsistit, quam bello Cimbrico C. Marius in exercitu habuisse dicebatur.

At ex alterâ parte C. Antonius, pedibus æger, quod prælio adesse nequibat, M. Potreio legato exercitum permittit. Ille cohortis vete-

ranas, quas tumulti causâ conscripserat, in fronte; post eas ceterum exercitum in subsidiis locat. Ipse, equo circumiens, unumquemque nominans adpellat, hortatur, rogat uti meminerint se contrâ lairônes inermos, pro patriâ, pro liberis, pro aris atque focis suis, certare. Homo militaris, quod ampliùs annos triginta tribunus, aut præfectus, aut legatus, aut prætor, cum magnâ gloriâ fuerat, plerosque ipsos factaque eorum fortia noverat, ea commemorando militum animos accendebat.

LX. SED ubi, rebus omnibus exploratis, Petreius tubâ signum dat, cohortispaullatim incedere jubet. Idem facit hostium exercitus. Postquam eò ventum est undè à ferentariis prælium committi posset, maximo clamore cum infestis signis concurrunt; pila omittunt; gladiis res geritur. Veterani, pristinæ virtutis memores, comminùs acriter instare; illi haud timidi resistunt. Maxumâ vi certatur. Intere Catilina cum expeditis in primâ acie versari, laborantibus succurrere, integros pro sauciis arcessere; omnia providere; multùm ipse pugnare, sæpè hostem ferire. Strenui militis et boni imperatoris officia simul exsequebatur. Petreius, ubi videt Catilinam, contrâ ac ratus erat, magnâ vi tendere, cohortem prætoriam in medios

hos is inducit; eos perturbatos atque alios alibi resistentes interficit; deinde utrinque ex lateribus adgreditur. Manlius et Fæsulanus, inprimis pugnantes, cadunt. Postquam fusas copias, seque cum paucis relictum videt Catilina, memor generis atque pristinae dignitatis, in confertissimos hostes incurrit, ibique pugnans confoditur.

LXI. SED confecto praelio, tum verò cerneret quanta audacia quantaque animi vis fuisset in exercitu Catilinae: nam ferè quem quisque pugnando locum ceperat, eum, amissâ animâ, corpore tegebat; pauci autem, quos medios cohors prætoria disjecerat, paullo diversiùs, sed omnes tamen advorsis vulneribus, conciderant. Catilina verò, longè à suis, inter hostium cadavera repertus est, paullulum etiam spirans, ferociamque animi quam habuerat vivus in vultu retinens. Postremò ex omni copiâ neque in praelio neque in fugâ quisquam civis ingenuus captus est: ita cuncti suæ hostiumque vitæ juxtâ pepercerant. Neque tamen exercitus populi Romani lætam aut incruentam victoriâ adeptus; nam strenuissimus quisque aut occiderat in praelio, aut graviter vulneratus discesserat. Multi autem, qui de castris, visundi aut spoliandi gratiâ, processerant, volentes hostilia

cadavera, amicum alii, pars hospitem, amicum cognatum reperiebant. Fuere item qui inimicos suos cognoscerent. Ita variè per omnem exercitum lætitia, mœror, luctus atque gaudia, agitantur.

C. C. SALLUSTII

BELLUM

JUGURTHINUM.

C. C. SALLUSTII

BELLUM

JUGURTHINUM.

I. FALSÒ queritur de naturâ suâ genus humanum, quòd, imbecillè atque ævi brevis, sorte potiùs quàm virtute regatur : nam contrà, reputando, nequè majus aliud neque præstabilius invenias, magisque naturæ industriam hominum, quàm vim aut tempus deesse. Sed dux atque imperator vitæ mortalium animus est ; qui, ubi ad gloriam virtutis viâ grassatur, abundè pollens potensque et clarus est : neque fortune eget ; quippè probitatèm, industriam, alias artís bonas, neque dare neque eripere potest. Sin, captus pravis cupidinibus, ad inertiam et voluptatís corporis pessum datus, est perniciosâ lubricine paullisper usus ; ubi per secordiam vires, tempus, ingenium defluxère, naturæ infirmitas accusatur, suam quisque culpam auctores ad negotia transferunt. Quòd si hominibus bonarum rerum tanta cura esset, quanto studio aliena ac nihil profutura, multùmque etiam

periculosa petunt; neque regerentur magis quàm regerent casus, et eò magnitudinis procederent, ubi, pro mortalibus, gloriâ æterni fierent.

II. NAM uti genus hominum compositum ex animâ et corpore, ita resæcunctæ studiaque omnia nostra corporis alia, alia animi naturam sequuntur. Igitur præclara facies, magnæ divitiæ, ad hoc vls corporis, alia hujuscemodi omnia, brevi dilabuntur; at ingenii egregia facinora, sicuti anima, immortalia sunt. Postremò corporis et fortunæ honorum, ut ipitium, finis est; omnia orta occidunt, et aucta sevescunt: animus incorruptus, æternus, rector humani generis, agit atque habet cuncta, neque ipse habetur. Quò magis pravitas eorum admiranda est, qui, dediti corporis gaudiis, per luxum atque ignaviam ætatem agunt: ceterùm ingenium, quo neque melius, neque amplius aliud in naturâ mortalium est, incultu atque secordiâ torpescere sinunt; cùm præsertim tam multæ variæque sint artes animi, quibus summa claritudo paratur.

III. VERUM ex his magistratus et imperia, postremò omnis cura rerum publicarum, minus mihi hæc tempestate cupiunda videntur: quoniam neque virtuti honos datur, neque illi, quibus per fraudem jus fuit, tuti aut eò magis

honesti sunt. Nam vi quidem regere patriam aut parentes, quanquam et possis, et delicta corrigas, tamen importunum est, cum præsertim omnes rerum mutationes cædem, fugam, aliaque hostilia portendant. Frustrâ autem nili, neque aliud, se fatigando, nisi odium quærere, extremæ dementiæ est: nisi fortè quem inhonesta et perniciosa libido tenet, potentiæ paucorum decus atque libertatem suam gratificari.

IV. CETERUM, ex aliis negotiis quæ ingenio exercentur, inprimis magno usui est memoria rerum gestarum: cujus de virtute, quia multi dixere, prætereundum puto; simul, ne per insolentiam quis existimet memet studium meum laudando extollere. Atque ego credo fore qui, quia decrevi procul à republicâ ætatem agere, tanto tamque utili labori meo nomen inertiae imponant; certè quibus maxuma industria videtur salutare plebem, et conviviis gratiam quærere. Qui si reputaverint, et quibus ego temporibus magistratus adeptus sum, et quales viri idem adsequi nequiverint, et postea quæ genera hominum in ænatum pervenerint; profectò existimabunt me magis meritò quàm ignaviâ judicium animi mutavisse, majusque commodum ex otio meo, quàm ex aliorum negotiis, reipublicæ venturum.

Nam sæpè audiui Q. Maxumum; P. Scipionem, præterea civitatis nostræ præclaros viros solitos ita dicere, CUM MAJORUM IMAGINES INTUE-
RENTUR, VEHEMENTISSUMÈ SIBI ANIMUM AD VIR-
TUTÈM ACCENDI. Scilicet non ecræ illam, neque figuram, tantam vim in sese habere, sed me-
moriâ rerum gestarum eam flammam egregiis
viris in pectore crescere, neque prius sedari
quàm virtus eorum famam atque gloriâ adæ-
quaverit. At contrà, quis est omnium, his mo-
ribus, quin divitiis et sumtibus, non probitate
neque industriâ, cum maioribus suis contendat?
Etiam homines novi, qui antea per virtutem so-
liti erant nobilitatem anteverire, furtim et per
latrocinia potiùs quàm bonis artibus ad imperia
et honores nituntur: proinde quasi prætura et
consulatus, atque alia omnia hujusmodi, per
se ipsa clara, magnifica sint; ac non perindè ha-
beantur, ut eorum qui sustinent virtus est. Verùm
ego liberiùs altiùsque processì, dùm me civitatis
morum piget tædetque; nunc ad inceptum redeo.

V. BELLUM scripturus sum quod populus
Romanus cum Jugurthâ, rege Numidarum,
gessit; primùm quia magnum et atrox, variaque
victoria fuit; dein quia tum primùm superbæ
nobilitatis obviâ itum est: quæ contentio
divina et humana cuncta permiscuit, eoque

recordiæ processit, uti studiis civilibus bellum atque vastitas Italiæ finem faceret. Sed, priusquam hujusmodi rei initium expedio, pauca suprâ repetam; quò ad cognoscendum omnia illustria magis magisque in aperto sint.

Bello Punico secundo, quo dux Carthaginiensium Hannibal, post magnitudinem nominis Romani, Italiæ opes maxumè adtriverat; Masinissa, rex Numidarum, in amicitiam receptus à P. Scipione, cui postea Africano cognomen ex virtute fuit, multa et præclara rei militaris facinora fecerat: ob quæ, victis Carthaginensibus, et capto Syphace, cujus in Africâ magnum atque latè imperium valuit, populus Romanus quascunque urbîs et agros manu ceperat regi dono dedit. Igitur amicitia Masinissæ bona atque honesta nobis permansit: imperii vitæque ejus finis idem fuit. Dein Micipsa filius regnum solus obtinuit, Mastanabale et Gulussâ fratribus morbo absumtis. Is Adherbalem et Hiempsalem ex sese genuit; Jugurthamque, Mastanabalis fratris filium, quem Masinissa, quòd ortus ex concubinâ erat, privatum reliquerat, eodem cultu quo liberos suos domi habuit.

VI. QUI ubi primùm adolevit, pollens viribus, decorâ facie, sed multò maxumè ingenio

validus, non se luxui neque inertiae corrumpendum dedit; sed, uti mos gentis illius est, equitare, jaculari, cursu cum æqualibus certare; et, cum omnis gloriam anteiret, omnibus tamen carus esse; ad hoc, pleraque tempora in venando agere, leonem atque alias feras primus aut inprimis ferire; plurimum facere, minimum ipse de se loqui.

Quibus rebus Micipsa tametsi initio lætus fuerat, existumans virtutem Jugurthæ regno suo gloriæ fore, tamen, postquam hominem adolescentem, exactam suam ætate, parvis liberis, magis magisque crescere intellegit, vehementer negotio permotus, multa cum animo suo volebat. Terrebat natura mortalium, avida imperii et præceps ad explendam animi cupidinem: præterea opportunitas suæque et liberorum ætatis, quæ etiam mediocris viros spe prædæ transvorsos agit; ad hoc studia Numidarum in Jugurtham accensa; ex quibus, si talem virum interfecisset, ne qua seditio aut bellum oriretur, anxius erat.

VII. His difficultatibus circumventus, ubi videt neque per vim neque insidiis opprimi posse hominem tam acceptum popularibus, quod erat Jugurtha manu promptus et adpetens gloriæ militaris, statuit eum objectus periculis,

et eo modo fortunam tentare. Igitur, bello Numantino, Micipsa cum populo Romano equitum atque peditum auxilia mitteret, sperans, vel ostentando virtutem, vel hostium savitiâ facilè occasurum, præfecit Numidis quos in Hispaniam mittebat. Sed ea res longè aliter ac ratus erat evenit.

Nam Jugurtha, ut erat impigro atque acri ingenio, ubi naturam P. Scipionis, qui tùm Romanis imperator, et morem hostium cognovit, multo labore, multâque curâ, præterea modestissimè parendo et sæpè obviâ eundo periculis, in tantam claritudinem brevè pervenerat, ut nostris vehementer carus, Numantinis maximo terrori esset. Ac sanè, quod difficillimum in primis est, et prælio strenuus erat, et bonus consilio; quorum alterum ex providentiâ timorem, alterum ex audaciâ temeritatem, adferre plerumquè solet. Igitur imperator omnis ferè res asperas per Jugurtham agere, in amicis habere, magis magisque in dies amplecti: quippè cujus neque consilium neque inceptum ullum frustrâ erat. Huc accedebat munificentia animi, et ingenii sollertia, quâs rebus sibi multos ex Romanis familiari amicitia conjunxerat.

VIII. Eâ tempestate in exercitu nostro fuere complures novi atque nobiles, quibus divitiarum

bono honestoque potiores erant, factiosi, domi potentes, apud socios clari magis quàm honesti; qui Jugurthæ non mediocrem animum pollicitando accendebant, si MICIPSA REX OCCIDISSET, FORE UTI SOLUS IMPERII NUMIDIÆ POTIRETUR: IN IP SO MAXIMAM VIRTUTEM, ROMÆ OMNIA VENALIA ESSE.

Sed postquàm, Numantiâ deletâ, P. Scipio dimittere auxilia, ipse revorti domum decrevit; donatum atque laudatum magnificè pro concione Jugurtham in prætorium abduxit. Ibique secretò monuit, « uti potius publicè quàm privatim amicitiam populi Romani coleret; neu quibus largiri insuesceret: periculosè à paucis emi quod multorum esset: si permanere vellet in suis artibus, ultrò illi et gloriam et regnum venturum; sin properantiùs pergeret, suamet ipsum pecuniâ præcipitem casurum. »

IX. Sic locutus, cum litteris, quas Micipsæ redderet, dimisit. Earum sententia hæc erat: « Jugurthæ tui bello Numantino longè maxuma virtus fuit; quam rem tibi certè scio gaudio esse. Nobis ob merita carus est; uti idem senatui sit et populo Romano summâ ope nitemur. Tibi quidem pro nostrâ amicitia gratulor: en habes virum dignum te atque avo suo Masinissâ. »

Igitur rex, ubi quæ famâ acceperat ex litteris

imperatoris ita esse cognovit, cū virtute viri, tū gratiā permotus, flexit animum suum, et Jugurtham beneficiis vincere adgressus est; statimque adoptavit, et testamento pariter cum filiis hæredem instituit. Sed ipse paucos post annos, morbo atque ætate confectus, cū sibi finem vitæ adesse intellegeret, coram amicis et cognatis, item Adherbale et Hiempsale filiis, dicitur hujuscemodi verba cum Jugurthā habuisse :

X. « PARVUM ego, Jugurtha, te, amisso patre, sine spe, sine opibus, in meum regnum accepi, existumans non minùs me tibi quàm liberis, si genuissem, ob beneficia carum fore; neque carum falsum me habuit. Nam, ut alia magna et egregia tua omittam, novissumè rediens Numantiā, meque regnumque meum gloriā honoravisti; tuā virtute nobis Romanos ex amicis amicissimos fecisti; in Hispaniā nomen familie renovatum; postremò, quod difficillimum inter mortalīs, gloriā invidiam vicisti. Nunc, quoniam mihi natura vitæ finem facit, per hanc dextram, per regni fidem, moneo obtestorque uti hos, qui tibi genere propinqui, beneficio meo fratres sunt, caros habeas; neu malis alienos adungere, quàm sanguine conjunctos retinere. Non exercitus neque thesauri præsidia

regni sunt, verum amici, quos neque armis cogere, neque auro parare queas : officio et fide pariuntur. Quis autem amicior quam frater fratri? aut quem alienum fidum invenies, si tuis hostis fueris? Equidem ego vobis regnum trado firmum, si boni eritis; sin mali, imbecillum : nam concordiam parvæ res crescunt, discordiam maxumæ dilabuntur. Ceterum ante hos te, Jugurtha, qui ætate et sapientiam prior es, ne aliter quid eveniat providere decet : nam, in omni certamine, qui opulentior est, etiam si accipit injuriam, quia plus potest, facere videtur. Vos autem, Adherbal et Hiempsal, colite, observatè talem hunc virum; imitamini virtutem, et enitimini ne ego meliores liberos sumsisse videar, quam genuisse. »

XI. Ad ea Jugurtha, tametsi regem ficta locutum intellegebat, et ipse longè aliter animo agitabat, tamen pro tempore benignè respondit. Micipsa paucis diebus moritur. Postquam illi, more regio, justa magnificè fecerant, reguli in unum conveniére, uti inter se de cunctis negotiis disceptarent. Sed Hiempsal, qui minimus ex illis, naturâ ferox, etiam antea ignobilitatem Jugurthæ (quia materno genere impar erat) despiciens, dextrâ Adherbalem adsedit, ne medius ex tribus, quod apud Numidas honori

ducitur, Jugurtha foret : dein tamen, uti ætati concederet, fatigatus à fratre, vix in partem alteram transductus est.

Ibi cùm multa de administrando imperio dissererent, Jugurtha inter alias res jactat :
OPORTERE QUINQUENNII CONSULTA OMNIA ET DECRETA RESCINDI ; NAM PER EA TEMPORA CONFECTUM ANNIS MICIPSAM PARUM ANIMO VALUISSE. Tùm IDEM Hiempsal PLACERE SIBI respondit ; NAM IPSUM ILLUM TRIBUS HIS PROXUMIS ANNIS ADOPTIONE IN REGNUM PERVENISSE. Quod verbum in pectus Jugurthæ altiùs quàm quisquam ratus descendit. Itaque ex eo tempore, irà et metu anxius, moliri, parare, atque ea modò animo habere quibus Hiempsal per dolum caperetur. Quæ uti tardius procedunt, neque lenitur animus ferox, statuit quovis modo inceptum perficere.

XII. PRIMO conventu quem ab regulis factum suprà memoravi, propter dissensionem placuerat dividi thesauros, finisque imperii singulis constitui. Itaque tempus ad utramque rem decernitur, sed maturiùs ad pecuniam distribuendam. Reguli interea in loca propinqua thesauris, alius aliò, concessère. Sed Hiempsal in oppido Thirmidà fortè ejus domo utebatur qui, proximus lictor Jugurthæ, carus acceptusque ei semper fuerat. Quem ille casu ministrum

oblatus promissis onerat, impellitque uti tanquam suam visens domum eat, portarum clavibus adulterinas paret; nam veræ ad Hiempsalem referebantur: ceterum, ubi res postularct, se ipsum cum magnâ manu venturum, Numida mandata brevî conficit: atque, ut doctus erat, noctu Jugurthæ milites introducit. Qui, postquam in ædibus irrupere, diversi regem querere; dormientis alios, alios occursantis interficere; scrutari loca abdita; clausa effringere; strepitu et tumultu omnia miscere: cum Hiempsal interim reperitur, occultans sese tugurio mulieris ancillæ, quod initio pavidus et ignarus loci perfugerat. Numidæ caput ejus, ut jussi erant, ad Jugurtham referunt.

XIII. CETERUM fama tanti facinoris per omnem Africam brevî divulgatur; Adherbalem, omnisque qui sub imperio Micipsæ fuerant, metus invadit. In duas partis discedunt; plures Adherbalem sequuntur, sed illum alterum bello meliores. Igitur Jugurtha quam maximas potest copias armat, urbis partim vi, alias voluntate, imperio suo adjungit: omni Numidiæ imponere parat. Adherbal, tametsi Romam legatos miserat, qui sonatum docerent de cæde fratris et fortunis suis, tamen, fretus multitudine militum, parabat armis contendere; sed ubi res

ad certamen venit, victus ex pælio profugit in provinciam, ac deindè Romam contendit.

Tùm Jugurtha, patratis consiliis, in otio facinus suum cum animo reputans, timere populum Romanum, neque advorsus iram ejus usquàm, nisi in avaritiâ nobilitatis et pecuniâ suâ, spem habere. Itaque paucis diebus cum auro et argento multo Romam legatos mittit; quîs præcepit uti primùm veteres amicos muneribus expleant, deindè novos adquirant, postremò quæcunque possint largiundo parare ne cunctentur. Sed ubi Romam legati venêre, et, ex præcepto regis, hospitibus, aliisque quorum eâ tempestate auctoritas pollebât, magna munera misêre, tanta commutatio incessit, uti ex maxumâ invidiâ in gratiam et favorem nobilitatis Jugurtha veniret. Quorum pars spe, alii præmio inducti, singulos ex senatu ambiundo, nitebantur ne graviùs in eum consuleretur. Igitur, legati ubi satis confidunt, die constituto, senatus utrisque datur. Tùm Adherbalem hoc modo locutum accepimus :

XIV. « PATRES conscripti, Micipsa pater meus moriens præcepit uti regnum Numidiæ tantummodò procuratione existumarem meum; ceterùm jus et imperium penes vos esse : simul eviterer domi militiæque quàm maxumo usui

esse populo Romano; vos mihi cognatorum, vos in adfinium locum ducerem : si ea fecissem, in vestrâ amicitia exercitum, divitias, munimenta regni habere. Quæ cùm præcepta parentis mei agitare, Jugurtha, homo omnium quos terra sustinet sceleratissimus, contempto imperio vestro, Masinissæ me nepotem, et jam ab stirpe socium et amicum populo Romano, regno fortunisque omnibus expulit.

« Atque ego, patres conscripti, quoniam eò miseriarum venturus eram, vellem, potius ob mea quàm ob majorum beneficia, posse auxilium petere; ac, maxumè, deberi mihi à populo Romano quibus non egerem; secundùm, ea si desideranda erant, uti debitis uterer. Sed quoniam parùm tuta per se ipsa probitas, neque mihi in manu fuit Jugurtha qualis foret; ad vos confugi, patres conscripti, quibus, quod miserum, cogor priùs oneri quàm usui esse.

« Ceteri reges, aut bello victi in amicitiam à vobis recepti, aut in suis dubiis rebus societatem vestram adpetiverunt. Familia nostra cum populo Romano bello Carthaginensi amicitiam instituit; quo tempore magis fides ejus quàm fortuna petenda erat. Quorum progeniem vos, patres conscripti, nolite pati frustrà à vobis auxilium petere. Si ad impetrandum nihil causæ

haberem præter miserandam fortunam; quòd paullo antè rex, genere, famâ atque copiis potens, nunc deformatus ærumnis, inops, alienas opes exspecto : tamen erat majestatis Romani populi prohibere injuriam, neque cujusquam regnum per scelus crescere. Verùm ego his finibus ejectus sum quos majoribus meis populus Romanus dedit, undè pater et avus unà vobiscum expulère Syphacem et Carthaginienses. Vestra beneficia crepta sunt, patres conscripti : vos in meâ injuriâ despecti estis.

« Eheu me miserum ! Huccine, Micipsa pater, beneficia evasère, uti quem tu parem cum liberis regnique participem fecisti, is potissimum stirpis tuæ exstinctor sit ? Nunquamne ergo familia nostra quieta erit ? semperne in sanguine, ferro, fugâ, versabimur ? Dùm Carthaginienses incolumes fuère, jure omnia sæva patiebamur : hostes ab latera, vos amici procul, spes omnis in armis erat. Postquàm illa pestis ejecta, læti pacem agitabamus : quippè quîs hostis nullus, nisi fortè quem jussissetis. Ecce autem ex improvviso Jugurtha, intolerandâ audaciâ, scelere atque superbiâ sese efferens, fratre meo atque eodem propinquo suo interfecto, primùm regnum ejus sceleris sui prædam fecit : pòst, ubi me isdem doîis nequit capere,

nihil minùs quàm vim aut bellum expectantem in imperio vestro, sicuti videtis, extorrem patriâ, domo, inopem et coopertum miseriis, effecit ut ubivis tutiùs quàm in meo regno essem.

« Ego sic existumabam, patres conscripti, ut prædicantem audiveram patrem meum, qui vestram amicitiam colerent, eos multum laborem suscipere; ceterùm ex omnibus maxumè tutos esse. Quod in familiâ nostrâ fuit, præstitit uti in omnibus bellis vobis adesset : nos uti per otium tuti simus in manu vestrâ est, patres conscripti. Pater nos duos fratres reliquit; tertium, Jugurtham, beneficiis suis ratus nobis conjunctum fore : alter eorùm necatus, alterius ipse ego manus impias vi effugi. Quid agam ? quò potissimum infelix accedam ? generis præsidia omnia extincta sunt : pater, uti necesse erat, naturæ concessit; fratri, quem minumè decuit, propinquus per scelus vitam eripuit : adfines, amicos, propinquos ceteros, alium alia clades oppressit; capti ab Jugurthâ, pars in crucem acti, pars bestiis objecti; pauci, quibus relicta anima, clausi in tenebris, cum mœrore et luctu, morte graviolem vitam exigunt. Si omnia quæ aut amisi, aut ex necessariis adversa facta sunt, incolumbia manerent; tamen, si quid

ex improvise accidisset, vos implorarem, patres conscripti, quibus, pro magnitudine imperii, jus et injurias omnīs curæ esse decet. Nunc verò, exul patriâ, domo, solus, et omnium honestarum rerum egeas, quò accedam? aut quos adpellem? nationesue, an reges, qui omnes familiæ nostræ ob vestram amicitiam infesti sunt? an quòquam adire licet, ubi non majorum meorum hostilia monimenta plurima? aut quisquam nostrî misereri potest, qui aliquandò vobis hostis fuit?

« Postremò, Masinissa nos ita instituit, patres conscripti, ne quem coleremus nisi populum Romanum, ne societates, ne fœdera nova acciperemus; abundè magna præsidia nobis in vestrâ amicitia fore: si huic imperio fortuna mutaretur, unâ nobis occidendum esse. Virtute ac dīs volentibus magni estis et opulenti; omnia secunda et obedientia sunt: quò facilius sociorum injurias curare licet. Tantùm illud vereor, ne quos privata amicitia Jugurthæ, parùm cognita, transvorsos agat: quos ego audio maxumâ ope niti, ambire, fatigare vos singulos, ne quid de absente, incognitâ caussâ, statuatis: fingere me verba, fugam simulare, cui licuerit in regno manere. Quòd utinàm illum, **cujus impio faci-**

nore in has miserias projectus sum, eadem hæc simulantem videam. Et aliquandò aut apud vos, aut apud deos immortalis, rerum humanarum cura oriatur; ut ille, qui nunc sceleribus suis ferox atque præclarus est, omnibus malis excruciat, impietatis in parentem nostrum, fratris mei necis, mearumque miseriarum, gravis poenas reddat!

« Jam jam, frater animo meo carissime, quanquam tibi immaturo, et undè minimè decuit, vita erepta est; tamen lætandum magis quàm dolendum puto casum tuum. Non enim regnum, sed fugam, exilium, egestatem, et omnis has quæ me premunt ærumnas, cum animâ simul amisisti. At ego infelix, in tanta mala præcipitatus ex patrio regno, rerum humanarum spectaculum præbeo: incertus quid agam; tuasque injurias persequar, ipse auxilii egens; an regno consulam, cujus vitæ necisque potestas ex opibus alienis pendet. Utinàm emori fortunis meis honestus exitus esset, neu vivere contemptus viderer, si defessus malis injuriæ concessissem! Nunc neque vivere lubet, neque mori licet sine dedecore. Patres conscripti, per vos, liberos, atque parentes, per majestatem populi Romani, subvenite misero mihi; ite

obviàm injuriæ; nolite pati regnum Numidiæ, quod vestrum est, per scelus et sanguinem familiæ nostræ tabescere. »

XV. POSTQUÀM rex finem loquendi fecit, legati Jugurthæ, largitione magis quàm caussâ freti, paucis respondent : « Hiempsalem ob sævitiam suam ab Numidis interfectum; Adherbalem, ultrò bellum inferentem, postquàm superatus sit, queri quòd injuriam facere nequississet; Jugurtham ab senatu petere ne alium putarent ac Numantiæ cognitus esset, neu verba inimici ante facta suà ponerent. » Deindè utrique curiâ egrediuntur. Senatus statim consulitur : fautores legatorum, præterea magna pars, gratiâ depravati, Adherbalis dicta contemnere; Jugurthæ virtutem extollere laudibus; gratiâ, voce, deniquè omnibus modis, præ alieno scelere et flagitio, suâ quasi pro gloriâ, nitebantur. At contrà pauci, quibus bonum et æquum divitiis carius, subveniendum Adherbali, et Hiempsalis mortem severè vindicandam, censebant : sed ex omnibus maxumè Æmilius Scaurus, homo nobilis, impiger, factiosus, avidus potentiæ, honoris, divitiarum; ceterùm vitia sua callidè occultans. Is postquàm videt regis largitionem famosam impudentemque, veritus, quod in tali re solet, ne polluta licentia

invidiam accenderet, animum à consuetâ lubidine continuit.

XVI. VICIT tamen in senatu pars illa qui verò pretium aut gratiam anteferebant. Decretum fit, UTÌ DECEM LEGATI REGNUM QUOD MICIPSA OBTINUERAT INTER JUGURTHAM ET ADHERBALEM DIVIDERENT. Cujus legationis princeps fuit L. Opius, homo clarus, et tùm in senatu potens, quia consul, C. Graccho et M. Fulvio Flacco interfectis, acerrumè victoriam nobilitatis in plebem exercuerat. Eum Jugurtha, tametsi Romæ in inimicis habuerat, tamen adcuratissumè recepit : dando et pollicitando perfecit utì famæ, fidei, postremò omnibus suis rebus, commodum regis anteferret. Reliquos legatos eàdem viâ adgressus, plerosque capit : paucis carior fides quàm pecunia fuit. In divisione, quæ pars Numidiæ Mauretaniam attingit, agro, viris opulentior, Jugurthæ traditur ; illam alteram, specie quàm usu potiore, quæ portuosior et ædificiis magis exornata erat, Adherbal possedit.

XVII. RES postulare videtur Africæ situm paucis exponere, et eas gentis quibuscum nobis bellum aut amicitia fuit attingere. Sed quæ loca et nationes ob calorem aut asperitatem, item solitudines, minùs frequentata sunt, de iis haud

facile compertum narraverim; cetera quàm paucissumis absolvam.

In divisione orbis terræ, plerique in parte tertiâ Africam posuere: pauci tantummodò Asiam et Europam esse; sed Africam in Europâ. Ea finis habet ab occidente fretum nostri maris et Oceani; ab ortu solis declivem latitudinem, quem locum Catabathmon incolæ adpellant. Mare sævum, importuosum; ager frugum fertilis, bonus pecori, arbori infecundus, cœlo terræque penuria aquarum. Genus hominum salubri corpore, velox, patiens laborum: plerosque senectus dissolvit, nisi qui ferro aut bestiis interiøre; nam morbus haud sæpè quemquam superat. Ad hoc malefici generis plurima animalia. Sed qui mortales initio Africam habuerint, quique postea accesserint, aut quomodò inter se permixti sint; quanquam ab eâ famâ quæ plerosque obtinet diversum est; tamen, uti ex libris Punicis qui regis Hiempsalis dicebantur interpretatum nobis est, utique rem sese habere cultores ejus terræ putant, quàm paucissumis dicam. Ceterum fides ejus rei penes auctores erit.

XVIII. AFRICAM initio habuere Gætuli et Libyes, asperi, inculti; quibus cibus erat caro ferina, atque humi pabulum uti pecoribus. Hi

neque moribus, neque lege, neque imperio
cujusquam, regebantur: vagi, palantes, quæ
nox coëgerat sedes habebant. Sed postquam in
Hispaniâ Hercules, sicuti Afri putant, interiit;
exercitus ejus, compositus ex variis gentibus,
amisso duce, ac passim multis, sibi quisque,
imperium petentibus, brevè dilabitur. Ex eo
numero Medi, Persæ et Armeni, navibus in
Africam transvecti, proximos nostrò mari locos
occupavêre. Sed Persæ intra Oceanum magis;
iique alveos navium inversos pro tuguriis ha-
buêre, quia neque materia in agris, neque ab
Hispanis emundi aut mutandi copia erat: mare
magnum et ignara lingua commercia prohibe-
bant. Hi paullatim per connubia Gætulos sibi
miscuêre; et quia, sæpè tentantes agros, alia,
deindè alia loca petiverant, semet ipsi Numidas
adpellavêre. Ceterum, adhuc ædificia Numida-
rum agrestium, quæ mapalia ibi vocant, ob-
longa, incurvis lateribus tecta, quasi navium
carinæ sunt.

Medis autem et Armenis accessêre Libyes
(nam hi propiùs mare Africum agitabant; Gæ-
tuli sub sole magis, haud procul ab ardoribus):
hique maturè oppida habuêre; nam, freto divisi
ab Hispaniâ, mutare res inter se instituerant.
Nomen eorum paullatim Libyes corrupêre,

barbarâ linguâ Mauros , pro Medis , adpellantes.

Sed res Persarum brevî adolevit; ac postea nomine Numidæ, propter multitudinem à parentibus digressi, possedêre ea loca quæ proxumè Carthaginem Numidia adpellatur. Dein, utrique alteris freti, finitimos armis aut metu sub imperium cogêre, nomen gloriamque sibi addidêre; magis hi qui ad nostrum mare processerant, quia Libyes quàm Gætuli minùs bellicosi: deniquè Africæ pars inferior pleraque ab Numidis possessa est; victi omnes in gentem nomenque imperantium concessêre.

XIX. POSTEÀ Phœnices, alii multitudinis domi minuendæ gratiâ, pars imperii cupidine, sollicitatâ plebe et aliis novarum rerum avidis, Hipponem, Hadrumetum, Leptim, aliasque urbîs, in orâ maritimâ condidêre: hæque brevî multum auctæ, pars originibus præsidio, aliæ decori fuêre. Nam de Carthagine silere meliùs puto quàm parum dicere, quoniam aliò prosperare tempus monet.

Igitur ad Catabathmon, qui locus Ægyptum ab Africâ dividit, secundo mari, prima Cyrene est, colonia Thereon; ac deinceps duæ Syrtes, interque eas Leptis; dein Philenon aræ, quem, Ægyptum versùs, finem imperii habuêre Car-

thaginienses ; pòst aliæ Punicæ urbes. Cetera loca usque ad Mauretaniam Numidæ tenent : proxumè Hispaniam Mauri sunt. Super Numidiæm Gætulos accepimus, partim in tuguriis, alios incultiùs vagos agitare ; post eos, Æthiopas esse, dein loca exusta solis ardoribus.

Igitâr bello Jugurthino pleraque ex Punicis oppida et finis Carthaginensium, quos novissumè habuerant, populus Romanus per magistratus administrabat ; Gætulorum magna pars et Numidia usque ad flumen Mulucham sub Jugurthâ erant : Mauris omnibus rex Bocchus imperitabat ; præter nomen, cetera ignarus populi Romani ; itemque nobis neque bello neque pace antea cognitus.

De Africâ et ejus incolis ad necessitudinem rei satis dictum.

XX. POSTQUÂM, regno diviso, legati Africâ discessêre, et Jugurtha, contra timorem animi, præmia sceleris adeptum sese videt ; certum ratus, quod ex amicis apud Numantiam acceperat, omnia Romæ venalia esse ; simul et illorum pollicitationibus accensus, quos paullò antè muneribus expleverat, in regnum Adherbalis animum intendit. Ipse acer, bellicosus ; at is quem petebat, quietus, imbellis, placido ingenio, opportunus injuriæ, metuens magis quàm

metuendus. Igitur ex improvise finis ejus cum magnâ manu invadit; multos mortalium cum pecore atque aliâ prædâ capit, ædificia incendit, pleraque loca hostiliter cum equitatu accedit. Dein cum omni multitudine in regnum suum convertit, existumans dolore permotum Adherbalem injurias suas manu vindicaturum, eamque rem belli causam fore.

At ille, quod neque se parem armis existumabat, et amicitiam populi Romani magis quam Numidis fretus erat, legatos ad Jugurtham de injuriis questum misit: qui tametsi contumeliosa dicta retulerant, prius tamen omnia pati decrevit quam bellum sumere; quia tentatum antea secus cesserat. Neque tamen eo magis cupido Jugurthæ minuebatur; quippe qui totum ejus regnum animo jam invaserat. Itaque non, ut antea, cum prædatoriâ manu, sed magno exercitu comparato, bellum gerere cepit, et aperte totius Numidiæ imperium petere. Ceterum, quâ pergebat, urbium, agros vastare, prædas agere; suis animum, terrorem hostibus augere.

XXI. ADHERBAL ubi intellegit eo processum uti regnum aut relinquendum esset, aut armis retinendum, necessario copias parat, et Jugurthæ obvius procedit. Interim haud longè à mari, prope Cirtam oppidum, utriusque consedit

exercitus; et quia diei extremum erat, prælium non inceptum. Ubi plerumque noctis processit, obscuro etiam tùm lumine, milites Jugurthini, signo dato, castra hostium invadunt; semi-somnos partim, alios arma sumentes, fugant funduntque : Adherbal cum paucis equitibus Cirtam profugit; et, ni multitudo togatorum fuisset, quæ Numidas insequentes mœnibus prohibuit, uno die inter duos reges cœptum atque patratum bellum foret. Igitur Jugurtha oppidum circumscedit; vineis, turribusque, et machinis omnium generum, expugnare adgreditur; maxumè festinans tempus legatorum antecapere, quos, ante prælium factum, Romam ab Adherbale missos audiverat. Sed postquàm senatus de bello eorum accepit, tres adolescentes in Africam legantur, qui ambo reges adeant, senatûs populique Romani verbis nuncient, « Velle et censere eos ab armis discedere, de controversiis suis jure potiùs quàm bello disceptare : ita seque illisque dignum fore. »

XXII. LEGATI in Africam maturantes veniunt, eò magis quòd Romæ, dùm proficisci parant, de prælio facto et oppugnatione Cirtæ audiebatur : sed is rumor clemens erat. Quorum Jugurtha acceptâ oratione respondit : « Sibi neque majus quidquam neque cæsius auctoritate senati esse.

ab adolescentiâ ita enisum uti ab optumò quoque probaretur; virtute, non malitiâ, P. Scipioni, summo viro, placuisse; ob easdem artîs ab Micipsâ, non penuriâ liberorum, in regnum adoptatum esse; ceterùm, quò plura benè atque strenuè fecisset, eò animum suum injuriam minùs tolerare: Adherbalem dolis vitæ suæ insidiatum; quod ubi comperisset, sceleri obviâsse: populum Romanum neque rectè neque pro bono facturum, si ab jure gentium sese prohibuerint: postremò de omnibus rebus legatos Romam brevè missurum. » Ita utrique digrediuntur. Adherbalis adpellandi copia non fuit.

XXIII. JUGURTHA ubi eos Africâ decessisse ratus est, neque, propter loci naturam, Cirtam armis expugnare potest; vallo atque fossâ mœnia circumdat, turrîs exstruit, easque præsiidiis firmat: prætereà dies, noctes, aut per vim, aut dolis tentare; defensoribus mœnium præmia modò, modò formidinem ostentare; suos hortando ad virtutem erigere; prorsùs intentus cuncta parare. Adherbal ubi intellegit omnis suas fortunas in extremo sitas, hostem infestum, auxilii spem nullam, penuriâ rerum necessariarum bellum trahi non posse; ex his qui unâ Cirtam profugerant, duos maxumè impigros delegit, eos, multa pollicendo, ac miserando casum

suum, confirmat uti per hostium munitiones noctu ad proximum mare, dein Romam pergerent.

XXIV. NUMIDÆ paucis diebus jussa efficiunt: litteræ Adherbalis in senatu recitatæ, quarum sententia hæc fuit :

« Non meâ culpâ sæpè ad vos oratum mitto, patres conscripti; sed vis Jugurthæ subigit: quem tanta lubido extinguendi me invasit, uti neque vos neque deos immortalis in animo habeat; sanguinem meum quàm omnia malit. Itaque quintum jam mensem, socius et amicus populi Romani, armis obsessus teneor; neque mihi Micipsæ patris beneficia, neque vestra decreta auxiliantur. Ferro an fame acriùs urgear, incertus sum. Plura de Jugurthâ scribere dehortatur fortuna mea: etiam antea expertus sum parùm fidei miseris esse. Nisi tamen intellego illum supra quàm ego sum petere, neque simul amicitiam vestram et regnum meum sperare: utrùm gravius existimet, nemini occultum est; nam initio occidit Hiempsalem fratrem meum, dein patrio regno me expulit. Quæ sanè fuerint nostræ injuriæ, nihil ad vos. Verùm nunc vestrum regnum armis tenet; me, quem imperatorem Numidis posuistis, clausum obsidet: legatorum verba quanti fecerit, pericula mea

declarant. Quid reliquum, nisi vīs vestra, quo moveri possit? Nam ego quidem vellem, et hæc quæ scribo, et quæ antea in senatu questus sum, vana forent potius quàm miseria mea fidem verbis faceret. Sed quoniam eò natus sum ut Jugurthæ scelerum ostentui essem, non jam mortem neque ærumnas, tantummodò inimici imperium et cruciatus corporis deprecor. Regno Numidiæ, quod vestrum est, uti lubet, consulite: me ex manibus impiis eripite, per majestatem imperii, per amicitiae fidem, si ulla apud vos memoria remanet avi mei Masinissæ. »

XXV. His litteris recitatis, fuere qui exercitum in Africam mittendum censerent, et quamprimùm Adherbali subveniendum; de Jugurthâ interim uti consuleretur, quoniam non paruisset legatis. Sed ab isdem regis fautoribus summâ ope enisum ne decretum fieret. Ita bonum publicum, ut in plerisque negotiis solet, privatâ gratiâ devictum.

Legantur tamen in Africam majores natu, nobiles, amplis honoribus usi: in quīs M. Scaurus, de quo suprâ memoravimus, consularis, et tùm senatūs princeps. Hi, quòd in invidiâ res erat, simul et ab Numidis obsecrati, triduo navim ascendere: dein brevì Uticam adpalsi litteras ad Jugurtham mittunt, QUÀM OCISSUMÈ AD PRO-

VINCIAM ACCEDAT; SEQUE AD EUM AB SENATU
MISSOS.

Ille ubi accepit homines claros, quorum auctoritatem Romæ pollere audiverat, contra inceptum suum venisse; primò commotus, metu atque lubidine divorsus agitabatur. Timebat iram senati, ni paruisset legatis: porrò animus cupidine cæcus ad inceptum scelus rapiebat. Vicit tamen in avido ingenio pravum consilium. Igitur, exercitu circumdato, summâ vi Cirtam irrumpere nititur, maxumè sperans, diductâ manu hostium, aut vi aut dolis sese casum victoriæ inventurum. Quod ubi secûs procedit, neque, quòd intendèrat, efficere potest uti priùs quàm legatos conveniret Adherbâlis potiretur; ne, ampliùs morando, Scaurum, quem plurimùm metuebat, incenderet, cum paucis equitibus in provinciam venit. Ac tametsi senati verbis minæ graves nunciabantur quòd oppugnatione non desisteret, multâ tamen oratione consumptâ, legati frustrâ discessère.

XXVI. EA postquàm Cirtæ audita sunt, Italici, quorum virtute mœnia defensabantur, confisi, deditione factâ, propter magnitudinem populi Romani inviolatos sese fore, Adherbali suadent uti seque et oppidum Jugurthæ tradat: tantum ab eo vitam paciscatur; de ceteris

senatui curæ fore. At ille, tametsi omnia potiora fide Jugurthæ rebatur, tamen quia penes eosdem, si adversaretur, cogendi potestas erat, ita, uti censuerant Italici, deditionem facit. Jugurtha in primis Adherbalem excruciatum necat; dein omni⁹ puberes Numidas et negotiatores promiscuè, uti quisque armatis obviis, interfecit.

XXVII. Quod postquàm Romæ cognitum, et res in senatu agitari cœpta, idem illi ministri regis, interpellando, ac sæpè gratià, interdum jurgiis, trahendo tempus, atrocitatem facti leniebant. Ac ni C. Memmius, tribunus plebis designatus, vir acer et infestus potentiæ nobilitatis, populum Romanum edocuisset ID AGI UTI PER PAUCOS FACTIOSOS JUGURTHÆ SCELUS CONDONARETUR, profectò omnis invidia prolata consultationibus dilapsa foret: tanta vis gratiæ atque pecuniæ regis erat! Sed ubi senatus delicti conscientia populum timet; lege Sempronîa, provinciæ futuris consulibus Numidia atque Italia decretæ: consules declarantur P. Scipio Nasica, L. Bestia Calpurnius; Calpurnio Numidia, Scipioni Italia obvenit. Deindè exercitus, qui in Africam portaretur, scribitur: stipendium, alia quæ bello usui forent, decernuntur.

XXVIII. At Jugurtha, contra sœm nuncio

accepto, quippè cui, Romæ omnia venum ire, in animo hæserat; filium et cum eo duo familiaris ad senatum legatos mittit: hisque, ut illis quos, Hiempsale interfecto, miserat, præcepit « omnis mortalís pecuniâ adgrediantur. » Qui postquàm Romam adventabant; senatus à Bestiâ consultus est, PLACERETNE LEGATOS JUGURTHÆ RECIPI MŒNIBUS. Iique decrevère, « nisi regnum ipsumque deditum venissent, uti in diebus proxumis decem Italiâ decederent. » Consul Numidis ex senati decreto nunciari jubet. Ita infectis rebus illi domum discedunt.

Interim Calpurnius, parato exercitu, legat sibi homines nobilís, factiosos, quorum auctoritate, quæ deliquisset, munita fore sperabat: in quís fuit Scaurus, cujus de naturâ et habitu suprâ memoravimus. Nam in consule nostro multæ bonæque artes animi et corporis erant, quas omnis avaritia præpediebat. Patiens laborum, acri ingenio, satis providens, belli haud ignarus, firmissimus contra periculæ et insidias. Sed legiones per Italiam Rhegium; atque indè Siciliam, porrò ex Sicilia in Africam transvectæ. Igitur Calpurnius, initio paratis com meatibus, acriter Numidiam ingressus est, multos mortalís, et urbís aliquot, pugnando capit.

XXIX. SED ubi Jugurtha per legatos pecuniâ

tentare, bellicque quod administrabat asperitatem ostendere cœpit; animus æger avaritiâ facile conversus est. Ceterum socius et administrator omnium consiliorum adsumitur Scaurus : qui, tametsi à principio, plerisque ex factione ejus corruptis, acerrumè regem impugnaverat, tamen magnitudine pecuniæ à bono honestoque in pravum abstractus est. Sed Jugurtha primum tantummodò belli moram redimebat, existumans sese aliquid interim Romæ pretio, aut gratiâ, effecturum : postea verò quàm participem negotii Scaurum acceperat, in maxumam spem adductus recuperandæ pacis, statuit cum eis de omnibus pactionibus præsens agere. Ceterum interea, fidei causâ, mittitur à consule Sextius quæstor in oppidum Jugurthæ Vagam; cujus rei species erat acceptio frumenti quod Calpurnius palàm legatis imperaverat, quoniam deditionis morâ induciæ agitabantur.

Igitur rex, uti constituerat, in castra venit : ac pauca, præsentis consilio, locutus de invidiâ facti sui, atque in deditionem uti acciperetur; reliqua cum Bestiâ et Scauro secreta transigit : dein postero die, quasi per saturam exquisitis sententiis, in deditionem accipitur. Sed, uti pro consilio imperatum, elephantis triginta, pecus atque equi multi, cum parvo argenti

pondere, quæstori traduntur. Calpurnius Romam ad magistratus rogandos proficiscitur. In Numidiâ et exercitu nostro pax agitabatur.

XXX. POSTQUAM res in Africâ gestas, quoque modo actæ forent, fama divulgavit; Romæ per omnîs locos et conventus de facto consulis agitari: apud plebem gravis invidia; patres solliciti erant; probarentne tantum flagitium, an decretum consulis subverterent, parum constabat. Ac maxumè eos potentia Scauri, quod is auctor et socius Bestiæ ferebatur, à vero, bono, impediebat.

Ac C. Memmius, cujus de libertate ingenii et odio potentiæ nobilitatis suprâ diximus, inter dubitationem et moras senati, concionibus populum ad vindicandum hortari; monere ne rempublicam, ne libertatem suam desererent; multa superba, crudelia facinora nobilitatis ostendere: prorsus intentus omni modo plebis animum accendebat. Sed, quoniam eâ tempestate Memmii facundia clara pollensque fuit, decere existumavi unam ex tam multis orationem prescribere; ac potissimum quæ in concione post reditum Bestiæ hujusmodi verbis disse-ruit:

XXXI. « MULTA me dehortantur à vobis, Quirites, ut studium reipublicæ omnia superet:

opes factionis, vestra patientia, jus nullum; ac maxumè, quòd innocentiae plus periculi quàm honoris est. Nam illa quidem piget dicere, his annis xv quàm ludibrio fueritis superbiae paucorum; quàm foedè quàmque inulti perierint vestri defensores; ut vobis animus ab ignavia atque secordiâ corruptus sit: qui ne nunc quidem obnoxiiis inimicis exsurgitis; atque etiam nunc timetis, quibus decet terrori esse. Sed quanquam hæc talia sunt, tamen obviam ire factionis potentiae animus subigit. Certè ego libertatem quæ mihi à parente tradita est experiar: verùm id frustrà an ob rem faciam, in vestrâ manu situm est, Quirites. Neque ego vos hortor, quod sæpè majores vestri fecère, uti contra injurias armati eatis. Nihil vi, nihil secessione opus est: necesse est suomet ipsi more præcipites eant.

« Occiso Tiberio Graccho, quem regnum parare aiebant, in plebem Romanam quæstiones habitæ sunt: post C. Gracchi et M. Fulvii cædem, item multi vestri ordinis in carcere necati sunt: utriusque cladis non lex, verùm lubido eorum finem fecit. Sed sanè fuerit regni paratio, plebi sua restituere: quidquid sine sanguine civium ulcisci nequitur, jure factum sit.

« Superioribus annis taciti indignabamini ærarium expilari; reges et populos liberos paucis nobilibus vectigal pendere; penes eosdem et summam gloriam et maximas divitias esse: tamen hæc talia facinora impunè suscepisse, parùm habuère; itaque postremò leges, majestas vestra, divina et humana omnia hostibus tradita sunt. Neque eos qui ea fecère pudet aut pœnitet: sed incedunt per ora vestra magnificè; sacerdotia et consulatus, pars triumphos suos ostentantes; perindè quasi ea honori, non prædæ, habeant. Servi ære parati imperia injusta dominorum non perferunt: vos, Quirites, imperio nati, æquo animo servitutem toleratis!

« At qui sunt hi qui rempublicam occupavère? Homines sceleratissimi, cruentis manibus, immani avaritiâ, nocentissimi, idemque superbissimi; quîs fides, decus, pietas, postremò honesta atque inhonesta omnia, quæstui sunt. Pars eorum occidisse tribunos plebis, alii quæstiones injustas, plerique cædem in vos fecisse, pro munimento habent. Ita, quàm quisque pessumè fecit, tam maxumè tutus est. Metum à scelere suo ad ignaviam vestram transtulère: quos omnîs eadem cupere, eadem odisse, eadem metuere, in unum coegit. Sed hæc inter bonos amicitia, inter malos factio est.

« Quòd si tam vos libertatis curam haberetis, quàm illi ad dominationem accensi sunt; profectò neque res publica, sicuti nunc, vastaretur; et beneficia vestra penes optimos, non audacissimos, forent. Majores vestri, parandi juris et majestatis constituendæ gratiâ, bis, per secessionem, armati Aventinum occupavêre : vos pro libertate quam ab illis accepistis, non summâ ope nitemini, atque eò vehementiùs, quòd majus dedecus est parta amittere, quàm omninò non paravisse?

« Dicit aliquis : Quid igitur censes? Vindicandum in eos qui hosti prodidêre rempublicam; non manu neque vi (quod magis vos fecisse quàm illis accidisse indignum), verùm quæstionibus et indicio ipsius Jugurthæ. Qui, si dedititius est, profectò jussis vestris obediens erit; sin ea contemnit, scilicet existumabitis qualis illa pax, aut deditio, ex quâ ad Jugurtham scelerum impunitas, ad paucos potentis maxumæ divitiæ, in rempublicam damna, dedecora, pervenerint.

« Nisi fortè nondùm etiam vos dominationis eorum satietas tenet, et illa, quàm hæc tempora, magis placent, cùm regna, provinciæ, leges, jura, judicia, bella, paces, postremò divina et humana omnia, penes paucos erant : vos autem,

hoc est, populus Romanus, invicti ab hostibus, imperatores omnium gentium, satis habebatis animam retinere. Nam servitutem quidem quis vestrum recusare audebat? Atque ego, tametsi viro flagitiosissimum existumo impunè injuriam accepisse, tamen vos hominibus sceleratissimis ignoscere, quoniam cives sunt, æquo animo paterer, nisi misericordia in perniciem casura esset. Nam et illis, quantum importunitatis habent, parum est impunè malè fecisse, nisi deindè faciundi licentia eripitur: et vobis æterna sollicitudo remanebit, cùm intellegitis aut serviundum esse, aut per manus libertatem retinendam. Nam fidei quidem aut concordiae quæ spes? Dominari illi volunt; vos liberi esse: facere illi injurias; vos prohibere: postremo sociis vestris veluti hostibus, hostibus pro sociis utuntur. Potestne in tam divorsis mentibus pax aut amicitia esse?

« Quare moneo hortorque ne tantum scelus impunitum omittatis. Non peculatus ærarii factus est, neque per vim sociis ereptæ pecuniæ; quæ quanquam gravia, tamen consuetudine jam pro nihilo habentur. Hosti acerrumo prodita senati auctoritas, proditum imperium vestrum: domi militiaeque respublica venalis fuit. Quæ nisi quesita erunt, ni vindicatum in noxios:

quid erit reliquum, nisi ut illis qui ea fecêre obedi-
dentes vivamus? nam impunè quælibet facere,
id est regem esse. Neque ego vos, Quirites, horter
ut malitis civis vestros perperam quam rectè
fecisse; sed ne, ignoscendo malis, bonos per-
ditum eatis. Ad hoc, in republicâ multò præstat
beneficii, quàm maleficii, immemorem esse.
Bonus tantummodò segnior fit, ubi negligas;
at malus improbiør. Ad hoc, si injuriæ non sint,
haud sæpè auxilii. egeas. »

XXXII. HÆC atque alia hujuscemodi sæpè
dicundo, Memmius populo persuadet uti L.
Cassius, qui tùm prætor erat, ad Jugurtham
mitteretur; eumque, interpositâ fide publicâ,
Romam duceret, quò facilius, indicio regis,
Scauri et reliquorum quos pecuniæ captæ ar-
cessebant, delicta patefierent. Dùm hæc Romæ
geruntur, qui in Numidiâ relictî à Bestiâ exer-
citui præerant, secuti morem imperatoris, plu-
rima et flagitiosissima facinora fecêre. Fuêre
qui, auro corrupti, elephantos Jugurthæ trade-
rent; alii perfugas vèndere, et pars ex pacatis
prædas agebant: tanta vis avaritiæ in animos
eorum, veluti tabes, invaserat! At Cassius præ-
tor, populi Romani perlatâ rogatione à C. Mem-
mio, ac percussâ omni nobilitate, ad Jugurtham
proficiscitur; ei timido, et ex conscientia diffi-

denti rebus suis, persuadet, « quoniam se populo Romano dedidisset, ne vim, quàm misericordiam, experiri mallet. » Privatim præterea fidem suam interponit, quam ille non minoris quàm publicam ducebat : talis eâ tempestate fama de Cassio !

XXXIII. IGITUR Jugurtha, contra decus regium, cultu quàm maxumè miserabili, cum Cassio Romam venit. Ac tametsi in ipso magna vis animi erat, confirmatus ab omnibus quorum potentiâ aut scelere cuncta ea gesserat quæ suprà memoravimus, C. Bæbium tribunum plebis magnâ mercede parat, cujus impudentiâ contra jus et injurias omnîs munitus foret. At C. Memmius, advocatâ concione, quanquam regi infesta plebes erat, et pars in vincula duci jubebat; pars, ni socios sceleris aperiret, more majorum de hoste supplicium sumi; dignitati quàm iræ magis consulens, sedare motus et animos molire; postremò confirmare, fidem publicam per sese inviolatam fore. Pòst, ubi silentium cœpit, producto Jugurthâ, verba facit : Romæ Numidiæque facinora ejus memorat : scelera in patrem fratresque ostendit : quibus juvantibus quibusque ministris ea egerit, quanquam intellegat populus Romanus; tamen velle manifesta magis ex illo habere : si vera aperiret, in fide et

clementiâ populi Romani magnam spem illi sitam : sin reticeat, non sociis saluti fore; scæ suasque spes corrupturum.

XXXIV. DEIN, ubi Memmius dicundi finem fecit, et Jugurtha respondere jussus est, C. Bæbius, tribunus plebis, quem pecuniâ corruptum suprâ diximus, regem tacere jubet : ac tametsi multitudo quæ in concione aderat, vehementer accensa, terrebat eum clamore, voltu, sæpè impetu, atque aliis omnibus quæ ira fieri amat; vicit tamen impudentia. Ita populus ludibrio habitus ex concione discessit : Jugurthæ Bestiæque, et ceteris quos illa quæstio exagitabat, animi augescunt.

XXXV. ERAT eà tempestate Romæ Numida quidam, nomine Massiva, Gulussæ filius, Masinissæ nepos : qui, quia in dissensione regum Jugurthæ advorsus fuerat, deditâ Cirtâ et Adherbale interfecto, profugus ex Africâ abierat. Huic Sp. Albinus, qui proximo anno post Bestiam cum Q. Minucio Rufo consulatum gerebat, persuadet, quoniam ex stirpe Masinissæ sit, Jugurtham ob scelera invidiâ cum metu urgeat; regnum Numidiæ ab senatu petat. Avidus consul belli gerundi, moveri quàm senescere omnia malebat. Ipsi provincia Numidia, Minucio Macedonia evenerat. Quæ postquam

Massiva agitare cœpit, neque Jugurthæ in amicis satis præsidii est, quòd eorum alium conscientia, alium mala fama et timor impediebat; Bomilcari, proxumo ac maxumè fido sibi, imperat, « pretio, sicuti multa confecerat, insidiatores Massivæ paret, ac maxumè occultè; sin id parùm procedat, quovis modo (Numidam) interficiat. »

Bomilcar maturè regis mandata exsequitur : et per homines talis negotii artifices itinera egressusque ejus, postremò loca atque tempora cuncta, explorat : deindè, ubi res postulabat, insidias tendit. Igitur unus ex eo numero, qui ad cædem parati, paullò inconsultiùs Massivam adgreditur, illum obtruncat : sed ipse deprehensus, multis hortantibus et imprimis Albino consule, indicium profitetur. Fit reus magis ex æquo bonoque, quàm ex jure gentium, Bomilcar, comes ejus qui Romam fide publica venerat

At Jugurtha, manifestus tanti sceleris, non priùs omisit contra verum niti, quàm animum advortit supra gratiam atque pecuniam suam invidiam facti esse. Igitur, quanquam in priore actione ex amicis quinquaginta vades dederat; regno magis quàm vadibus consulens, clàm in Numidiam Bomilcarem dimittit, veritus ne

reliquos popularis metus invaderet parendi sibi, si de illo supplicium sumtum foret. Et ipse paucis diebus profectus est, jussus ab senatu Italiâ decedere. Sed postquàm Româ egressus est, fertur, sæpè eò tacitus respiciens, postremò dixisse : **URBEM VENALEM, ET MATURE PERITURAM SI EMTOREM INVENERIT.**

XXXVI. INTERIÀ Albinus, renovato bello, commeatum, stipendium, alia quæ militibus usui forent, maturat in Africam portare; ac statim ipse profectus, uti ante comitia, quod tempus haud longè aberat, armis aut deditiõe, aut quovis modo, bellum conficeret. At contra Jugurtha trahere omnia, et alias deindè alias moræ caussas facere; polliceri deditiõnem, ac deindè metum simulare; instanti cedere, et paullò post, ne sui diffiderint, instare: ita belli modò, modò pacis morâ, consulem ludificare. Ac fuere qui tùm Albinum haud ignarum consilii regis existumarent; neque ex tantâ properantiâ tam faciliè tractum bellum secordiâ magis quàm dolo crederent. Sed postquàm, dilapso tempore, comitiorum dies adventabat, Albinus, Aulo fratre in castris proprætore relicto, Romam decessit.

XXXVII. EÂ tempestate, Romæ seditiõnibus tribunitiis atrociter respublica agitabatur. P.

Lucullus et L. Annius, tribuni plebis, resistētibz collegis, continuare magistratum nitebantur: quæ dissensio totius anni comitia impediebat. Eâ morâ in spem adductus Aulus, quem pro prætore in castris relictum^a suprâ diximus, aut conficiundi belli, aut terrore exercitûs ab rege pecuniæ capiundæ, milites mense januario ex hibernis in expeditionem evocat; magnis itineribus, hieme asperâ, pervenit ad oppidum Suthul, ubi regis thesauri erant. Quod quam et sævitiâ temporis, et opportunitate loci, neque capi neque obsideri poterat (nam circum murum, situm in prærupti montis extremo, planities limosa hiemalibus aquis paludem fecerat); tamen, aut simulandi gratiâ, quò regi formidinem adderet, aut cupidine cæcus, ob thesauros, oppidi potiundi, vineas agere, aggerem jacere, alia quæ incepto usui forent, properare.

XXXVIII. At Jugurtha, cognitâ vanitate atque imperitiâ legati, subdolus ejus augere amentiam, missitare supplicantis legatos; ipse, quasi vitabundus, per saltuosa loca et tramites exercitum ductare. Deniquè Aulum spe pactiōis perpulit, uti, relicto Suthule, in abditas regiones sese, voluti cedentem, insequeretur. Intereâ per homines callidos die noctuque exercitum tentabat: centuriones ducesque

turmarum, partim uti transfugerent, corrumpere; alii, signo dato, locum uti desererent. Ita delicta occultiora fore.

Quæ postquam ex sententiâ instruxit, intempestâ nocte, de improvise Multitudine Numidarum Auli castra circumvenit. Milites Romani, tumultu perculsi insolito, arma capere alii, alii se abdore, pars territos confirmare; trepidare omnibus locis: vis magna hostium; cœlum nocte atque nubibus obscuratum; periculum, anceps: postremò fugere, an manere, tutius foret, in incerto erat. Sed ex eo numero, quos paullo antè corruptos diximus, cohors una Ligurum, cum duabus turmis Thracum, et paucis gregariis militibus, transiêre ad regem: et centurio primi pili tertiæ legionis per munitionem, quam, uti defenderet, acceperat, locum hostibus introëundi dedit; eâque Numidæ cuncti irrupêre. Nostri fœdâ fugâ, plerique abjectis armis, proximum collem occupavêre. Nox atque præda castrorum hostes, quò minùs victoriâ uterentur, remorata sunt.

Dein Jugurtha postero die cum Aulo in colloquio verba facit: « tametsi ipsum cum exercitu fame, ferro, clausum tenet; tamen se humanarum rerum memorem, si secum fœdus faceret, incolumis omnîs sub jugum missurum;

præterea, uti diebus decem Numidiâ decederet. » Quæ quanquam gravia et flagitii plena erant, tamen, quia mortis metu nutabant, sicuti regi libuerat, pax convenit.

XXXIX. SED ubi ea Romæ comperta sunt, metus atque mœror civitatem invasere : pars dolere pro gloriâ imperii : pars, insolita rerum bellicarum, timere libertati : Aulo omnes infesti, ac maxumè qui bello sæpè præclari fuerant, quòd armatus dedecore potius, quàm manu, salutem quæsiverat. Ob ea consul Albinus, ex delicto fratris invidiam ac deindè periculum timens, senatum de fœdere consulebat. Et tamen interim exercitui supplementum scribere ; ab sociis et nomine Latino auxilia arcessere ; deniquè modis omnibus festinare. Senatus ita, uti par fuerat, decernit, SUO ATQUE POPULI INJUSSU NULLUM POTUISSE FŒDUS FIERI. Consul, impeditus à tribunis plebis ne quas paraverat copias secum portaret, paucis diebus in Africam proficiscitur. Nam omnis exercitus, uti convenerat, Numidiâ deductus, in provinciâ hiemabat. Postquàm cò venit, quanquam persequi Jugurtham et mederi fraternæ invidiæ animus ardebat, cognitis militibus, quos præter fugam, soluto imperio, licentia atque lascivia corruerat, ex copiâ rerum statuit nihil sibi agitandum.

XL. INTEREÀ Romæ C. Mamilius Limetanus, tribunus plebis, rogationem ad populum promulgat, «uti quæreretur in eos quorum consilio Jugurtha senati decreta neglegisset; quique ab eo in legationibus, aut imperiis, pecunias accipissent; qui elephantos, quique perfugas tradidissent; item qui de pace, aut bello, cum hostibus pactiones fecissent.» Huic rogationi partim conscii sibi, alii ex partium invidiâ, pericula metuentes, quoniam apertè resistere non poterant quin illa et alia talia placere sibi faterentur; occultè per amicos, ac maxumè per homines nominis Latini et socios Italicos, impedimenta parabant. Sed plebes incredibile memoratu est quàm intenta fuerit, quantâque vi rogationem jusserit, decreverit, voluerit, magis odio nobilitatis, cui mala illa parabantur, quàm curâ reipublicæ: tanta lubido in partibus!

Igitur ceteris metu percussis, M. Scaurus, quem legatum Bestiæ suprà docuimus, inter lætitiâ plebis et suorum fugam, trepidâ etiam tum civitate, cum ex Mamiliâ rogatione tres quæsitores rogarentur, effecerat uti ipse in eo numero crearetur. Sed quæstio exercita asperè violenterque, ex rumore et lubidine plebis. Ut sæpè nobilitatem, sic eâ tempestate plebem, ex secundis rebus insolentia ceperat.

XLI. CETERUM mos partium popularium et se-
ciati factionum, ac deinde omnium malarum
artium, paucis antè annis Romæ ortus, otio et
abundantiâ earum rerum quæ prima mortales
ducunt. Nam ante Carthaginem deletam populus
et senatus Romanus placidè modestèque inter se
republicam tractabant : neque gloriæ neque
dominationis certamen inter civis erat. Metus
hostilis in bonis artibus civitatem retinebat ; sed
ubi illa formido mentibus discessit, scilicet ea
quæ secundæ res amant, lascivia atque super-
bia, incessère. Ita, quod in adversis rebus
optaverant, otium, postquàm adenti sunt, as-
perius acerbiusque fuit ; namque cœpère nobi-
litas dignitatem, populus libertatem, in lubi-
dinem vertere : sibi quisque ducere, trahere,
rapere. Ita omnia in duas partis abstracta sunt :
respublica, quæ mediâ fuerat, dilacerata.

Ceterum nobilitas factione magis pollebat :
plebis vis, soluta, atque dispersa in multitudine,
minùs poterat. Paucorum arbitrio belli domique
agitabatur ; penes eosdem ærarium, provinciæ,
magistratus, gloriæ triumphique erant ; populus
militiâ atque inopiâ arguobatur ; prædas bellicas
imperatores cum paucis diripiebant : intereâ
parentos aut parvi liberi militum, ut quisque
potentiori confinis erat, sedibus pellebantur. Ita,

cum potentiâ avaritiâ, sine modo modestiâque, invadere, polluere et vastare omnia; nihil pensi neque sancti habere, quoad semet ipsa præcipitavit. Nam ubi primùm ex nobilitate reperti sunt qui veram gloriam injustæ potentiæ anteponerent; moveri civitas, et dissensio civilis, quasi permixtio terræ, oriri cœpit.

XLII. NAM postquàm Tiberius et C. Gracchus, quorum majores Punico atque aliis bellis multùm reipublicæ addiderant, vindicare plebem in libertatẽ et paucorum scelera patefacere cœpẽre; nobilitas noxia, atque eo perculsa, modò per socios ac nomen Latinum, interdùm per equites Romanos, quos spes societatis à plebe dimoverat, Gracchorum actionibus obviàm ierat: et primò Tiberium, dein paucos post annos eadem ingredientem Caium, tribunum alterum, alterum triumvirum coloniis deducendis, cum M. Fulvio Flacco ferro necaverat. Et sanè Gracchis, cupidine victoriæ, haud satis moderatus animus fuit: sed bono vinci satius est, quàm malo more injuriam vincere. Igitur eâ victoriâ nobilitas ex lubricine suâ usa multos mortalis ferro aut fugâ exstinxit; plusque in reliquum sibi timoris quàm potentiæ addidit. Quæ res plerumque magnas civitatũ pessum dedit; dùm alteri alteros vincere quovis

modo, et victos acerbius ulcisci volunt. Sed de studiis parium et omnibus civitatis moribus si singulatim aut pro magnitudine parem disserere, tempus, quam res, maturius deserat : quamobrem ad inceptum redeo.

XLIII. Post Auli foedus exercitusque nostri foedam fugam, Q. Metellus et M. Silanus consules designati provincias inter se paraverant : Metelloque Numidia evenerat, acri viro, et quanquam advorso populi partibus, famâ tamen æquabili et inviolatâ. Is ubi primùm magistratum ingressus est, alia omnia sibi cum collegâ ratus, ad bellum quod gesturus erat animum intendit. Igitur diffidens veteri exercitui, milites scribere, præsidia undiquè arcessere : arma, tela, equos, cetera instrumenta militiæ parare, ad hoc com meatum affatim, deniquè omnia quæ bello vario et multarum rerum egentî usui esse solent. Ceterùm ad ea patranda senatus, auctoritate; socii, nomenque Latinum, et reges, ultrò auxilia mittendo; postremò omnis civitas, summo studio, adnitebantur. Itaque, ex sententiâ omnibus rebus paratis compositisque, in Numidiâ proficiscitur, magnâ spe civium, cùm propter bonas artîs, tùm maxumè quòd advorsum divitias animum invictum gerebat; et avaritiâ magistratuum ante id tempus in Numi-

diâ nostræ opes contusæ, hostiumque auctæ erant.

XLIV. SED ubi in Africam venit, exercitus ei traditur à Sp. Albino proconsule, iners, imbellis, neque periculi neque laboris patiens, linguâ quàm manu promptior, prædator ex sociis et ipse præda hostium, sine imperio et modestiâ habitus. Ita imperatori novo plus ex malis moribus sollicitudinis, quàm ex copiâ militum auxilii aut spei bonæ, accedebat. Statuit tamen Metellus, quanquam et æstivorum tempus comitiorum mora imminuerat, et expectatione eventui civium animos intentos putabat, non priùs bellum adtingere, quàm, majorum disciplinâ, milites laborare coëgisset.

Nam Albinus, Auli fratris exercitûsque clade percussus, postquàm decreverat non egredi provinciâ, quantum temporis æstivorum in imperio fuit, plerumque milites stativis castris habebat; nisi cùm odos, aut pabuli egestas, locum mutare subegerat. Sed neque more militari vigiliæ deducebantur: uti cuique lubebat, ab signis aberat; lixæ permixti cum militibus diu noctuque vagabantur, et palantes agros vastare, villas expugnare, pecoris et mancipiorum prædas certantes agere; eaque mutare cum mercatoribus vino advectitio, et aliis

talibus : prætereà, frumentum publicè datum vendere, panem in dies mercari : postremò, quæcunque dici aut fingi queunt ignaviæ luxuriæque probra, in illo exercitu cuncta fuère, et alia ampliùs.

XLV. SED in eà difficultate Metellum, non minùs quàm in rebus hostilibus, magnum et sapientem virum fuisse comperior : tantà temperantià inter ambitionem sævitiamque moderatum ! Namque edictò primùm adjumenta ignaviæ sustulisse, « ne quisquam in castris panem, aut quem alium coctum cibum venderet ; ne lixæ exercitum sequerentur ; ne miles gregarius in castris, neve in agmine, servum aut jumentum haberet » ; ceteris arte modum statuisse. Prætereà transvorsis itineribus quotidie castra movere ; juxtà ac si hostes adessent, vallo atque fossà munire ; vigiliis crebras ponere, et ipse cum legatis circumire ; item in agmine in primis modò, modò in postremis, sæpè in medio adesse, ne quispiam ordine egrederetur, uti cum signis frequentes incederent, miles cibum et arma portaret. Ita, prohibendo à delictis magis quàm vindicando, exercitum brevè confirmavit.

XLVI. INTEREÀ Jugurtha, ubi quæ Metellus agebat ex nunciis accepit, simul de innocentia

ejus certior Romæ factus, diffidere suis rebus, ac tùm demùm veram deditionem facere conatus est. Igitur legatos ad consulem cum suppliciis mittit, qui tantummodò ipsi liberisque vitam peterent, alia omnia dederent populo Romano. Sed Metello jam antea experimentis cognitum erat genus Numidarum infidum, ingenio mobili, novarum rerum avidum. Itaque legatos alium ab alio divorsos adgreditur; ac paullatim tentando, postquam opportunos cognovit, multa pollicendo persuadet « uti Jugurtham maxime vivum, sin id parùm procedat, necatum sibi traderent » : ceterum palàm, quæ ex voluntate forent, regi nunciari jubet. Deindè ipse paucis diebus, intento atque infesto exercitu, in Numidiam procedit : ubi, contra belli faciem, tuguria plena hominum, pecora cultoresque in agris erant : ex oppidis et mapalibus præfecti regis obvii procedebant, parati frumentum dare, commeatum portare, postremò omnia quæ imperarentur facere. Neque Metellus idcirco minùs, sed pariter ac si hostes adessent, munito agmine incedere, latè explorare omnia, illa deditionis signa ostentui credere, et insidiis locum tentare. Itaque ipse cum expeditis cohortibus, item funditorum et sagittariorum delectà manu, apud primos erat; in postremo C. Marius

legatis cum equitibus curabat : in utrumque
latus auxilios equites tribunis legionum et
præfectis cohortium dispertiverat, uti cum his
permixti velites, quoque accederent, equita-
tus hostium propulsarent. Nam in Jugurthæ tantus
dolus, tantaque peritia locorum et militiæ erat,
uti, absens an præsens, pacem an bellum ge-
rens, perniciosior esset in incerto haberetur.

XLVII. ERAT, haud longè ab eo itinere quo
Metellus pergebat, oppidum Numidarum, no-
mine Vaga, forum rerum venalium totius regni
maximè celebratum; ubi et incolere et mercari
consueverant Italici generis multi mortales.
Huic consul, simul tentandi gratiâ, et oppe-
riundi si paterentur opportunitates loci, præ-
sidium imposuit; præterea imperavit frumentum,
et alia quæ bello usui forent, comportare : ratus
id, quod res monebat, frequentiam negotiatorum
et commeatum juvaturum exercitum, etiam pa-
ratis rebus munimento fore. Inter hæc negotia,
Jugurtha impensius modò legatos supplices
mittere, pacem orare, præter suam liberorum-
que vitam omnia Metello dedere : quos item,
uti priores, consul illectos ad proditionem
domum dimittebat; regi pacem quam postulabat
neque abnuere, neque polliceri, et inter eas
moras promissa legatorum exspectare.

XLVIII. JUGURTHA ubi Metelli dicta cum factis composuit, ac se suis artibus tentari animadvortit (quippe cui verbis pax nunciabatur, ceterum re bellum asperrimum erat; urbs maxuma alienata, ager hostibus cognitus, animi popularium tentati); coactus rerum necessitudine, statuit armis certare. Igitur, explorato hostium itinere, in spem victoriæ adductus ex opportunitate loci, quas maxumas copias potest omnium generum parat, ac per tramites occultos exercitum Metelli antevenit.

Erat, in eâ parte Numidiæ, quam Adherbal in divisione possederat, flumen oriens à meridie, nomine Muthul; à quo aberat mons ferme millia passuum xx, tractu pari, vastus ab naturâ et humano cultu: sed ex eo medio quasi collis oriebatur, in immensum pertinens, vestitus oleastro ac myrtetis, aliisque generibus arborum quæ humi arido atque arenoso gignuntur. Media autem planities deserta penuriâ aquæ, præter flumini propinqua loca; ea, consita arbustis, pecore atque cultoribus frequentabantur.

XLIX. IGITUR in eo colle, quem transverso itinere porrectum docuimus, Jugurtha, extenuatâ suorum acie, consedit: elephantis et parti copiarum pedestrium Bomilcarem præfecit, cumque edocet quæ ageret; ipse propior

montem cum omni equitatu pedites dilectos collocat. Dein singulas turmas atque manipulos circumiens monet atque obtestatur « uti, memores pristinae virtutis et victoriae, seque regnumque suum ab Romanorum avaritiâ defendant; cum his certamen fore quos antea victos sub jugum miserint; ducem illis, non animum, mutatum; quæ ab imperatore decuerint, omnia suis provisa; locum superiorem, uti prudentes cum imperitis, ne pauciores cum pluribus, aut rudes cum bello melioribus, manum conscrerent. Proinde parati intentique essent, signo dato, Romanos invadere: illum diem aut omnis labores et victorias confirmaturum, aut maxumarum ærumnarum initium fore. » Ad hoc viritum, uti quemque ob militare facinus pecuniâ aut honore extulerat, commonefacere beneficii sui et eum ipsum aliis ostentare; postremo, pro cuiusque ingenio, pollicendo, minitando, obtestando, alium alio modo excitare.

Cum interim Metellus, ignarus hostium, monte degrediens cum exercitu, conspicitur, primo dubius quidnam insolita facies ostenderet (nam inter virgulta equi Numidæque consederant, neque planè occultati humilitate arborum, et tamen incerti quidnam esset; cum naturâ loci, tum dolo ipsi atque signa militaria

obscurati); dein, brevì cognitis insidìis, paulisper agmen constitit. Ibi commutatis ordinibus, in dextro latere, quod proximum hostis erat, triplicibus subsidiis aciem instruxit; inter manipulos funditores et sagittarios dispartit; equitatum omnem in cornibus locat; ac pauca pro tempore milites hortatus, aciem, sicuti instruxerat, transvorsis principiis in planum deducit.

L. SED, ubi Numidas quietos neque colle degredi animadvortit, veritus, ex anni tempore et inopiâ aquæ, ne siti conficeretur exercitus, Rutilium legatum cum expeditis cohortibus et parte equitum præmisit ad flumen, uti locum castris antecaperet: existumans hostis crebro impetu et transvorsis præliis iter cum remoratorios, et, quoniam armis diffiderent, lassitudinem et sitim militum tentaturos. Dein ipse, pro re atque loco, sicuti monte descenderat, paulatim procedere; Marium post principia habere; ipse cum sinistra alæ equitibus esse, qui in agmine principes facti erant.

At Jugurtha, ubi extremum agmen Metelli primos suos prætergressum videt, præsidio quasi duum millium peditum montem occupat, quâ Metellus descenderat, ne fortè cedentibus adversariis receptui ac post munimento foret;

dein, repentè signo dato, hostîs invadit. Numidæ, alii postremos cædere, pars à sinistrâ ac dextrâ tentare; infensi adesse atque instare: omnibus locis Romanorum ordines conturbare; quorum etiam qui firmioribus animis obvii hostibus fuerant, ludificati incerto prælio, ipsi modò eminùs sauciabantur, neque contrà feriundi aut manum conserendi copia erat. Antea jam docti ab Jugurthâ equites, ubicunquè Romanorum turba insequi cœperat, non confertim neque in unum sese recipiebant, sed alius aliò quàm maxumè divorsi. Ita numero priores, si ab persequendo hostîs deterre nequiverant, disjectos ab tergo aut lateribus circumveniebant: sin, opportunior fugæ collis quàm campi fuerant; eâ verò consueti Numidarum equi facilè intervulgula evadere; nostròs asperitas et insolentia loci retinebat.

LI. CETERUM facies totius negotii varia, incerta, fœda atquè miserabilis: dispersi à suis pars cedere, alii insequi; neque signa neque ordines observare; ubi quemque periculum ceperat, ibi resistere ac propulsare: arma, tela, equi, viri, hostes, cives permixti; nihil consilio neque imperio agi, fors omnia regere. Itaque multum diei processerat, cùm etiam tum eventus in incerto erat.

Deniquè, omnibus labore et æstu languidis, Metellus ubi videt Numidas minùs instare, paulatim milites in unum conducit, ordines restituit, et cohortes legionarias quatuor advorsum pedites hostium collocat : eorum magna pars superioribus locis fessa consederat. Simul orare, hortari milites « ne deficerent, neu paterentur hostis fugientes vincere; neque illis castra esse, neque munimentum ullum, quò cedentes tenderent; in armis omnia sita. »

Sed ne Jugurtha quidem intercà quietus; circumire, hortari, renovare prælium, et ipse cum dilectis tentare omnia; subvenire suis, hostibus dubiis instare; quos firmos cognoverat, eminùs pugnando retinere.

LII. Eo modo inter se duo imperatores, summi viri, certabant. Ipsi pares, ceterarum opibus disparibus : nam Metello virtus militum erat, locus advorsus; Jugurthæ alia omnia, præter milites, opportuna. Deniquè Romani, ubi intellegunt neque sibi perfugium esse, neque ab hoste copiam pugnandi fieri, et jam die vesper erat, advorso colle, sicuti præceptum fuerat, evadunt. Amisso loco, Numidæ fusi fugatique; pauci interiøre; plerosque velocitas et regio hostibus ignara tutata sunt.

Intercà Bomilcar, quem elephantis et parti

copiarum pedestrium præfectum ab Jugurthâ suprâ diximus, ubi eum Rutilius prætergressus est, paullatim suos in æquum locum deducit; ac, dùm legatus ad flumen quò præmissus erat festinans pergit, quietus uti res postulabat aciem exornat, neque remittit quid ubiquè hostis ageret explorare. Postquàm Rutilium consedissee jam et animo vacuum accepit, simulque ex Jugurthæ prælio clamorem augeri; veritus ne legatus, cognitâ re, laborantibus suis auxilio foret, aciem, quam diffidens virtuti militum arcè statuerat, quò hostium itineri obficeret, latius porrigit; eoque modo ad Rutilii castra procedit.

LIII. ROMANI ex improvise pulveris vim magnam animadvortunt; nam prospectum ager arbustis confitus prohibebat. Et primò rati humum aridam vento agitari; pòst, ubi æquabilem manere, et, sicuti acies movebatur, magis magisque adpropinquare vident; cognitâ re, properantes arma capiunt, ac pro castris, sicuti imperabatur, consistunt. Deindè, ubi propiùs ventum, utrinquè magno clamore concurrunt. Numidæ, tantummodò remorati dùm in elephantis auxilium putant, postquàm impeditos ramis arborum atque ita disiectos circumveniri vident, fugam faciunt; ac plerique, abjectis

armis, collis aut noctis quæ jam aderat auxilio, integri abeunt. Elephanti quatuor capti; reliqui omnes, numero quadraginta, interfecti.

At Romani, quanquam itinere atque opere castrorum et prælio fessi lassique erant; tamen, quòd Metellus ampliùs opinione morabatur instructi intentique obviàm procedunt; nam dolus Numidarum nihil languidi neque remissi patiebatur. Ac primò, obscurâ nocte, postquam haud procul inter se erant, strepitu velut hostes adventare, alteri apud alteros formidinem simul et tumultum facere: et penè imprudentiâ admissum facinus miserabile, ni utrinquè præmissi equites rem exploravissent. Igitur, pro metu repentè gaudium exortum, milites alius alium læti adpellant, acta edocent atque audiunt; sua quisque fortia facta ad cælum ferre. Quippè res humanæ ita sese habent: in victoriâ vel ignavis gloriari licet; adversæ res etiam bonos detractant.

LIV. METELLUS, in isdem castris quadriduo moratus, saucios cum curâ reficit, meritos in præliis more militiæ donat, universos in concione laudat, atque agit gratias; hortatur, « ad cetera, quæ levia sunt, parem animum gerant; pro victoriâ satis jam pugnatum, reliquos labores pro prædâ fore. » Tamen interim trans-

fugas et alios opportunos, Jugurtha ubi gentium aut quid agitare, cum paucisne esset an exercitum haberet, uti sese victus gereret, exploratum misit.

At ille sese in loca saltuosa et naturâ munita receperat; ibique cogebat exercitum numero hominum ampliorem, sed hebetem infirmumque, agri ac pecoris magis quam belli cultorem. Id eâ gratiâ eveniebat quod, præter regios equites, nemo omnium Numidarum ex fugâ regem sequitur; quod cujusque animus fert eò discedunt, neque id flagitium militiæ ducitur: ita se mores habent.

Igitur Metellus ubi videt regis etiam tum animum ferocem; bellum renovari, quod nisi ex illius lubidine geri non posset; prætereâ iniquum certamen sibi cum hostibus; minore detrimento illos vinci, quam suos vincere: statuit, non præliis neque acie, sed alio more bellum gerendum. Itaque in Numidiæ loca opulentissima pergit; agros vastat; multa castella et oppida, temerè munita aut sine præsidio, capit incenditque; puberes interfici jubet; alia omnia militum prædam esse. Eâ formidine multi mortales Romanis dediti obsides; frumentum et alia quæ usui forent adfatim præbita: ubicunque res postulabat præsidium impositum.

Quæ negotia multò magis quàm prælium malè pugnatum ab suis regem terrebant : quippè cui spes omnis in fugâ sita, sequi cogeatur ; et qui sua loca defendere nequiverat, in alienis bellum gerere. Tamen ex copiâ quod optimum videbatur consilium capit : exercitum plerumque in îsdem locis opperiri jubet ; ipse cum delectis equitibus Metellum sequitur ; nocturnis et aviis itineribus ignoratus, Romanos palantis repentè adgreditur. Eorum plerique inermes cadunt, multi capiuntur, nemo omnium intactus profugit ; et Numidæ, priusquàm ex castris subveniretur, sicuti jussi erant, in proximos collis discedunt.

LV. INTERIM Romæ gaudium ingens ortum, cognitis Metelli rebus ; ut seque et exercitum more majorum gereret ; in adverso loco, victor tamen virtute fuisset ; hostium agro potiretur ; Jugurtham, magnificum ex Auli secordiâ, spem salutis in solitudine aut fugâ coegisset habere. Itaque senatus OB EA FELICITER ACTA DÎS IMMORTALIBUS SUPPLICIA DECERNERE ; civitas trepida antea et sollicita de belli eventu, læta agere ; fama de Metello præclara esse.

Igitur eò intentior ad victoriam niti, omnibus modis festinare, cavere tamen necubi hosti opportunus fieret : meminisse post gloriam

invidiam sequi. Ita, quò clarior erat, eò magis anxius : neque post insidias Jugurthæ effuso exercitu prædari. Ubi frumento aut pabulo opus erat, cohortes cum omni equitatu præsidium agitabant ; exercitus partim ipse , reliquos Marius ducebat : sed igni magis quàm prædâ ager vastabatur. Duobus locis, haud longè inter se, castra faciébant : ubi vi opus erat, cuncti aderant ; ceterum, quò fuga atque formido latius crescerent, divorsi agebant.

Eo tempore Jugurtha per collis sequi ; tempus aut locum pugnae quærere ; quâ venturum hostem audierat, pabulum et aquarum fontis, quorum penuria erat, corrumpere ; modò se Metello, interdum Mario ostendere ; postremos in agminibus tentare, ac statim in collis regredi ; rursus aliis, post aliis minitari ; neque prælium facere, neque otium pati ; tantummodò hostem ab incepto retinere.

LVI. ROMANUS imperator ubi se dolis fatigari videt, neque ab hoste copiam pugnandi fieri, urbem magnam, et in eâ parte quâ sita erat arcem regni, nomine Zamam, statuit obpugnare : ratus id, quod negotium poscebat, Jugurtham laborantibus suis auxilio venturum, ibique prælium fore. At ille, quæ parabantur a perfugis edoctus, magnis itineribus Metellum

antevenit : oppidanos hortatur, moenia defendant, additis auxilio perfugis; quod genus ex copiis regis, quia fallere nequibant, firmissimum : prætereà pollicetur in tempore semet cum exercitu adfore. Ita compositis rebus, in loca quàm maxumè occulta discedit, ac post paullò cognoscit Marium ex itinere frumentatum cum paucis cohortibus Siccam missum : quod oppidum primum omnium post malam pugnam ab rege defecerat. Eò cum dilectis equitibus noctu pergit, et jam egredientibus Romanis in portâ pugnam facit : simul magnâ voce Siccenses hortatur « uti cohortis ab tergo circumveniant; fortunam præclari facinoris casum dare; si id fecerint, postea sese in regno, illos in libertate sine metu ætatem acturos. » Ac ni Marius signa inferre atque evadere oppido properavisset, profectò cuncti, aut magna pars Siccensium, fidem mutavissent : tantâ mobilitate sese Numidæ agunt! Sed milites Jugurthini, paullisper ab rege sustentati, postquàm majore vi hostes urgunt, paucis amissis, profugi discedunt.

LVII. MARIUS ad Zamam pervenit. Id oppidum, in campo situm, magis opere, quàm naturâ munitum erat : nullius idoneæ rei egens, armis virisque opulentum. Igitur Metellus, pro

tempore atque loco paratis rebus, cuncta mœnia exercitu circumvenit. Legatis imperat, ubi quisque curaret : deindè, signo dato, undiquè simul clamor ingens oritur. Neque ea res Numidas terret; infensi intentique sine tumultu manent : prælium incipitur. Romani, pro ingenio quisque, pars eminùs glande aut lapidibus pugnare; alii succedere, ac murum modò subfodere, modò scalis adgredi : cupere prælium in manibus facere. Contra ea oppidani in proximos saxa volvere; sudēs, pila, præterea pice et sulphure tædām mixtam, ardentis mittere. Sed nec illos qui procul manserant timor animi satis muniverat : nam plerosque jacula tormentis aut manu emissa vulnerabant; parique periculò, sed famā impari, boni atque ignavi erant.

LVIII. Dùm apud Zamam sic certatur, Jugurtha ex improvviso castra hostium cum magnâ manu invadit : remissis qui in præsidio erant, et omnia magis quàm prælium exspectantibus, portam irrumpit. At nostri, repentino metu perculsi, sibi quisque pro moribus consulunt; alii fugere, alii arma capere : magna pars vulnerati aut occisi. Ceterùm ex omni multitudine non ampliùs quadraginta, memores nominis Romani, grege facto, locum cepere, paullò

quàm alii editiorem; neque indè maxumâ vi depelli quiverunt, sed tela eminùs missa remittere, pauci in pluribus minùs frustrati; sin Numidæ propiùs accessissent, ibi verò virtutem ostendere et eos maxumâ vi cædere, fundere atque fugare.

Interim Metellus cùm acerrumè rem gereret, clamorem hostilem ab tergo accepit : dein, converso equo, animadvortit fugam ad se vorsum fieri; quæ res indicabat popularis esse. Igitur equitatum omnem ad castra properè mittit, ac statim C. Marium cum cohortibus sociorum; eumque lacrumans « per amicitiam perque rempublicam obsecrat, ne quam contumeliam remanere in exercitu victore, neve hostis inultos abire sinat. » Ille brevè mandata efficit. At Jugurtha, munimento castrorum impeditus, cùm alii super vallum præcipitarentur, alii in angustiis ipsi sibi properantes obficerent, multis amissis, in loca munita sese recepit. Metellus, infecto negotio, postquàm nox aderat, in castra cum exercitu revortitur.

LIX. IGITUR postero die, priùs quàm ad obpugnandum egrederetur, equitatum omnem in eà parte quà regis adventus erat pro castris agitare jubet; portas et proxima loca tribunis dispertit; deindè ipse pergit ad oppidum, atque,

ut superiore die, murum adgreditur. Intorim Jugurtha ex occulto repente nostros invadit. Qui in proximo locati fuerant, paullisper territi perturbantur : reliqui citò subveniunt. Neque diutius Numidæ resistere quivissent, ni pedites cum equitibus permixti magnam cladem in congressu facerent : quibus illi freti, non, ut equestri prælio solet, sequi, dein cedere; sed adversis equis concurrere, implicare ac perturbare aciem; ita expeditis peditibus suis hostis penè victos dare.

LX. EODEM tempore apud Zamam magnâ vi certabatur. Ubi quisque legatus aut tribunus curabat, eò acerrumè niti; neque alius in alio magis quàm in sese spem habere : pariter oppidani agere, obpugnare, aut parare omnibus locis : avidiùs alteri alteros sauciare quàm semet tegere. Clamor permixtus hortatione, lætitiâ, gemitu, item strepitus armorum ad cælum ferri; tela utrinquè volare,

Sed illi qui mœnia defensabant, ubi hostes paullulùm modò pugnam remiserant, intenti prælium equestre prospectabant. Eos, uti quæque Jugurthæ res erant, lætos modò, modò pavidos animadvorteres : ac, sicubi audiri à suis aut cerni possent, monere alii, alii hortari, aut manu significare, aut niti corporibus, et

hinc, illuc, quasi vitabundi aut jacentes tela, agitare. Quod ubi Mario cognitum est, nam is in eâ parte curabat, consultò leniùs agere, ac diffidentiam rei simulare; patì Numidas sine tumultu regis prælium visere. Ita illis studio suorum adstrictis, repente magnâ vi murum adgreditur: et jam scalis egressi milites propè summa ceperant, cùm oppidani concurrunt, lapides, ignem, alia præterea tela ingerunt. Nostri primò resistere; deindè, ubi unæ atque alteræ scalæ comminutæ, qui supersteterant adflicti sunt; ceteri, quoquo modo potuère, pauci integri, magna pars confecti vulneribus, abeunt. Deniquè utrinquè prælium nox diremit.

LXI. METELLUS, postquàm videt frustrâ inceptum, neque oppidum capi, neque Jugurtham nisi ex insidiis aut suo loco pugnam facere, et jam æstatem exactam esse, ab Zamâ discedit: et in his urbibus quæ ad se dosecerant, satisque munitæ loco aut mœnibus erant, præsidia imponit; ceterum exercitum in provinciam, quæ proxuma est Numidiæ, hiemandi gratiâ collocat. Neque id tempus, ex aliorum more, quieti aut luxuriæ concedit; sed, quoniam armis bellum parùm procedebat, insidias regi per amicos tendere, et eorum perfidiâ pro armis uti parat. Igitur Bolmicarem, qui Romæ

cum Jugurthâ fuerat, et inde, vadibus datis, clâm Massivæ de nece judicium fugerat, quòd ei per maximam amicitiam maxima copia fallendi erat, multis pollicitationibus adgreditur : ac primò efficit uti ad se colloquendi gratiâ occultus veniat : dein fide datâ, « si Jugurtham vivum aut necatum tradidisset, fore ut illi senatus impunitatem et sua omnia concederet, » facilè Numidæ persuadet, cùm ingenio infido, tum metuenti ne, si pax cum Romanis fieret, ipse per conditiones ad supplicium traderetur.

LXII. Is, ubi primùm opportunum, Jugurtham anxium ac miserantem fortunas suas accedit, monet atque lacrumans obtestatur, « uti aliquandò sibi, liberisque, et genti Numidarum optumè merenti, provideat : omnibus præliis sese victos, agrum vastatum, multos mortaliſ captos aut occisos, regni opes comminutas esse : satis sæpè jam et virtutem militum, et fortunam tentatam : caveret ne, illo cunctante, Numidæ sibi consulant, »

His atque talibus aliis ad deditionem regis animum impellit. Mittuntur ad imperatorem legati ; « Jugurtham imperata facturum, ac sine ullâ pactiſone sese regnumque suum in illius fidem tradere. » Metellus properè cunctos senatorii ordinis ex hibernis arcessiri jubet ;

eorum, atque aliorum quos idoneos ducebat, consilium habet. Ita more majorum, ex consilii decreto, per legatos Jugurthæ imperat argenti pondo ducenta millia, elephantos omnīs, equorum et armorum aliquantum. Quæ postquam sine morâ facta sunt, jubet omnīs perfugas vinctos adduci. Eorum magna pars, ut jussum erat, adducti; pauci, cū primū deditio cœpit, ad regem Bocchum in Mauretanium abierant.

Igitur, Jugurtha, ubi armis virisque et pecuniâ spoliatus, cū ipse ad imperandum Tisidium vocaretur, rursus cœpit flectere animum suum, et ex malâ conscientiâ digna timere. Deniquè, multis diebus per dubitationem consumtis, cū modò tædio rerum advorsarum omniâ bello potiora duceret; interdum secum ipse reputaret quàm gravis casus in servitium ex regno foret; multis magnisque præsiidiis nequidquàm perditis, de integro bellum sumit. Romæ senatus de provinciis consultus Numidiam Metello decreverat.

LXIII. PER idem tempus Uticæ fortè C. Mario per hostias dīs supplicante, « magna atque mirabilia portendi » aruspex dixerat : « proinde, quæ animo agitabat, fretus dīs ageret : fortunam quàm sapissimè experiretur ; cuncta

prospera eventura. » At illum jam antea consummatûs ingens cupido exagitabat : ad quem capiundum, præter vetustatem familiæ, alia omnia abundè erant : industria, probitas, militiæ magna scientia, animus belli ingens, domi modicus, lubricitatis et divitiarum victor, tantummodò gloriæ avidus. Sed is natus, et omnem pueritiam Arpini altus, ubi primam ætas militiæ patiens fuit, stipendiis faciundis, non Græcâ facundiâ neque urbanis munditiis, sese exercuit : ita inter artis bonas integrum ingenium brevè adolevit. Ergo, ubi primam tribunatum militarem à populo petit, plerisque faciem ejus ignorantibus, faciliè notus per omnibus tribus declaratur. Deinde ab eo magistratu alium post alium sibi peperit : semperque in potestatibus eo modo agitabat, uti ampliore quàm gerebat dignus haberetur. Tamen is ad id locorum talis vir (nam postea ambitione præceps datus est) consulatum petere non audebat. Etiam tunc alios magistratus plebes, consulatum nobilitas inter se per manus tradebat : novus nemo tam clarus, neque tam egregiis factis erat, quin is indignus illo honore et quasi pollutus haberetur.

LXIV. Igitur, ubi Marius aruspiciis dicta eodè intendero videt quò cupido animi hortabatur, ab Metello, petendi gratiâ, missionem

rogat : cui quanquam virtus, gloria atque alia optanda bonis superabant, tamen inerat contentor animus et superbia, commune nobilitatis malum. Itaque, primùm commotus insolitare, mirari ejus consilium, et quasi per amicitiam monere, « ne tam prava inciperet, seu super fortunam animum gereret; non omnia omnibus cupiunda esse; debere illi res suas satis placere: postremò caveret id pètere à populo Romano quod illi jure negaretur. » Postquàm hæc atque talia dixit, neque animus Marii flectitur, respondit, « ubi primùm potuisset per negotia publica, facturum sese quæ peteret. » Ac postea sæpiùs eadem postulanti fertur dixisse, « ne festinaret abire; satis maturè illum cum filio suo consulatum petiturum. » Is eo tempore contubernio patris ibidem militabat, annos natus circiter xx.

Quæ res Marium, cùm pro honore quem adfectabat, tùm contra Metellum, vehementer accenderat. Ita, cupidine atque irâ, pessumis consultoribus, grassari; neque facto ullo neque dicto abstinere, quod modò ambitiosum foret; milites quibus in hibernis præerat laxiore imperio quàm antea habere: apud negotiatores, quorum magna multitudo Uticæ erat, criminosè simul et magnificè de bello loqui: « si dimidia

pars exercitûs sibi permitteretur, paucis diebus Jugurtham in catenis habiturum; ab imperatore consultò trahi, quòd homo inanis et regiæ superbîæ imperio nimis gauderet. » Quæ omnia illis eò firmiora videbantur, quòd diuturnitate belli res familiaris corruperant, et animo cupienti nihil satis festinatur.

LXV. ERAT præterea in exercitu nostro Numida quidam, nomine Gauda, Mastanabalis filius, Masinissæ nepos, quem Micipsa testamento secundum hæredem scripserat; morbis confectus, et ob eam caussam mente paullum imminutâ. Cui Metellus petenti, more regum, uti sellam juxta poneret; item postea, custodiæ caussâ, turmam equitum Romanorum, utrumque negaverat: honorem, quòd eorum modò foret quos populus Romanus reges adpellavisset; præsidium, quòd contumeliosum in eos foret, si equites Romani satellites Numidæ traderentur.

Hunc Marius anxium adgreditur, atque hortatur uti contumeliarum imperatoris cum suo auxilio pœnas petat. Hominem ob morbos animo parum valido secundâ oratione extollit: « illum regem, ingentem virum, Masinissæ nepotem esse: si Jugurtha captus aut occisus, imperium Numidiæ sine morâ habiturum: id adeò maturè posse evenire, si ipso consul ad id bellum missus

foret. » Itaque et illum, et equites Romanos, milites et negotiatores, alios ipse, plerosque spes pacis impellit, uti Romam ad suos necessarios asperè in Metellum de bello scribant, Marium imperatorem poscant. Sic illi à multis mortali-
bus honestissimâ suffragatione consulatus petebatur. Simul eâ tempestate plebes, nobilitate fusâ per legem Mamiliam, novos extollebat. Ita Mario cuncta procedere.

LXVI. INTERIM Jugurtha postquàm, qmissâ deditione, bellum incipit, cum maguâ curâ parare omnia, festinare, cogere exercitum : civitates, quæ ab se defecerant, formidine aut ostentando præmia adfectare ; communire suos locos ; arma, tela, alia quæ spe pacis amiserat, reficere aut commercari ; servitia Romanorum adlicere, et eos ipsos qui in præsidiis erant pecuniâ tentare ; prorsus nihil intactum neque quietum pati ; cuncta agitare. Igitur Vagenses, quò Metellus initio, Jugurthâ pacificante, præsidium imposuerat, fatigati regis suppliciis, neque antea voluntate alienati, principes civitatis inter se conjurant : nam volgus, uti plerumquè solet, et maxumè Numidarum, ingenio mobili, seditiosum atque discordiosum erat, cupidum novarum rerum, quieti et otio adversum : dein, compositis inter se rebus, diem

tertium constituunt, quod is festus celebratis-
que per omnem Africam ludum et lasciviam
magis quam formidinem ostentabat. Sed ubi
tempus fuit, centuriones tribunosque militaris,
et ipsum præfectum oppidi T. Turpilius Sila-
num, alius alium domos suas invitant : eos
omnis, præter Turpilius, inter epulas obtrun-
cant : postea milites palantis, inermes, quippe
in tali die ac sine imperio, adgrediuntur. Idem
plebes facit, pars edocti ab nobilitate, alii
studio talium rerum incitati; quis acta consi-
liumque ignorantibus tumultus ipse et res nova
satis placebant.

LXVII. ROMANI milites, improviso metu,
incerti ignaque quid potissimum facerent,
trepidare ad arcem oppidi, ubi signa et scuta
erant : præsidium hostium, portæ antè clausæ
fugam prohibebant : ad hæc, mulieres puerique
pro tectis ædificiorum saxa, et alia quæ locis
præbebat, certatim mittere. Itaque neque cavere
anceps malum, neque a fortissimis infirmis-
simo generi resisti posse : juxta boni malique,
srenui et imbelles multi obtruncati. In eâ tanta
asperitate, sævissimis Numidis et oppido undi-
que clauso, Turpilius unus ex omnibus Italicis
profugit intactus : id misericordiæ hospitii,
an pactione, an casu ita evenerit, parum com-

perimus; nisi, quia illi in tanto malo turpis vita famâ integrâ potior, improbus intestabilisque videtur.

LXVIII. METELLUS, postquàm de rebus Vagæ actis comperit, paullisper moestus è conspectu abit: deindè, ubi ira et ægritudo permixta, cum maxumâ curâ ultum ire injurias festinat. Legionem, cum quâ hiemabat, et, quàm plurimos potest, Numidas equites pariter cum occasu solis expeditos educit: et posteriâ die circiter horam tertiam pervenit in quamdam planitiem, locis paullò superioribus circumventam. Ibi milites fessos itineris magnitudine, et jam abnuentis omnia, docet, « oppidum Vagam non ampliùs mille passuum abesse: decere illos reliquum laborem æquo animo pati, dùm pro civibus suis, viris fortissimis atque miserrimis, poenas caperent ». Præterea prædam benignè ostendit. Sic animis eorum arrectis, equites in primo latè, pedites quàm arctissimè ire, signa occultare jubet.

LXIX. VAGENSES ubi animum advortèro ad se vorsum exercitum pergere, primò, uti erat res, Metellum rati, portas clausère; deindè, ubi neque agros vastari, et eos, qui primi aderant, Numidas equites vident; rursùm Jugurtham arbitrati, cum magno gaudio obvii

procedunt. Equites peditesque, repente signo dato, alii vulgum effusum oppido cedere; alii ad portas festinare; pars turrís capere; ira atque prædæ spes ampliùs quàm lassitudo posse. Ita Vagenses biduum modò ex perfidiâ lælati: civitas magna et opulens pœnæ cuncta, aut prædæ fuit. Turpilius, quem præfectum oppidi unum ex omnibus profugisse suprà ostendimus, jussus à Metello causam dicere, postquàm sese parùm expurgat, condemnatus, verberatusque capite pœnas solvit: nam is civis ex Latio erat.

LXX. PER idem tempus Bomilcar, cujus impulsu Jugurtha deditionem, quam metu deseruit, inceperat, suspectus regi, et ipse eum suspiciens, novas res cupere; ad perniciem ejus dolum quærere; diu noctuque fatigare animum. Deniquè omnia tentando, socium sibi adjunxit Nabdalsam, hominem nobilem, magnis opæarum acceptumque popularibus suis; quorumquè seorsum ab rege exercitum ducere omnes res exsequi solitus erat, quæ fesso, aut majoribus adstricto, sunt ex quo illi gloria opesque inventuræ. Igitur utriusque consilio ductur: cetera, uti res posceret, placuit. Nabdalsa ad exercitum inter hiberna Romanorum

ager, inultis hostibus, vastaretur. Is postquam
 magnitudine facinoris percussus, ad tempus
 non venit, metusque rem impediebat. Bonitatem
 simul cupidus incepta patrandi, et timor socii
 anxius, ne, omissio veteri consilio, novum
 quæreret, litteras ad eum per homines fideles
 mittit, « mollitiem secordiamque viri accusare,
 testari deos, per quos juravisset, præmia Meicelli
 in pestem ne converteret; Jugurtha exitium
 adesse; ceterum suâne, an virtute Meicelli pe-
 riret, id modò agitari: præmiâ reputaret cum
 animo suo, præmia, an cruciatum mallet. »

XXI. SED CUM hæc litteræ allatæ, fortis

a, e

at.

ira

ce

ep

or

o

l

exponere lassus, in lecto

domitiani vertilis,

quam minimum sollet,

liquidam negotio-

que, et omnium

particeps, Qu

it, ex consuet

no opus esse

ante illo ep

merè pos

, cogniti

a, post

lam re

, pri

ri

in

sum

le illi

minum

in dies

prospera eventura. » At illum jam antea consum-
latus ingens cupido exagitabat : ad quem ca-
piundum, præter vetustatem familiæ, alia omnia
abundè erant : industria, probitas, militiæ
magna scientia, animus belli ingens, domi mo-
dicus, lubricitatis et divitiarum victor, tantum-
modò gloriæ avidus. Sed is natus, et omnem
pueritiam Arpini altus, ubi primùm ætas mi-
litiæ patiens fuit, stipendiis faciundis, non
Græcâ facundiâ neque urbanis munditiis, sese
exercuit : ita inter artûs bonas integrum inge-
nium brevè adolevit. Ergo, ubi primùm tribu-
natum militarem à populo petit, plerisque
faciem ejus ignorantibus, faciliè notus per omnîs
tribus declaratur. Deinde ab eo magistratu alium
post alium sibi peperit : semperque in potesta-
tibus eo modo agitabat, uti ampliore quàm gere-
bat dignus haberetur. Tamen is ad id locorum ta-
lis vir (nam postea ambitione præceps datus est)
consulatum petere non audebat. Etiam tùm alios
magistratus plebes, consulatum nobilitas inter
se per manus tradebat : novus nemo tam elatus,
neque tam egregiis factis erat, quin is indignus
illo honore et quasi pollutus haberetur.

LXIV. IGITUR, ubi Marius aruspiciis dicta
eodém intendere videt quò cupido animi horta-
batur, ab Metello, petendi gratiâ, missionem

rogat : cui quanquam virtus, gloria atque alia optanda bonis superabant, tamen inerat contentor animus et superbia, commune nobilitatis malum. Itaque, primùm commotus insolitare, mirari ejus consilium, et quasi per amicitiam monere, « ne tam prava inciperet, seu super fortunam animum gereret; non omnia omnibus cupiunda esse; debere illi res suas satis placere: postremò caveret id petere à populo Romano quod illi jure negaretur. » Postquàm hæc atque talia dixit, neque animus Marii flectitur, respondit, « ubi primùm potuisset per negotia publica, facturum sese quæ peteret. » Ac postea sæpiùs eadem postulanti fertur dixisse, « ne festinaret abire; satis maturè illum cum filio suo consulatum petiturum. » Is eo tempore contubernio patris ibidem militabat, annos natus circiter xx.

Quæ res Marium, cùm pro honore quem adfectabat, tùm contra Metellum, vehementer accenderat. Ita, cupidine atque irâ, pessumis consultoribus, grassari; neque facto ullo neque dicto abstinere, quod modò ambitiosum foret; milites quibus in hibernis præerat laxiore imperio quàm antea habere: apud negotiatores, quorum magna multitudo Uticæ erat, criminosè simul et magnificè de bello loqui: « si dimidia

pars exercitûs sibi permitteretur, paucis diebus Jugurtham in catenis habiturum; ab imperatore consultò trahi, quòd homo inanis et regiæ superbiae imperiò nimis gauderet. » Quæ omnia illis eò firmiora videbantur, quòd diuturnitate belli res familiaris corruperant, et animo cupienti nihil satis festinatur.

LXV. ERAT prætereà in exercitu nostro Numida quidam, nomine Gauda, Mastanabalis filius, Masinissæ nepos, quem Micipsa testamento secundum hæredem scripserat; morbis confectus, et ob eam caussam mente paullum imminutâ. Cui Metellus petenti, more regum, uti sellam juxta poneret; item posteà, custodiæ caussâ, turmam equitum Romanorum, utrumque negaverat: honorem, quòd eorum modò foret quos populus Romanus reges adpellavisset; præsidium, quòd contumeliosum in eos foret, si equites Romani satellites Numidæ traderentur.

Hunc Marius anxium adgreditur, atque hortatur uti contumeliarum imperatoris cum suo auxilio pœnas petat. Hominem ob morbos animo parum valido secundâ oratione extollit: « illum regem, ingentem virum, Masinissæ nepotem esse: si Jugurtha captus aut occisus, imperium Numidiæ sine morâ habiturum: id adeò maturè posse evenire, si ipse consul ad id bellum missus

foret. » Itaque et illum, et equites Romanos, milites et negotiatores, alios ipse, plerosque spes pacis impellit, ut Romam ad suos necessarios asperè in Metellum de bello scribant, Marium imperatorem poscant. Sic illi à multis mortali-
bus honestissimâ suffragatione consulatus petebatur. Simul eâ tempestate plebes, nobilitate fusâ per legem Maniliam, novos extollebat. Ita Mario cuncta procedere.

LXVI. INTERIM Jugurtha postquàm, qmissâ deditione, bellum incipit, cum maguâ curâ parare omnia, festinare, cogere exercitum : civitates, quæ ab se defecerant, formidine aut ostentando præmia adfectare ; communire suos locos ; arma, tela, alia quæ spe pacis amiserat, reficere aut commercari ; servitia Romanorum adlicere, et eos ipsos qui in præsidiis erant pecuniâ tentare ; prorsus nihil intactum neque quietum pati ; cuncta agitare. Igitur Vagenses, quò Metellus initio, Jugurthâ pacificante, præsidium imposuerat, fatigati regis suppliciis, neque antea voluntate alienati, principes civitatis inter se conjurant : nam volgus, ut plerumquè solet, et maxumè Numidarum, ingenio mobili, seditiosum atque discordiosum erat, cupidum novarum rerum, quieti et otio adversum : dein, compositis inter se rebus, diem

tertium constituunt, quod is festus celebratis-
 que per omnem Africam ludum et lasciviam
 magis quàm formidinem ostentabat. Sed ubi
 tempus fuit, centuriones tribunosque militaris,
 et ipsum præfectum oppidi T. Turpilium Sila-
 num, alius alium domos suas invitant: eos
 omnis, præter Turpilium, inter epulas obtrun-
 cant: postea milites palantis, inermes, quippe
 in tali die ac sine imperio, adgrediuntur. Idem
 plebes facit, pars edocti ab nobilitate, alii
 studio talium rerum incitati; quis acta consi-
 liumque ignorantibus tumultus ipse et res nova
 satis placebant.

LXVII. ROMANI milites, improvise metu,
 incerti ignaque quid potissimum facerent,
 trepidare ad arcem oppidi, ubi signa et scuta
 erant: præsidium hostium, portæ antè clausæ
 flagram prohibebant: ad hæc, mulieres puerique
 pro tectis ædificiorum saxa, et alia quæ locis
 præbebat, certatim mittere. Ita neque caveri
 anceps malum, neque à fortissimis infirmis-
 simo generi resisti posse: juxta boni malique,
 strenui et imbelles inulti obtruncati. In eâ tanta
 asperitate, sævissimis Numidis et oppido undi-
 que clauso, Turpilius unus ex omnibus Italicis
 profugit intactus: id misericordiæ hospitæ,
 an pactione, an casu ita evenerit, parum com-

perimus; nisi, quia illi in tanto malo turpis vita famâ integrâ potior, improbus instabilisque videtur.

LXVIII. METELLUS, postquàm de rebus Vagæ actis comperit, paullisper mœstus è conspectu abit: deindè, ubi ira et ægritudo permixta, cum maxumâ curâ ultum ire injurias festinat. Legionem, cum quâ hiemabat, et, quàm plurimos potest, Numidas equites pariter cum occasu solis expeditos educit: et posteriâ die circiter horam tertiam pervenit in quamdam planitiem, locis paullò superioribus circumventam. Ibi milites fessos itineris magnitudine, et jam abnuentis omnia, docet, « oppidum Vagam non ampliùs mille passuum abesse: decere illos reliquum laborem æquo animo pati, dùm pro civibus suis, viris fortissimis atque miserrimis, pœnas caperent ». Prætereà prædam benignè ostendit. Sic animis eorum arrectis, equites in primo latè, pedites quàm arctissimè ire, signa occultare jubet.

LXIX. VAGENSES ubi animum advortèro ad se vorsum exercitum pergere, primò, uti erat res, Metellum rati, portas clausere; deindè, ubi neque agros vastari, et eos, qui primi aderant, Numidas equites vident; rursùm Jugurtham arbitrati, cum magno gaudio obvii

cum Jugurthâ fuerat, et indè, vadibus datis, clàm Massivæ de nece judicium fugerat, quòd ei per maxumam amicitiam maxuma copia fallendi erat, multis pollicitationibus adgreditur : ac primò efficit uti ad se colloquendi gratiâ occultus veniat : dein fide datâ, « si Jugurtham vivum aut neçatum tradidisset, fore ut illi senatus impunitatem et sua omnia concederet, » . facile Numidæ persuadet, cùm ingenio infido, tùm metuenti ne, si pax cum Romanis fieret, ipse per conditiones ad supplicium traderetur.

LXII. Is, ubi primùm opportunum, Jugurtham anxium ac miserantem fortunas suas accedit, monet atque lacrumans obtestatur, « uti aliquandò sibi, liberisque, et genti Numidarum optumè merenti, provideat : omnibus præliis sese victos, agrum vastatum, multos mortalis captos aut occisos, regni opes comminutas esse : satis sæpè jam et virtutem militum, et fortunam tentatam : caveret ne, illo cunctante, Numidæ sibi consulant, »

His atque talibus, aliis ad deditionem regis animum impellit. Mittuntur ad imperatorem legati ; « Jugurtham imperata facturum, ac sine ullâ pactiōne sese regnumque suum in illius fidem tradere. » Metellus properè cunctos senatorii ordinis ex hibernis arcessiri jubet ;

eorum, atque aliorum quos idoneos ducebat, consilium habet. Ita more majorum, ex consilii decreto, per legatos Jugurthæ imperat argenti pondo ducenta millia, elephantos omnîs, equorum et armorum aliquantùm. Quæ postquàm sine morâ facta sunt, jubet omnîs perfugas vinctos adduci. Eorum magna pars, ut jussum erat, adducti; pauci, cùm primùm deditio cœpit, ad regem Bocchum in Mauretaniam abierant.

Igitur, Jugurtha, ubi armis virisque et pecuniâ spoliatus, cùm ipse ad imperandum Tisidium vocaretur, rursus cœpit flectere animum suum, et ex malâ conscientiâ digna timere. Deniquè, multis diebus per dubitationem consumtis, cùm modò tædio rerum advorsarum omniâ bello potiora duceret; interdum secum ipse reputaret quàm gravis casus in servitium ex regno foret; multis magnisque præsidiiis nequidquàm perditis, de integro bellum sumit. Romæ senatus de provinciis consultus Numidiam Metello decreverat.

LXIII. PER idem tempus Uticæ fortè C. Mario per hostias dîs supplicante, « magna atque mirabilia portendi » aruspex dixerat : « proinde, quæ animo agitabat, fretus dîs ageret : fortunam quàm sæpissimè experiretur ; cuncta

prospera eventura. » At illum jam antea consularis ingens cupido exagitabat : ad quem capiundum, præter vetustatem familiæ, alia omnia abundè erant : industria, probitas, militiæ magna scientia, animus belli ingens, domi modicus, lubricitatis et divitiarum victor, tantummodò gloriæ avidus. Sed is natus, et omnem pueritiam Arpini altus, ubi primùm ætas militiæ patiens fuit, stipendiis faciundis, non Græcâ facundiâ neque urbanis munditiis, sese exercuit : ita inter artis bonas integrum ingenium brevè adolevit. Ergo, ubi primùm tribunatum militarem à populo petit, plerisque faciem ejus ignorantibus, faciliè notus per omnis tribus declaratur. Deinde ab eo magistratu alium post alium sibi peperit : semperque in potestatibus eo modo agitabat, uti ampliore quàm gerebat dignus haberetur. Tamen is ad id locorum talis vir (nam postea ambitione præceps datus est) consulatum petere non audebat. Etiam tùm alios magistratus plebes, consulatum nobilitas inter se per manus tradebat : novus nemo tam elatus, neque tam egregiis factis erat, quin is indignus illo honore et quasi pollutus haberetur.

LXIV. IGITUR, ubi Marius aruspiciis dicta eodè intendere videt quò cupido animi hortabatur, ab Metello, petendi gratiâ, missionem

rogat : cui quanquam virtus, gloria atque alia optanda bonis superabant, tamen inerat contentor animus et superbia, commune nobilitatis malum. Itaque, primùm commotus insolitare, mirari ejus consilium, et quasi per amicitiam monere, « ne tam prava inciperet, seu super fortunam animum gereret; non omnia omnibus cupiunda esse; debere illi res suas satis placere: postremò caveret id petere à populo Romano quod illi jure negaretur. » Postquàm hæc atque talia dixit, neque animus Marii flectitur, respondit, « ubi primùm potuisset per negotia publica, facturum sese quæ peteret. » Ac postea sæpiùs eadem postulanti fertur dixisse, « ne festinaret abire; satis maturè illum cum filio suo consulatum petiturum. » Is eo tempore contubernio patris ibidem militabat, annos natus circiter xx.

Quæ res Marium, cùm pro honore quem adfectabat, tùm contra Metellum, vehementer accenderat. Ita, cupidine atque irâ, pessumis consultoribus, grassari; neque facto ullo neque dicto abstinere, quod modò ambitiosum foret; milites quibus in hibernis præerat laxiore imperio quàm antea habere: apud negotiatores, quorum magna multitudo Uticæ erat, criminosè simul et magnificè de bello loqui: « si dimidia

pars exercitûs sibi permitteretur, paucis diebus Jugurtham in catenis habiturum; ab imperatore consultò trahi, quòd homo inanis et regiæ superbîæ imperiò nimis gauderet. » Quæ omnia illis eò firmiora videbantur, quòd diuturnitate belli res familiaris corruperant, et animo cupienti nihil satis festinatur.

LXV. ERAT prætereà in exercitu nostro Numida quidam, nomine Gauda, Mastanabalis filius, Masinissæ nepos, quem Micipsa testamento secundum hæredem scripserat; morbis confectus, et ob eam caussam mente paullùm imminutâ. Cui Metellus petenti, more regum, uti sellam juxtâ poneret; item posteà, custodiæ caussâ, turmam equitum Romanorum, utrumque negaverat: honorem, quòd eorum modò foret quos populus Romanus reges adpellavisset; præsidium, quòd contumeliosum in eos foret, si equites Romani satellites Numidæ traderentur.

Hunc Marius anxium adgreditur, atque hortatur uti contumeliarum imperatoris cum suo auxilio pœnas petat. Hominem ob morbos animo parùm valido secundâ oratione extollit: « illum regem, ingentem virum, Masinissæ nepotem esse: si Jugurtha captus aut occisus, imperium Numidiæ sine morâ habiturum: id adeò maturè posse evenire, si ipso consul ad id bellum missus

foret. » Itaque et illum, et equites Romanos, milites et negotiatores, alios ipse, plerosque spes pacis impellit, uti Romam ad suos necessarios asperè in Metellum de bello scribant, Marium imperatorem poscant. Sic illi à multis mortilibus honestissimâ suffragatione consulatus petebatur. Simul eâ tempestate plebes, nobilitate fusâ per legem Mamiliam, novos extollebat. Ita Mario cuncta procedere.

LXVI. INTERIM Jugurtha postquàm, qmissâ deditione, bellum incipit, cum magnâ curâ parare omnia, festinare, cogere exercitum : civitates, quæ ab se defecerant, formidine aut ostentando præmia adfectare ; communire suos locos ; arma, tela, alia quæ spe pacis amiserat, reficere aut commercâri ; servitia Romanorum adlicere, et eos ipsos qui in præsidiis erant pecuniâ tentare ; proîsùs nihil intactum neque quietum pati ; cuncta agitare. Igitur Vagenses, quò Metellus initio, Jugurthâ pacificante, præsidium imposuerat, fatigati regis suppliciis, neque antea voluntate alienati, principes civitatis inter se conjurant : nam volgus, uti plerumquè solet, et maxumè Numidarum, ingenio mobili, seditiosum atque discordiosum erat, cupidum novarum rerum, quieti et otio adversum : dein, compositis inter se rebus, diem

tertium constituunt, quod is festus celebratis-
que per omnem Africam Iudum et lasciviam
magis quam formidinem ostentabat. Sed ubi
tempus fuit, centuriones tribunosque militaris,
et ipsum praefectum oppidi T. Turpilius Sila-
num, alius alium domos suas invitant : eos
omnis, praeter Turpilius, inter epulas obtrun-
cant : postea milites palantis, inermes, quippe
in tali die ac sine imperio, adgrediuntur. Idem
plebes facit, pars edocti ab nobilitate, alii
studio talium rerum incitati, quis acta consi-
liumque ignorantibus tumultus ipse et res nova
salis placebant.

LXVII. ROMANI milites, improvise metu,
incerti ignaque quid potissimum facerent,
trepidare ad arcem omisi, ubi signa et scula
erant : praesidium hostium, portae ante clausae
flagram prohibebant : ad hoc, mulieres puerique
pro tectis aedificiorum saxa, et alia quae locis
praebebat, certatim mittere. Ita neque cavere
anceps malum, neque a fortissimis infirmis-
simo generi resisti posse : iuxta boni natiqque,
strenui et imbelles multi obtruncati. In ea tanta
asperitate, saevissimis Numidis et oppido undi-
que clauso, Turpilius unus ex omnibus Italicis
profugit intactus : id misericordiane hospitis,
an pactione, an casu ita evenerit, parum com-

perimus; nisi, quia illi in tanto malo turpis vita famâ integrâ potior, improbus intestabilisque videtur.

LXVIII. METELLUS, postquàm de rebus Vagæ actis comperit, paullisper mœstus è conspectu abit: deindè, ubi ira et ægritudo permixta, cum maxumâ curâ ultum ire injurias festinat. Legionem, cum quâ hiemabat, et, quàm plurimos potest, Numidas equites pariter cum occasu solis expeditos educit: et posteriâ die circiter horam tertiam pervenit in quamdam planitiem, locis paullò superioribus circumventam. Ibi milites fessos itineris magnitudine, et jam abnuentis omnia, docet, « oppidum Vagam non ampliùs mille passuum abesse: decere illos reliquum laborem æquo animo pati, dùm pro civibus suis, viris fortissimis atque miserrimis, poenas caperent ». Prætereà prædam benignè ostendit. Sic animis eorum arrectis, equites in primo latè, pedites quàm arctissimè ire, signa occultare jubet.

LXIX. VAGENSES ubi animum advortère ad se vorsum exercitum pergere, primò, uti erat res, Metellum rati, portas clausere; deindè, ubi neque agros vastari, et eos, qui primi aderant, Numidas equites vident; rursùm Jugurtham arbitrati, cum magno gaudio obvii

procedunt. Equites peditesque, repentè signo dato, alii volgum effusum oppido cedere; alii ad portas festinare; pars turris capere; ira atque prædæ spes ampliùs quàm lassitudo posse. Ita Vagenses biduum modò ex perfidiâ lætati: civitas magna et opulens pœnæ cuncta, aut prædæ fuit. Turpilius, quem præfectum oppidi unum ex omnibus profugisse suprà ostendimus, jussus à Metello caussam dicere, postquàm sese parùm expurgat, condemnatus, verberatusque capite pœnas solvit: nam is civis ex Latio erat.

LXX. PER idem tempus Bomilcar, cujus impulsu Jugurtha deditionem, quam metu deseruit, inceperat, suspectus regi, et ipse eum suspiciens, novas res cupere; ad perniciem ejus dolum quærere; diu noctuque fatigare animum. Deniquè omnia tentando, socium sibi adjungit Nabdalsam, hominem nobilem, magnis opibus, carum acceptumque popularibus suis; qui plerumquè seorsùm ab rege exercitum ductare, et omnes res exsequi solitus erat, quæ Jugurthæ fesso, aut majoribus adstricto, superaverant: ex quò illi gloria opesque inventæ.

Igitur utriusque consilio dies insidiis statuitur: cetera, uti res posceret, ex tempore parari placuit. Nabdalsa ad exercitum profectus, quem inter hiberna Romanorum jussus habebat, ne

ager, in altis hostibus, vastaretur. Is postquam, magnitudine facinoris percussus, ad tempus non venit, metusque rem impediēbat; Bomilcar simul cupidus incepta patrādi, et timore socii anxius, ne, omisso vetere consilio, novum quæreretur, litteras ad eum per homines fidelis mittit, « mollitiem secordiamque viri accusare, testari deos, per quos juravisset; præmia Metelli in pestem ne converteret; Jugurthæ exitium adesse; ceterum suāne, an virtute Metelli periret, id modò agitari: proindè reputaret cum animo suo, præmia, an cruciatum mallet. »

LXXI. SED cū hæ litteræ adlatæ, fortè Nabdalsa, exercito corpore fessus, in lecto quiescebat. Ubi, cognitis Bomilcaris verbis, primò cura, deindè, uti ægrum animum solet, somnus cepit. Erat ei Numida quidam negotiorum curator, fidus acceptusque, et omnium consiliorum, nisi novissumi, particeps. Qui postquam adlatas litteras audivit, ex consuetudine ratus operâ aut ingenio suo opus esse, in tabernaculum introivit; dormiente illo epistolam, super caput in pulvino temerè positam, sumit ac perlegit. Dein properè, cognitis insidiis, ad regem pergit. Nabdalsa, post paullò expectatus, ubi neque epistolam reperit, et rem omnem, uti acta, cognovit, primò indicem

persequi conatus; postquam id frustra fuit, Jugurtham placandi gratiâ accedit, dicit quæ ipse paravisset, perfidiâ clientis sui præventa: lacrumans obtestatur per amicitiam, perque suâ antea fideliter acta, ne super tali scelere suspectum sese haberet.

LXXII. Ad ea rex, aliter atque animo gerebat, placidè respondit. Bomilcare aliisque multis, quos socios insidiarum cognoverat, interfectis, iram oppresserat, ne qua ex eo negotio seditio oriretur. Neque post id locorum Jugurthæ dies, aut nox ulla quieta fuere; neque loco, neque mortali cuiquam, aut tempori satis erodere; civis, hostis juxta metuere; circumspectare omnia, et omni strepitu pavescere; alio atque alio loco sæpè, contra decus regium, noctu requiescere: interdum somno excitus, arreptis armis, tumultum facere. Ita formidine, quasi vecordia, exagitari.

LXXIII. Igitur Metellus, ubi de casu Bomilcaris et indicio patefacto ex perfugis cognovit, rursus, tanquam ad integrum bellum, cuncta parat festinatque. Marium, fatigantem de profectione, simul et invisum et offensum, sibi parum idoneum ratus, domum dimittit. Et Romæ plebes, litteris, quæ de Metello ac Mario missæ erant, cognitis, volenti animo de ambobus

acceperant. Imperatori nobilitas, quæ antea decori, invidiæ esse : at illi alteri generis humilitas favorem addiderat. Ceterum in utroque magis studia partium, quam bona aut mala sua, moderata. Prætereà seditiosi magistratus vulgum exagitare, Metellum omnibus concionibus capitis arcessere, Marii virtutem in majus celebrare. Deniquè plebes sic accensa, uti opifices agrestesque omnes, quorum res fidesque in manibus sitæ erant, relictis operibus, frequentarent Marium, et sua necessaria post illius honorem ducerent. Ita, percussâ nobilitate, post multas tempestates novo homini consulatus mandatur. Et postea populus à tribuno plebis Manilio Mancino rogatus, QUEM VELLE ET CUM JUGURTHÂ BELLUM GERERE? frequens Marium jussit. Senatus paullò antè Metollo decreverat : ea res frustrâ fuit.

LXXIV. EODEM tempore Jugurtha, amissis amicis, quorum plerosque ipse necaverat, ceteri formidine, pars ad Romanos, alii ad regem Bocchum profugerant; cùm neque bellum geri sine administris posset, et novorum fidem in tantâ perfidiâ veterum experiri periculosum duceret, varius incertusque agitabat; neque illi res, neque consilium, aut quisquam hominum satis placebat; itinera præfectosque in dies

mutare; modò advorsum hostes, interdum in solitudines pergere; sæpè in fugâ, ac post paullo spem in armis habere; dubitare, virtuti popularium, an fidei minùs crederet. Ita, quoeunque intenderat, res advorsæ erant. Sed inter eas moras repentè sese Metellus cum exercitu ostendit. Numidæ ab Jugurthâ pro tempore parati instructique : dein prælium incipitur. Quâ in parte rex adfuit, ibi aliquandiù certatum; ceteri omnes ejus milites primo concursu pulsifugatique. Romani signorum et armorum aliquanto numero, hostium paucorum potiti: nam fermè Numidas in omnibus præliis pedes magis, quàm arma tutata sunt.

LXXV. Eâ fugâ Jugurtha impensiùs modò rebus suis diffidens, cum perfugis et parte equitatus in solitudines, dein Thalam pervenit, in oppidum magnum et opulentum, ubi plerique thesauri, filiorumque ejus multus pueritiæ cultus erat. Quæ postquàm Metello comperta sunt, quanquam inter Thalam flumenque proximum, spatio millium quinquaginta, loca arida atque vasta esse cognoverat; tamen spe patrandi belli, si ejus oppidi potitus foret, omnis asperitates supervadere, ac naturam etiam vincere adgredditur.

Igitur omnia jumenta sarvinis levare jubet,

nisi frumento dierum decem; ceterum utres modò, et alia aquæ idonea portari. Præterea conquirat ex agris quàm plurimùm potest domiti pecoris; eoque imponit vasa cujusque modi, pleraque lignea, collecta ex tuguriis Numidarum. Ad hoc finitumis imperat, qui se post regis fugam Metello dederant, quàm plurimùm quisque aquæ portarent; diem locumque ubi præstò fuerint prædicit. Ipse ex flumine, quàm proxumam oppido aquam suprà diximus, jumenta onerat. Eo modo instructus ad Thalam proficiscitur. Deindè ubi ad id loci ventum, quò Numidis præceperat, et castra posita munitaque sunt; tanta repentè cœlo missa vis aquæ dicitur, ut ea modò exercitui satis superque foret. Præterea commeatus spe amplior: quia Numidæ, sicuti plerique in novâ deditione, officia intenderant. Ceterum milites religione pluviâ magis usi, eaque res multum animis eorum addidit; nam rati sese dîs immortalibus curæ esse. Deindè, postero die, contra opinionem Jugurthæ, ad Thalam perveniunt. Oppidani, qui se locorum asperitate munitos crediderant, magnâ atque insolitâ re pereulsi, nihilo segniùs bellum parare: idem nostri facere.

LXXVI. SED rex nihil jam infectum Metello credens, quippè qui omnia, arma, tela, locos,

tempora, denique naturam ipsam, ceteris imperitantem, industriâ vicerat; cum liberis et magnâ parte pecuniæ ex oppido noctu profugit: neque postea in ullo loco amplius unâ die aut unâ nocte moratus, simulabat sese negotii gratiâ properare. Ceterum prodicionem timebat, quam vitare posse celeritate putabat; nam talia consilia per otium et ex opportunitate capi.

At Metellus, ubi oppidanos prælio intentos, simul oppidum et operibus et loco munitum videt, vallo fossâque mœnia circumvenit. Deinde locis ex copiâ maxumè idoneis vineas agere, aggerem jacere, et super aggerem impositis turribus opus et administros tutari. Contra hæc oppidani festinare, parare: prorsus ab utrisque nihil reliquum fieri. Denique Romanî, multo antè labore præliisque fatigati, post dies quadraginta, quàm eò ventum erat, oppido modò potiti; præda omnis ab perfugis corrupta. Ii postquàm murum arietibus feriri, resque suâs afflictas vident, aurum atque argentum et alia quæ prima ducuntur, domum regiam comportant: ibi vino et epulis onerati, illaque, et domum, et semet igni corrumpunt; et quas victi ab hostibus poenâ metuerant, eas ipsi volentes perpendere.

LXXVII. Sed pariter cùm captâ Phala legati

ex oppido Lepti ad Metellum venerant, orantes, « uti præsidium præfectumque eò mitteret; Hamilcarem quemdam, hominem nobilem, factionosum, novis rebus studere; advorsum quem neque imperia magistratuum neque leges valerent: ni id festinaret, in summo periculo suam salutem, illorum socios fore. » Nam Leptitani jam indè à principio belli Jugurthini ad Bestiam consulem, et postea Romam miserant, amicitiam societatemque rogatum. Deindè, ubi ea impetrata, semper boni fidelesque mansere, et cuncta à Bestià, Albino Metelloque imperata navè fecerant. Itaque ab imperatore faciliè, quæ petebant, adepti. Emissæ eò cohortes Ligurum quatuor, et C. Annius præfectus.

LXXVIII. In oppidum ab Sidoniis conditum, quos accepimus profugos, ob discordias civilis, navibus in eos locos venisse: ceterum situm inter duas syrtis, quibus nomen ex re inditum. Nam duo sunt sinus propè in extremâ Africâ, impares magnitudine, pari naturâ: quorum proxuma terræ præalta sunt; cetera, uti fors tulit, alta; alia in tempestate vadosa. Nam ubi mare magnum esse, et sævire ventis cœpit, limum arenamque et saxa ingentia fluctus trahunt: ita facies locorum cum ventis simul mutatur. Ejus civitatis lingua modò conversa connubia

Numidarum; leges, cultusque, pleraque Sidonica. Quæ eò facilius retinebant, quòd procul ab imperio regis ætatem agébant. Inter illos et frequentem Numidiam multi vastique loci erant.

LXXIX. SED quoniam in has regiones per Leptitanorum negotia venimus, non indignum videtur egregium atque mirabile facinus duorum Carthaginiensium mœmorare. Eam rem locus admonuit.

Quâ tempestate Carthaginienses ploræque Africæ imperitabant, Cyrenenses quoque magni atque opulenti fuère. Ager in medio arenosus, unâ specie: neque flumen, neque mons erat, qui finis eorum discerneret; quæ res eos in magno diuturno bello inter se habuit. Postquam utrinquè legiones, item classes fuæ fugatæque, et alteri alteros aliquantum adtriverant; veritine mox victos victoresque defessos alius adgrederetur, per inducias sponsionem faciunt, « uti certo die legati domo proficiscerentur; quo in loco inter se obvii fuissent, is communis utriusque populi finis haberetur. » Igitur Carthagine duo fratres missi, quibus nomen Philænis erat, maturavère iter pergere: Cyrenenses tardiùs ière. Id secordiâne an casu acciderit, parùm cognovi. Ceterùm solet in illis locis tempestas haud secùs atque in mari retinere: nam ubi per

loca æqualia et nuda gignentium ventus coortus arenam humo excitavit, ea magnâ vi agitata, ora oculosque implere solet; ita prospectu impedito, morari iter. Postquàm Cyrenenses aliquantò posteriores se vident, et ob rem corruptam domi pœnas metuunt, criminari Carthaginienses ante tempus domo digressos, conturbare rem; deniquè omnia malle, quàm victi abire. Sed cùm Pœni aliam conditionem, tantummodò æquam, peterent, Græci optionem Carthaginiensium faciunt, « vel illi, quos finis populo suo peterent, ibi vivi obruerentur; vel eâdem conditione sese, quem in locum vellent, processuros. » Philæni, conditione probatâ, seque vitamque reipublicæ condonavère. Ita vivi obruti. Carthaginienses in eo loco Philænis fratribus aras consecravère; aliisque illis domi honores instituti. Nunc ad rem redeo.

LXXX. JUGURTHA postquàm, amissâ Thalâ, nihil satis firmum contra Metellum putat, per magnas solitudines cum paucis profectus, pervenit ad Gætulos, genus hominum ferum incultumque, et eo tempore ignarum nominis Romani. Eorum multitudinem in unum cogit: ac paulatim consuefacit ordines habere, signa sequi, imperium observare, item alia militaria facere. Prætereà regis Bocchi proximos magnis mune-

ribus et maioribus promissis ad studium sul-
perducit. Quis adiutoribus regem adgressus,
impellit uti adversum Romanos bellum susci-
piat. Id eâ gratiâ facilius proniusque fuit, quòd
Bocchus initio huiusce belli legatos Romam
miserat, foedus et amicitiam petitem. Quam
rem opportunissimam incepto bello pauci im-
pederant, cæci avaritiâ, quis omnia honesta
atque inhonesta vendere mos erat. Etiam antea
Jugurthæ filia Bocchi nupserat. Verum ea ne-
cessitudo apud Numidas Maurosque levis du-
citur: quòd singuli, pro opibus quisque, quàm
plurimas uxores, deas alii, alii plures habent;
sed reges eò amplius. Ita animus multitudine
distrahitur; nullam pro sociâ obtinet: pariter
omnes viles sunt.

LXXXI. Igitur in locum ambohus placitum
exercitus conveniunt. Ibi, fide datâ et acceptâ,
Jugurtha Bocchi animum oratione accendit:
« Romanos injustos, profundâ avaritiâ, com-
munis omnium hostis esse: eandem illos caus-
sam bellum cum Boccho habere, quam secum et
cum aliis gentibus, libidinem imperitandi; quis
omnia regna adversa sint; tùm sese, paullò
antè Carthaginienses, item regem Persen, pòst,
utì quisque opulentissimus videatur, ita Ro-
manis hostem fore. » His atque aliis talibus

dictis ad Cirtam oppidum iter constituunt : quòd ibi Metellus prædam captivosque et impedimenta locaverat. Ita Jugurtha ratus, aut, captâ urbe, operæ pretium fore; aut, si Romanus auxilio suis venisset, prælio sese certaturos. Nam callidus id modo festinabat, Bocchi pacem imminuere, ne, moras agitando, aliud quàm bellum mallet.

LXXXII. IMPERATOR, postquàm de regum societate cognovit, non temerè, neque, uti sæpè jam victo Jugurthâ cōsueverat, omnibus locis pugnandi copiam facit : ceterùm haud procul ab Cirtâ, castris munitis, reges opperitur; melius ratus, cognitis Mauris, quoniam is novus hostis accesserat, ex commodo pugnam facere. Interim Româ per litteras certior fit provinciam Numidiam Mariò datam; nam consulem factum jam antea acceperat. Quis rebus suprâ bonum atque honestum percussus, neque lærumas tenere, neque moderari linguam; vir egregius in aliis artibus, nimis molliter ægritudinem pati. Quam rem alii in superbiam vortebant; alii bonum ingenium contumeliâ accensum esse; multi, quòd jam parta victoria ex manibus eriperetur. Nobis satis cognitum, illum magis honore Marii, quàm injuriâ suâ excruciatum, neque tam anxie laturum fuisse,

si ademta provincia alii, quàm Mario, traderetur.

LXXXIII. Igitur eo dolore impeditus, et quia stultitiæ videbatur alienam rem periculo suo curare, legatos ad Bocchum mittit, postulat, « ne sine causâ hostis populo Romano fieret; habere eum magnam copiam societatis amicitiaeque conjungendæ, quæ potior bello esset; quanquam opibus confideret, non debere incerta pro certis mutare; omne bellum sumi facile, ceterum ægerrumè desinere; non in ejusdem potestate initium ejus et finem esse; incipere cuivis etiam ignavo licere, deponi cum victores velint. Proindè sibi regnoque consuleret; neu florentis res suas cum Jugurthæ perditis misceret. Ad ea rex satis placidè verba facit: « sese pacem cupere, sed Jugurthæ fortunarum misereri; si eadem illi copia fieret, omnia conventura. » Rursus imperator contra postulata Bocchi nuncios mittit. Ille probare, partim abnuere. Eo modo sæpè ab utroque missis remissisque nunciis tempus procedere, et, ex Metelli voluntate, bellum intactum trahi.

LXXXIV. At Marius, ut supra diximus, cupientissimâ plebe consul factus, postquam ei provinciam Numidiam populus jussit, antea jam infestus nobilitati, tàm verò multus atque

ferox instare; singulos modò, modò universos lædere; dictitare, « sese consulatum ex victis illis spolia cepisse »; alia prætereà magnifica pro se, et illis dolentia. Interim, quæ bello opus erant, prima habere; postulare legionibus supplementum; auxilia à populis et regibus sociisque arcessere; prætereà ex Latio fortissimum quemque, plerosque militiæ, paucos famâ cognitos accire, et ambiendo cogere homines emeritis stipendiis secum proficisci. Neque illi senatus, quanquam advorsus erat, de ullo negotio abnuere audebat; ceterum supplementum etiam lætus decreverat: quia neque plebi militia volenti putabatur, et Marius aut belli usum, aut studia volgi, amissurus. Sed ea res frustrà sperata: tanta lubido cum Mario eundi plerosque invaserat! Sese quisque prædâ locupletem, victorem domum rediturum, alia hujusmodi animis trahebant. Et eos non paullum oratione suâ Marius arrexerat: nam postquàm, omnibus, quæ postulaverat, decretis, milites scribere volt, hortandi caussâ simul, et nobilitatem, uti consueverat, exagitandi, concionem populi advocavit. Deindè hoc modo disseruit:

LXXXV. « Scio ego, Quirites, plerosque non isdem artibus imperium à vobis petere, et, postquàm adepti sunt, gerere: primò industrios,

supplicis, modicos esse; dehinc per ignaviam et superbiam ætatem agere. Sed mihi contra ea videtur. Nam quò universa respublica pluris est, quàm consulatus aut prætura, eò majore curâ administrari, quàm hæc peti debere. Neque mē fallit, quantum cum maximo beneficio vestro negotii sustineam. Bellum parare, simul et ærario parcere; cogere ad militiam quos notis offendere; domi forisque omnia curare; et ea agere inter invidos, occurrentis, factiosos, opinione, Quirites, asperius est.

« Ad hoc, alii si deliquere, vetus nobilitas, majorum facta fortia, cognatorum et adfinium opes, multæ clientelæ, omnia hæc præsidio adsunt; mihi spes omnes in memet sitæ, quas necesse est et virtute et innocentia tutari: nam alia infirma sunt. Et illud intellego, Quirites, omnium ora in me conversa esse; æquos bonosque favere, quippè benefacta mea reipublicæ procedunt; nobilitatem locum invadendi querere. Quò mihi acrius adnitendum est, ut neque vos capiamini, et illi frustrâ sint. Ita ad hoc ætatis à pueritiâ fui, ut omnis labores, pericula consuecta habeam. Quæ ante vestra beneficia gratuito faciebam, ea uti, acceptâ mercede, descam, non est consilium, Quirites. Illis difficile est in potestatibus temperare, qui per ambi-

tionem sese probos simulavère : mihi, qui omnem ætatem in optimis artibus egi, benefacere jam ex consuetudine in naturam vertit. Bellum me gerere cum Jugurthâ jussistis; quam rem nobilitas ægerrumè tulit. Quæso, reputate cum animis vestris, num id mutari melius sit, si quem ex illo globo nobilitatis ad hoc, aut aliud tale negotium mittatis, hominem veteris prosapiæ ac multarum imaginum, et nullius stipendii : scilicet ut in tantâ re, ignarus omnium, trepidet, festinet, sumat aliquem ex populo monitorem officii. Ita plerumquè evenit, ut quem vos imperare jussistis, is imperatorem alium quærat. Ac ego scio, Quirites, qui postquam consules facti sunt, acta majorum et Græcorum militaria præcepta legere cœperint; homines præposterî : nam gerere, quàm fieri, tempore posterius, re atque usu prius est.

« Comparete nunc, Quirites, cum illorum superbiâ me hominem novum. Quæ illi audire et legere solent eorum partim vidi, alia egomet gessi : quæ illi litteris, ego militando didici. Nunc vos existumate facta an dicta pluris sint. Contemnunt novitatem meam, ego illorum ignaviam; mihi fortuna, illis præbra objectantur. Quanquam ego naturam unam et communem omnium existumo, sed fortissimum quemque

generosissimum. Ac si jam ex patribus Albini aut Bestiæ quæri posset, mene, an illos ex se gigni maluerint; quid responsuros creditis, nisi, sese liberos quàm optimos voluisse? Quòd si jure me despiciunt, faciant idem majoribus suis, quibus, uti mihi, ex virtute nobilitas cœpit. Invident honori meo; ergo invideant et labori, innocentiae, periculis etiam meis, quoniam per hæc illum cepi. Verùm homines corrupti superbiâ ita ætatem agunt, quasi vestros honores contemnant; ita hos petunt, quasi honestè vixerint. Næ illi falsi sunt, qui divorsissimas res pariter expectant, ignaviæ voluptatem, et præmia virtutis. Atque etiam cùm apud vos aut in senatu verba faciunt, plerâque oratione majores suos extollunt; eorum fortia facta memorando clariores sese putant: quod contrâ. Nam quantùm vita illorum præclarior, tantò horum secordia flagitiosior. Et profectò ita se res habet: majorum gloria posteris lumen est, neque bona neque mala in occulto patitur.

« Hujusce rei ego inopiam patior, Quirites; verùm id quod multò præclarior est, meamet facta dicere licet. Nunc videte quàm iniqui sint. Quod ex alienâ virtute sibi adrogant, id mihi ex meâ non concedunt; scilicet, quia imagines non habeo, et quia mihi nova nobilitas

est, quam certè peperisse melius est, quàm acceptam corrupisse. Equidem ego non ignoro, si jam respondere velint, abundè illis facundam et compositam orationem fore. Sed in maximo vestro beneficio, cùm omnibus locis me vosque maledictis lacerent, non placuit reticere, ne quis modestiam in conscientiam duceret. Nam me quidem, ex animi sententiâ, nulla oratio lædere potest. Quippè vera necesse est bonè prædicet; falsam vita moresque mei superant. Sed quoniam vestra consilia accusantur, qui mihi summum honorem et maximum negotium imposuistis: etiam atque etiam reputate num id poenitendum sit. Non possum fidei causâ imagines, neque triumphos, aut consulatus majorum meorum ostentare; at, si res postulet, hastas, vexillum, phaleras, alia militaria dona, præterea cicatrices advorso corpore. Hæ sunt meæ imagines; hæc nobilitas, non hæreditate relicta, ut illa illis, sed quæ ego plurimis laboribus et periculis quæsivi.

« Non sunt composita verba mea; parùm id facio; ipsa se virtus satis ostendit: illis artificio opus est, uti turpia facta oratione tegant. Neque litteras Græcas didici; parùm placebat cas discere, quippè quæ ad virtutem doctoribus nihil profuerunt. At illa multò optima reipublicæ

doctus sum; hostem ferire, præsidia agitare; nihil metuere, nisi turpem famam; hiemem et æstatem juxta pati; humi requiescere; eodem tempore inopiam et laborem tolerare. His ego præceptis milites hortabor; neque illos arcte colam, me opulenter; neque gloriam meam laborem illorum faciam. Hoc est utile, hoc civile imperium. Namque, cum tute per molliem agas, exercitum supplicio cogere, id est dominum, non imperatorem esse. Hæc atque talia majores vestri faciundo seque remque publicam celebravere.

« Quis nobilitas freta, ipsa dissimilis moribus, nos illorum æmulos contemnit; et omnīs honores non ex merito, sed quasi debitos, à vobis repetit. Ceterum homines superbissimi procul errant. Majores eorum omnia, quæ licebat, illis reliquere, divitias, imagines, memoriam suam præclaram: virtutem non reliquere, neque poterant: ea sola neque datur dono, neque accipitur. Sordidum me et incultis moribus aiunt; quia parum scite convivium exorno, neque histrionem ullum, neque pluris pretii coquum, quam villicum, habeo. Quæ mihi lubet confiteri: nam ex parente meo, et ex sanctis viris ita accepi, munditias mulieribus, viris laborem convenire; omnibusque bonis oportere plus gloriæ, quam

divitiarum; arma, non supellectilem decori esse. Quin ergo quod juvat, quod carum aestumant, id semper faciant; ament, potent; ubi adolescentiam habuere, ibi senectutem agant, in conviviis, dediti ventri et turpissimæ parti corporis; sudorem, pulverem, et alia talia relinquunt nobis, quibus illa epulis jucundiora sunt. Verum non est ita; nam ubi se omnibus flagitiis decorare turpissimi viri, bonorum præmia ereptum eunt. Ita injustissimè luxuria et ignavia, pessumæ artes, illis, qui colere eas, nihil obficiunt; reipublicæ innoxie cladi sunt.

« Nunc quoniam illis, quantum mores mei, non illorum flagitia, poscebant, respondi; pauca de republica loquar. Primum omnium de Numidiâ bonum habetote animum, Quirites; nam quæ ad hoc tempus Jugurtham tutata sunt, omnia removistis, avaritiam, imperitiam, superbiam. Deindè exercitus ibi est locorum sciens; sed meherculè magis strenuus, quam felix: nam magna pars avaritiâ aut temeritate ducum adtrita est. Quamobrem vos, quibus militaris ætas, adnitimini mecum et capessite rempublicam: neque quemquam ex calamitate aliorum, aut imperatorum superbiâ, metus ceperit. Egomet in agmine, in prælio consultor idem, et socius periculi vobiscum adero; meque

vosque in omnibus rebus juxta geram. Et profecto, diis juvantibus, omnia matura sunt, victoria, præda, laus; quæ si dubia aut procul essent, tamen omnis bonos reipublicæ subvenire decebat. Etenim ignaviâ nemo immortalis factus: neque quisquam parens liberis, uti æterni forent, optavit; magis, uti boni honestique vitam exigerent. Plura dicerem, Quirites, si timidis virtutem verba adderent; nam strenuis abundè dictum puto. »

LXXXVI. HJUSCEMODI oratione habitâ, Marius postquàm plebis animos arrectos videt, properè commeatu, stipendio, armis, aliis utilibus navis onerat; cum his A. Manlius legatum proficisci jubet. Ipse interea milites scribere non more majorum, neque ex classibus, sed uti cujusque lubido erat, capite censos plerosque. Id factum alii inopiâ bonorum, alii per ambitionem consulis memorabant; quòd ab eo genere celebratus auctusque erat, et homini potentiam quærenti egentissimus quisque opportunissimus: cui neque sua curæ, quippè quæ nulla sunt, et omnia cum pretio honesta videntur. Igitur Marius cum majore aliquanto numero, quàm decretum erat, in Africam profectus, diebus paucis Uticam advehitur. Exercitus ei traditur à P. Rutilio legato; nam Metellus

conspectum Marii fugerat, ne videret ea quæ audita animus tolerare nequiverat.

LXXXVII. SED consul, expletis legionibus cohortibusque auxiliariis, in agrum fertilem et prædâ onustum proficiscitur. Omnia ibi capta militibus donat. Dein castella et oppida naturâ et viris parùm munita adgreditur; prælia multa, ceterùm alia levia aliis locis facere. Interim novi milites sine metu pugnæ adesse; videre fugientis capi, occidi; fortissimum quemque tutissimum; armis libertatem, patriam parentesque et alia omnia tegi; gloriam atque divitias quæri. Sic brevi spatio novi veteresque coaluère, et virtus omnium æqualis facta. At reges, ubi de adventu Marii cognoverunt, divorsi in locos difficilis abeunt. Ita Jugurthæ placuerat, speranti, mox effusos hostis invadi posse; Romanos, sicuti plerosque, remoto metu, laxius licentiusque futuros.

LXXXVIII. METELLUS intereà Romam profectus, contra spem suam, læissimis animis excipitur; plebi patribusque, postquam invidia decesserat, juxta carus. Sed Marius impigrè prudenterque suorum et hostium res pariter attendere; cognoscere quid boni utrisque, aut contra esset; explorare itinera regum; consilia et insidias antevenire; nihil apud se remissum,

neque apud illos tutum pati. Itaque et Gætulos, et Jugurtham, ex sociis nostris prædam agentes, sæpè adgressus itinere fuderat, ipsumque regem haud procul ab oppido Cirtâ armis exuerat. Quæ postquàm gloriosa modò, neque belli patrandi cognovit, statuit urbîs, quæ viris aut loco pro hostibus, et advorsum se, opportunissimæ erant, singulas circumvenire; ita Jugurtham aut præsidiis nudatum, si ea pateretur, aut prælio certaturum. Nam Bocchus nuncios ad eum sæpè miserat, « velie populi Romani amicitiam, ne quid ab se hostile timeret. » Id simulaveritne, quò improvisas gravius accideret, an mobilitate ingenii pacem atque bellum mutare solitus, parùm exploratum.

LXXXIX. Sed consul, uti statuerat, oppida castellaque munita adire; partim vi, alia metu, aut præmia ostentando, avortere ab hostibus. Ac primò mediocria gerebat, existumans Jugurtham ob suos tutandos in manus venturum: sed ubi procul abesse, et aliis negotiis intentum accepit, majora et aspera adgredi tempus visum. Erat inter ingentis solitudines oppidum magnum atque valens, nomine Capsa, cujus conditor Hercules Libys memorabatur. Ejus cives apud Jugurtham immunes, levi imperio, et ob ea fidelissimi habebantur; muniti advorsum hostis

non mœnibus modò, et armis atque viris, multò magis locorum asperitate: nam, præter oppida propinqua, alia omnia vasta, inculta, egentia aquæ, infesta serpentibus, quarum vis, sicuti omnium ferarum, inopiâ cibi acrior. Ad hoc natura serpentium ipsa perniciosa, siti magis, quàm aliâ re, accenditur.

Ejus potiundi Marium maxuma cupido invaserat, cum propter usum belli, tum quia res aspera videbatur; et Metellus oppidum Thalam magnâ gloriâ ceperat, haud dissimiliter situm munitumque, nisi quòd apud Thalam haud longè à mœnibus aliquot fontes erant; Capsenses unà modò, atque eâ intra oppidum, jugi aquâ, ceterà pluvîâ utebantur. Id ibique, et in omni Africâ, qui procul à mari incultius agebant, eò faciliùs tolerabatur, quia Numidæ plerumquè lacte et ferinâ carne vescebantur, neque salem, neque alia irritamenta gulæ quærebant: cibus illis advorsum famem atque sitim, non libidini, neque luxuriæ erat.

XC. Igitur consul, omnibus exploratis, credo, dîs fretus; nam contra tantas difficultates consilio satis providere non poterat: quippè etiam frumenti inopiâ tentabatur, quòd Numidæ pabulo pecoris magis quàm arvo student, et quodcunque natum fuerat, jussu regis in loca

munita contulerant; ager autem aridus et frugum vacuus eâ tempestate, nam æstatis extremum erat: tamen pro rei copiâ satis providenter exornat; pecus omne, quod superioribus diebus prædæ fuerat, equitibus auxiliariis agendum adtribuit; A. Manlium legatum cum cohortibus expeditis ad oppidum Laris, ubi stipendium et commeatum locaverat, ire jubet, se prædabundum post paucos dies eodem venturum. Sic incepto suo occulto pergit ad flumen Tanam.

XCI. CETERUM in itinere quotidie pecus exercitui per centurias, item turmas, æqualiter distribuerat, et ex coriis utres uti fierent curabat: simul et inopiam frumenti lenire, et, ignaris omnibus, parare quæ mox usui forent. Denique sexto die, cum ad flumen ventum est, maxima vis utrius effecta. Ibi castris levi munimento positis, milites cibum capere, atque, uti simul cum occasu solis egrederentur, paratos esse jubet; omnibus sarcinis abjectis, aquâ modò seque et jumenta onerare. Dein, postquam tempus visum, castris egreditur, noctemque totam itinere facto, consedit: idem proxumâ facit: dein tertiâ, multò ante lucis adventum, pervenit in locum tumultuosum, ab Capsâ non ampliùs duàm millium intervallo; ibique, quàm occultissimè potest, cum omnibus copiis op-

peritur. Sed ubi dies cœpit, et Numidæ, nihil hostile metuentes, multi oppido egressi; repenti omnem equitatum, et cum his velocissimos pedites cursu tendere ad Capsam, et portas obsidere jubet: deinde ipse intentus properè sequi, neque milites prædari sinere. Quæ postquam oppidani cognovère, res trepidæ, metus iugens, malum improvisum, ad hoc pars civium extra mœnia in hostium potestate, coegère uti deditiōnem facerent. Ceterum oppidum incensum; Numidæ puberes interfecti; alii omnes venum dati; præda militibus divisa. Id facinus contra jus belli, non avaritiâ, neque scolare consulis admissum; sed quia locus Jugurthæ opportunus, nobis aditu difficilis; genus hominum mobile, infidum, neque beneficio neque metu coercitum.

XCII. POSTQUAM tantam rem Marius, sine ullo suorum incommodo, patravit, magnus et clarus antea, major et clarior haberi cœpit. Omnia non benè consulta in virtutem trahebantur; milites modesto imperio habiti, simul et locupletes, ad cœlum ferre; Numidæ magis quam mortalem timere; postremo omnes socii atque hostes credere illi aut mentem divinam, aut deorum nutu cuncta portendi. Sed consul, ubi ea res benè evenit, ad alia oppida pergit:

pauca, repugnantibus Numidis, capit; plura deserta, propter Capsensium miserias, igni corrumpit; luctu atque cæde omnia compleantur.

Deniquè multis locis potitus, ac plerisque exercitu incruento, ad aliam rem adgreditur, non eadem asperitate quâ Capsensium, ceterum haud secus difficilem. Namque haud longè à flumine Muluchâ, quod Jugurthæ Bocchique regnum disjungebat, erat inter ceteram planitiem mons saxeus, mediocri castello satis patens, in immensum editus, uno perangusto aditu relicto; nam omnis naturâ, velut opere atque consulto, præceps. Quem locum Marius, quod ibi regis thesauri erant, summâ vi capere intendit; sed ea res fortè, quam consilio, melius gesta. Nam castello virorum atque armorum satis, magna vis frumenti et fons aquæ: aggeribus turribusque et aliis machinationibus locus importunus: iter castellanorum angustum admodum, utrinque præcisum. Vineæ cum ingenti periculo frustra agebantur: nam cum eæ parvulum processerant, igni aut lapidibus corrumpebantur; milites neque pro opere consistere, propter iniquitatem loci, neque inter vineas sine periculo administrare; optumus quisque cadere, aut sauciari; ceteris metus augeri.

XCIII. At Marius, multis diebus et laboribus

consumtis, auxius trahere cum animo, omittetne inceptum, quoniam frustrà erat; an fortunam opperiretur, quâ sæpè prosperè usus. Quæ cùm multos dies, noctes, æstuans agigaret, fortè quidam Ligus, ex cohortibus auxiliariis miles gregarius, castris aquatum egressus, haud procul ab latere castelli, quod adversum præliantibus erat, animum advortit inter saxa repentis cochleas, quarum cum unam atque alteram, dein plures peteret, studia legundi, paullatim propè ad summum montis egressus est. Ubi postquàm solitudinem intellexit, more humani ingenii, cupido ignara visundi invadit. Et fortè in eo loco grandis ilex coaluerat inter saxa, paullulùm modò prona, dein flexa atque aucta in altitudinem, quò cuncta gignentium natura fert; cujus ramis modò, modò eminentibus saxis nisus Ligus, castelli planitiem perscribit, quòd cuncti Numidæ intenti præliantibus aderant.

Exploratis omnibus, quæ mox usui fore ducebat, eadem regreditur, non temerè, uti ascenderat, sed tentans omnia et circumspiciens. Itaque Marius properè adit; acta edocet, hortatur, ab eâ parte, quâ ipse descenderat, castellum tentet; pollicetur sese itineris periculique ducem. Marius cum Ligure, promissa

cognitum, ex præsentibus misit; quorum, uti cuiusque ingenium erat, ita rem difficilem aut facilem nunciavêre. Consulis animus tamen paullum arrectus. Itaque ex copiâ tubicinum, et cornicinum, numero quinque quàm velocissimos delegit, et cum his, præsidio qui forent, quatuor centuriones: omnîs Liguri parere jubet, et ei negotio proximum diem constituit.

XCIV. SED ubi ex præcepto tempus visum, paratis compositisque omnibus ad locum pergit. Ceterum illi qui centuriis præerant, prædocti ab duce, arma ornatumque mutaverant, capite atque pedibus nudis, uti prospectus nisusque per saxa facilius foret; super terga gladii et scuta; verum ea Numidica ex coriis, ponderis gratiâ simul, et offensa quò leviùs streperent. Igitur prægrediens Ligus saxa, et si quæ vetustate radices eminebant, laqueis vinciebat, quibus adlevati facilius ascenderent. Interdum timidos insolentiâ itineris levare manu: ubi paullò asperior adscensus, singulos præ se inermos mittere; deindè ipse cum illorum armis sequi: quæ dubia nisu videbantur potissimum tentare, ac sæpius eâdem adscendens descendensque, dein statim digrediens, ceteris audaciam addere.

Igitur diù multumque fatigati, tandem in

castellum perveniunt, desertum ab eâ parte; quòd omnes, sicuti aliis diebus, advorsum hostis aderant. Marius, ubi ex nunciis, quæ Ligus egerat, cognovit, quanquam toto die intentos prælio Numidæ habuerat, tùm verò cohortatus milites et ipse extra vineas egressus, testudine actâ succedere, et simul hostem tormentis sagittariisque et funditoribus eminùs terrere.

At Numidæ sæpè antea vincis Romanorum subvorsis, item incensis, non castelli mœnibus sese tutabantur; sed pro muro dies noctesque agitare; maledicere Romanis, ac Mario vecordiam objectare; militibus nostris Jugurthæ servitium minari; secundis rebus feroces esse. Interim omnibus Romanis hostibusque prælio intentis, magnâ utrinquè vi, pro gloriâ atque imperio his, illis pro salute certantibus, repente à tergo signa canere; ac primò mulieres et pueri, qui visum processerant, fugere; deindè, uti quisque muro proximus erat, postremò cuncti armati inermesque. Quod ubi accidit, eò acriùs Romani instare, fundere, ac plerosque tantummodò sauciare, dein super occisorum corpora vadere, avidi gloriæ certantes murum petere, neque quemquam omnium præda morari. Sic fortè correcta Marii temeritas gloriam ex culpâ invenit.

XCV. CETERUM, dùm ea res geritur, L. Sulla, quæstor, cum magno equitatu in castra venit, qui, uti ex Latio et à sociis exercitum cogeret, Romæ relictus erat. Sed, quoniam tanti viri res admonuit, idoneum visum est de naturâ cultuque ejus paucis dicere. Neque enim alio loco de Sullæ rebus dicturi sumus: et L. Sisenna optumè et diligentissumè omnium, qui eas res dixere, persecutus, parùm mihi libero ore locutus videtur. Igitur Sulla gentis patriciæ, familiâ propè jam extinctâ majorum ignaviâ, litteris Græcis atque Latinis juxtâ atque doctissumè eruditus, animo ingenti, cupidus voluptatum, sed gloriæ cupidior; otio luxurioso; tamen ab negotiis nunquàm voluptas remorata, nisi quòd de uxore potuit honestiùs consuli: facundus, callidus, et amicitia facilis; ad simulanda negotia altitudo ingenii incredibilis; multarum rerum, ac maxumè pecuniæ largitor: atque felicissimo omnium ante civilem victoriam, nunquàm super industriam fortuna fuit; multique dubitavere fortior an felicior esset. Nam postea quæ fecerit, incertum habeo, pudeat magis, an pigeat disserere.

XCVI. Igitur Sulla, ut suprâ dictum, postquam in Africam atque in castra Marii cum equitatu venit, rudis antea et ignarus belli,

sollertissimus omnium in paucis tempestatibus factus est. Ad hoc milites benigne adpellare; multis rogantibus, aliis per se ipse dare beneficia; invitus accipere; sed ea properantiùs quàm æs mutuum reddere: ipse ab nullo repetere; magis id laborare, ut illi quàm plurimi deberent; joca atque seria cum humillimis agere; in operibus, in agmine atque ad vigilias multus adesse; neque interim, quod prava ambitio solet, consulis aut cujusquam boni famam lædere; tantummodò neque consilio, neque manu priorem alium pati; plerosque antevenire. Quis rebus et artibus brevi Mario militibusque carissimus factus.

XCVII. At Jugurtha, postquàm oppidum Capsam aliosque locos munitos et sibi utilis, simul et magnam pecuniam amiserat, ad Bocchum nuncios mittit, « quàm primùm in Numidiam copias adduceret; prælii faciundi tempus adesse. » Quem ubi cunctari accepit, dubium belli atque pacis rationes trahere: rursum, uti antea, proximos donis corrumpit, ipsique Mauro pollicetur Numidiæ partem tertiam, si aut Romani Africâ expulsi, aut, integris suis sinibus, bellum compositum foret.

Eo præmio illectus Bocchus, cum magnâ multitudine Jugurtham accedit. Ita amborum

exercitu conjuncto, Marium jam in hiberna proficiscentem, vix decimâ parte die reliquâ invadunt: rati noctem, quæ jam aderat, victis sibi munimento fore; et, si vicissent, nullo impedimento, quia locorum scientes erant: contrâ Romanis utrumque casum in tenebris difficiliorem. Igitur simul consul ex multis de hostium adventu cognovit, et ipsi hostes aderant, et prius quàm exercitus aut instrui, aut sarcinas colligere, deniquè antè quàm signum aut imperium ullum accipere quivit, equites Mauri atque Gætuli, non acie, neque ullo more prælii, sed catervatim, uti quosque fors conglobaverat, in nostros concurrunt.

Qui omnes trepidi improvise metu, ac tamen virtutis memores, aut arma capiebant, aut capientis alios ab hostibus defensabant; pars equos ascendere, obviam ire hostibus; pugna latrocinio magis quàm prælio similis fieri; sine signis, sine ordinibus equites, pedites permixti; cædere alios, alios obtruncare; multos, contra advorsos acerrumè pugnantis, ab tergo circumvenire: neque virtus, neque arma satis tegere; quòd hostes numero plures et undiquè circumfusi. Deniquè Romani veteres, novique, et ob eas scientes belli, si quos locus aut casus conjunxerat, orbes facere: atque ita ab omnibus partibus

simul tecti et instructi hostium vim sustentabant.

XCVIII. NEQUE in eo tam aspero negotio territus Marius, aut magis quàm antea demisso animo fuit; sed cum turmâ suâ, quam ex fortissimis magis quàm familiarissimis paraverat, vagari passim; ac modò laborantibus suis succurrere; modò hostis, ubi confertissimi obstiterant, invadere : manu consulere militibus, quoniam imperare, conturbatis omnibus, non poterat. Jamque dies consumtus erat, cùm tamen barbari nihil remittere; atque, uti reges præceperant, noctem pro se rati, acrius instare. Tùm Marius ex copiâ rerum consilium trahit, atque, uti suis receptui locus esset, collis duos propinquos inter se occupat. Quorum in uno, castris parum amplo, fons aquæ magnus erat; alter usui opportunus, quia magnâ parte editus et præceps pauca munimento quærebat. Ceterùm apud aquam Sullam cum equitibus noctem agitare jubet. Ipse paullatim dispersos milites, neque minùs hostibus conturbatis, in unum contrahit; dein cunctos pleno gradu in collem subducit.

Ita reges, loci difficultate coacti, prælio deterrentur. Neque tamen suos longius abire sinunt, sed, utroque colle multitudine circumdato, effusi consedere. Dein crebris ignibus factis, plerumque noctis barbari suo more hæ-

tari, exsultare, strepere vocibus : ipsi duces feroces, quia non fugerent, pro victoribus agere. Sed ea cuncta Romanis ex tenebris et editioribus locis facilia visu magnoque hortamento erant.

XCIX. PLURIMUM verò Marius imperitiâ hostium confirmatus, quàm maxumum silentium haberi jubet; ne signa quidem, uti per vigilias solebant, canere; deindè ubi lux adventabat, defessis jam hostibus et paullò antè somno captis, de improvise vigilēs, item cohortium, turmarum, legionum tubicines simul omnīs signa canere, milites clamorem tollere atque portis erumpere. Mauri atque Gætuli ignoto et horribili sonitu repentè exciti, neque fugere, neque arma capere, neque omninò facere aut providere quidquam poterant. Ita cunctos strepitu, clamore, nullo subveniente, nostris instantibus, tumultu, terrore, formido, quasi vecordia, cœperat. Deniquè omnes fusi fugatique. Arma et signa militaria pleraque capta; pluresque eo prælio, quàm omnibus superioribus interemti: nam somno et metu insolito impedita fuga.

C. DEIN Marius, uti cœperat, in hiberna proficiscitur; quæ, propter commeatum, in oppidiis maritumis agere decreverat. Neque tamen secors victoriâ, aut insolens factus; sed pariter ac in conspectu hostium, quadrato agmine incedere,

Sulla cum equitatu apud dextumos, in sinistrâ A. Manlius cum funditoribus et sagittariis, præterea cohortes Ligurum curabat; primos et extremos cum expeditis manipulis tribunos locaverat. Perfugæ, minime cari, et regionum scientissimi, hostium iter explorabant: simul consul, quasi nullo imposito, omnia providere, apud omnis adesse; laudare, increpare merentis. Ipse armatus intentusque, item milites cogebat, neque secus, atque iter facere, castra munire; ex cubitum in portas cohortis ex legionibus, pro castris equites auxilios mittere. Præterea alios super vallum in munimentis locare, vigilias ipse circumire, non tam diffidentiam futuri, quæ imperavisset, quam uti militibus exæquatus cum imperatore labos volentibus easset. Et sanè Marius illo et aliis temporibus belli pudore magis quam malo exercitum coarcebat: quod multi per ambitionem fieri aiebant; pars quod à pueritiâ consuetam duritiam, et alia quæ ceteri miserias vocant, voluptati habuisset. Nisi tamen res publica pariter, ac sævissimo imperio, bene atque decorè gesta.

CL. Igitur quarto denique die, haud longè ab oppido Cirtâ undique simul speculatores citi sese ostendunt; quare hostis adesse intellegitur. Sed quia divorsi redeuntes, alius ab aliâ parte,

atque omnes idem significabant, consul incertus quonam modo aciem instrueret, nullo ordine commutato, advorsum omnia paratus, ibidem opperitur. Ita Jugurtham spes frustrata, qui copias in quatuor partis distribuerat, ratus ex omnibus æquè aliquos ab tergo hostibus venturos.

Interim Sulla, quem primum adtigerant, cohortatus suos, turmatim et quàm maxumè confertis equis ipse aliique Mauros invadunt: ceteri in loco manentes ab jaculis eminus emissis corpora tegere, et, si qui in manus venerant, obtruncare. Dùm eo modo equites præliantur, Bocchus cum peditibus, quos Volux filius ejus adduxerat, neque in priore pugnâ, in itinere morati, adfuerant, postremam Romanorum aciem invadunt. Tùm Marius apud primos agebat, quòd ibi Jugurtha cum plurimis erat. Dein Numida, cognito Bocchi adventu, clam cum paucis ad pedites convortit: ibi latine (nam apud Numantiam loqui didicerat) exclamat: « nostros frustrâ pugnare; paulò antè Marium suâ manu interfectum »; simul gladium sanguine oblitum ostendere, quem in pugnâ, satis impigè occiso pedite nostro, cruentaverat. Quod ubi milites accepère, magis atrocitate rei, quàm fide nuncii terrentur: simulque barbari animos tollere et in percussos acriùs incedere. Jamque paullùm ab fugâ aberant, cùm

Sulla, profligatis quos adversum ierat, Mauris ab latere incurrit. Bocchus statim avortitur.

At Jugurtha, dum sustentare suos et propè jam adeptam victoriam retinere cupit, circumventus ab equitibus, dextrâ, sinistrâ omnibus occisis, solus inter tela hostium vitabundus erumpit. Atque interim Marius, fugatis equitibus, occurrit auxilio suis, quos pelli jam acceperat. Deniquè hostes undiquè fusi. Tum spectaculum horribile campis patentibus: sequi, fugere; occidi, capi; equi, viri adflicti; ac multi, vulneribus acceptis, neque fugere posse, neque quietem pati; niti modò, ac statim concidere: postremò omnia, quà visus erat, contrata telis, armis, cadaveribus; et intereà humus infecta sanguine.

CII. POSTEÀ loci consul, haud dubiè jam victor, pervenit in oppidum Cirtam, quò initio profectus intenderat. Eò post diem quintum, quàm iterum barbari malè pugnauerant, legati à Boccho veniunt, qui, regis verbis ab Mario petivèrunt, «duc quàm fidissimos ad eum mitteret; velle de se, et de populi Romani commodo, cum is disserere.» Ille statim L. Sullam et A. Manlium ire jubet. Qui quanquam acciti ibant, tamen placuit verba apud regem facere; ingenium aut avorsum uti flecterent, aut cupidum pacis vehementius accenderent. Itaque Sulla,

cujus facundiæ, non ætati, à Manlio concessum, pauca verba hujusmodi locutus :

« Rex Bocche, magna nobis lætitia, cùm te talem virum dī monuere, utī aliquandō pacem quā bellum malles; neu te optimum cum pessimo omnium Jugurthā miscendo commaculares; simul nobis demeres acerbam necessitudinem, pariter te errantem et illum sceleratissimum persequi. Ad hoc, populo Romano jam inopi melius visum amicos quā servos quærere; tutius rati volentibus quā coactis imperitare. Tibi verò nulla opportunior nostrā amicitia: primum, quod procul absumus, in quo offensæ minimum, gratia par ac si propè adessenus; dein, quod parentes abundè habemus, amicorum neque nobis, neque cuiquam omnium, satis. Atque hoc utinā à principio tibi placuisset! profectò ex populo Romano multò plura bona accepisses, quā mala perpessus es. Sed quoniam humanarum rerum fortuna pleraque regit, cui scilicet placuit te et vim et gratiam nostram experiri: nunc, quandò per illam licet, festina, atque, ut cœpisti, perge. Multa atque opportuna habes, quò faciliùs errata officiis superes. Postremò hoc in pectus tuum demitte, nunquā populum Romanum beneficiis victum: nam bello quid valeat tute scis. »

Ad ea Bocchus placidè et benignè; simul

pauca pro delicto verba facit : « Se non hóstili animo , sed regnum tutatum , arma cepisse ; nam Numidiæ partem , undè vi Jugurtham expulerit , jure belli suam factam , eam vastari ab Mario pati-nequivisse : prætereà , missis antea Romam legatis , repulsum ab amicitia. Ceterum vetera omittere , ac tùm , si per Marium liceret , legatos ad senatum missurum. » Dein , copia facta , animus barbari ab amicis flexus , quos Jugurtha , cognita legatione Sullæ et Manlii , metuens id quod parabatur , donis corruperat.

CIII. MARIUS interea , exercitu in hibernis composito , cum expeditis cohortibus et parte equitatus proficiscitur in loca sola , obsessum turrim regiam , quò Jugurtha perfugas omnis præsidium imposuerat. Tùm rursus Bocchus , seu reputando quæ sibi duobus præliis venerant , seu admonitus ab amicis , quos incorruptos Jugurtha reliquerat , ex quævis copia necessariorum quinque delegit , quorum et fides cognita , et ingenia validissima erant. Eos ad Marium , ac dein , si placeat , Romam legatos ire jubet ; agendarum rerum , et quocunque modo belli componendi licentiam permittit.

Illi maturè ad hiberna Romanorum proficiscuntur : deinde in itinere à Gætulis latronibus circumventi spoliatique , pavidi , sinè decore ad

Sullam perfūgiunt; quem consul in expeditionem proficiscens pro prætore reliquerat. Eos ille non pro vanis hostibus, ut meriti erant, sed adcuratè ac liberaliter habuit. Quà re barbari et famam Romanorum avaritiæ falsam, et Sullam, ob munificentiam in sese, amicū rati. Nam etiam tum largitio multis ignota erat; munificus nemo putabatur, nisi pariter volens; dona omnia in benignitate habebantur. Igitur quæstori mandata Bocchi patefaciunt; simul ab eo petunt, uti fautor consultorque sibi adsit: copias, fidem, magnitudinem regis sui, et alia quæ aut utilia, aut benevolentiae credebant, oratione extollunt: dein, Sullā omnia pollicito, docti quo modo apud Mariū, item apud senatū verba facerent, circiter dies XL ibidem opperiuntur.

CIV. MARIUS, postquā infecto quò intenderat negotio, Cirtam redit; de adventu legatorum certior factus, illosque et Sullam venire jubet, item L. Bellienum prætorem Uticā, præterea omnis undiquè senatorii ordinis, quibuscum mandata Bocchi cognoscit. Legatis potestas eundi Romam fit ab consule: interea induciæ postulabantur. Ea Sullæ et plerisque placuere: pauci ferocius decernunt, scilicet ignari humanarum rerum, quæ fluxæ et mobiles semper in advorsa mutant. Ceterū Mauri, imperitatis omnibus rebus, tres Romam profecti cum Cn.

Octavio Rufo, qui quæstor stipendium in Africam portaverat : duo ad regem redeunt. Ex his Bocchus cùm cetera, tùm maxumè benignitatem et studium Sullæ lubens accepit. Romæ legati ejus, postquàm errasse regem et Jugurthæ scelere lapsum deprecati sunt, amicitiam et fœdus petentibus hoc modo respondetur :

« Senatus et populus Romanus beneficii et injuriæ memor esse solet. Ceterùm Boccho, quoniam pœnitet, delicti gratiam facit. Fœdus et amicitia dabuntur cùm meruerit. »

CV. Quis rebus cognitis, Bocchus per litteras à Mario petivit uti Sullam ad se mitteret, cujus arbitratu de communibus negotiis consuleretur. Is missus cum præsidio equitum atque peditum, funditorum Balearium; præterea sagittarii et cohors Peligna cum velitaribus armis, itineris properandi caussâ; neque his secus, atque aliis armis, advorsum tela hostium, quod ea levia sunt, muniit. Sed itinere, quinto deniquè die, Volux, filius Bocchi, repentè in campis patentibus cum mille non amplius equitibus sese ostendit; qui temerè et effusè euntes, Sullæ aliisque omnibus et numerum ampliorem vèro, et hostilem metum efficiebant. Igitur sese quisque expedire, arma atque tela tentare, intendere; timor aliquantus, sed spes amplior, quippè victoribus, et advorsum eos quos sæpè vicerant.

Interim, equites exploratum præmissi rem, uti erat, quietam nunciant.

CVI. VOLUX adveniens quæstorem adpellat, « se à patre Boccho obviam illis, simul et præsidio missum. » Deinde eum et proximum diem sine metu conjuncti eunt. Post, ubi castra locata, et die vesper erat, repente Maurus incerto voltu ad Sullam adcurrit : « sibi ex speculatoribus cognitum Jugurtham haud procul abesse » : simul, uti noctu clam secum profugeret, rogat atque hortatur.

Ille animo feroci negat « se toties fusum Numidam pertimescere : virtuti suorum satis credere; etiam si certa pestis adesset, mansurum potius quam, proditis quos ducebat, turpi fugâ incertæ ac forsitan post paullò morbo interituræ vitæ parceret. » Ceterum ab eodem monitus, uti noctu proficiscerentur, consilium adprobat, ac statim milites cœnatos esse, in castris ignis quam creberrimos fieri, dein primâ vigiliâ silentio egredi jubet. Jamque nocturno itinere fessis omnibus, Sulla pariter cum ortu solis castra metabatur, cum equites Mauri nunciant Jugurtham circiter duum millium intervallo antè consedisse. Quod postquam auditum, tum verò ingens metus nostros invadit : credere proditos à Voluce et insidiis circumventos. Ac fuere qui dicerent manu vindicandum, neque apud

illum tantum scelus inultum relinquendam.

CVII. At Sulla, quāquam eadem æstumabat, tamen ab injuriā Maurum prohibet; suos hortatur, « uti fortem animum gererent; sæpè antea paucis strenuis advorsum multitudinem bene pugnatum; quantò sibi in prælio minùs pepercissent, tantò tutiores fore; nec quemquam decere, qui manus armaverit, ab inermis pedibus auxilium petere, in maximo metu nudum et cæcum corpus ad hostis vortere. » Deindè Volucem, quoniam hostilia faceret, maximum Jovem obtestatus, ut sceleris atque perfidiæ Bocchi testis adesset, castris abire jubet. Ille lacrumans orare, « ne ea crederet; nihil dolo factum, magis calliditate Jugurthæ, cui speculanti iter suum cognitum esset. Ceterum, quoniam neque ingentem multitudinem haberet, et spes opesque ejus ex patre suo penderent, illum nihil palàm ausurum, cum ipse filius testis adesset; quare optimum factum videri, per media ejus castra palàm transire, sese, vel præmissis, vel ibidem relictis Mauris, solum cum Sullâ iturum. » Ea res, ut in tali negotio, probata, ac statim profecti; quia de improvviso accesserant, dubio atque hæsitante Jugurthâ, incolumes transeunt. Deindè paucis diebus, quò ire intenderant, perventum.

CVIII. Ibi cum Boccho Numida quidam,

Aspar nomine, multum et familiariter agebat : præmissus ab Jugurthâ, postquam Sullam accitum audierat, orator, et subdolè speculatum Bocchi consilia; prætereà Dabar, Massugradæ filius, ex gente Masinissæ, ceterum materno genere impar : pater ejus ex concubinâ ortus erat; Mauro ob ingenii multa bona carus acceptusque : quem Bocchus fidum Romanis multis antea tempestatibus expertus, illicò ad Sullam nunciatum mittit, « paratum sese facere quæ populus Romanus vellet : colloquiodiem, locum, tempus ipse deligeret : consulta sese omnia cum illo integra habere, neu Jugurthæ legatum pertimesceret; accitum esse quò res communis licentiùs gereretur; nam ab insidiis ejus aliter caveri nequivisse. » Sed ego comperior Boccham magis Punicâ fide, quàm ob quæ prædicabat, simul Romanos et Numidam spe pacis adtinuisse, multumque cum animo suo volvere solitum, Jugurtham Romanis, an illi Sullam traderet; lubidinem advorsum nos, metum pro nobis suasisse.

CIX. IGITUR Sulla : « pauca coram Aspare locuturum; cetera occultè, aut nullo, aut quam paucissimis præsentibus » : simul edocet quæ responderentur. Postquam, sicuti voluerat, congressi, dicit : « se missum à consule venisse quæsitum ab eo pacem an bellum agiturus

foret. » Tùm rex, uti præceptum, post diem decimum redire jubet; ac nihil etiam nunc decrevisse, sed illo die responsurum. Deindè ambo in sua castra digressi. Sed ubi plerumque noctis processit, Sulla à Boccho occultè arcessitur : ab utroque tantummodò fidi interpretes adhibentur : præterea Dabar internuncius, sanctus vir et ex sententiâ ambobus. Ac statim sic rex incipit :

CX. « NUNQUAM ego ratus sum fore, uti rex maxumus in hâc terrâ, et omnium quos novi, privato homini gratiam deberem. Et herclè, Sulla, ante te cognitum, multis orantibus, aliis ultrò egomet opem tuli; nullius indigui. Id imminutum, quod ceteri dolere solent, ego lætor : fuerit mihi eguisse aliquandò amicitiae tuæ, quâ apud animum meum nihil carius habeo. Id adeò experiri licet : arma, viros, pecuniam, postremò quidquid animo lubet, sume, utere; et, quoad vives, nunquam redditam gratiam putaveris; semper apud me integra erit : deniquè nihil, me sciente, frustrâ voles. Nam, ut ego æstumo, regem armis quàm munificentia vinci minùs flagitiosum. Ceterum de re publicâ vestrà, cujus curator hùc missus es, paucis accipe. Bellum ego populo Romano neque feci, neque factum, unquam volui : finis meos advorsum armatos armis tutus sum. Id omitto, quandò vobis ita

placet : gerite, uti voltis, cum Jugurthâ bellum. Ego flumen Mulucham, quod inter me et Micipsam fuit, non egrediar, neque Jugurtham id intrare sinam. Prætereà si quid meque vobisque dignum petiveris, haud repulsus abibis. »

CXI. Ad ea Sulla pro se breviter et modicè; de pace et de communibus rebus multis disseruit. Deniquè regi patefacit, « quod polliceatur, senatum et populum Romanum, quoniam amplius armis valuissent, non in gratiam habituros: faciendum aliquid, quod illorum magis quàm suâ retulisse videretur; id adeò in promtu esse, quoniam Jugurthæ copiam haberet : quem si Romanis tradidisset, fore uti illi plurimùm deberetur; amicitiam, foedus, Numidiæ partem, quam nunc peteret, ultrò adventuram. » Rex primò negitare : « adfinitatem, cognationem, prætereà foedus intervenisse : ad hoc metuere ne, fluxâ fide usus, popularium animos avorteret, quîs et Jugurtha carns, et Romani invisi erant. » Deniquè sæpiùs fatigatus, leniter et ex voluntate Sullæ omnia se facturum promittit. Ceterùm ad simulandam pacem, cujus Numida, defessus bello, avidissimus, quæ utilia visa constituunt. Ita, composito dolo, digrediuntur.

CXII. At rex pòstero die Asparem, Jugurthæ legatum, adpellat : « sibi per Dabarem ex Sullâ cognitum posse conditionibus bellum componi :

quamobrem regis sui sententiam exquireret. » Ille lætus in castra Jugurthæ venit. Deindè ab illo cuncta edoctus, properato itinere, post diem octavum redit ad Bocchum, et ei nunciat, « Jugurtham cupere, omnia quæ imperarentur, facere; sed Mario parùm confidere; sæpè antea cum imperatoribus Romanis pacem conventam frustrà fuisse. Ceterùm, si ambobus consultum et ratam pacem vellet, daret operam ut unà ab omnibus, quasi de pace, in colloquium veniretur; ibique sibi Sullam traderet. Cùm talem virum in potestatem haberet, fore uti jussu senatûs atque populi Romani fœdus fieret: neque hominem nobilem, non suâ ignaviâ, sed ob rempublicam, in hostium potestate relictum iri. »

CXIII. Hæc Maurus secum ipse diù volvens tandem promisit. Ceterùm dolo, an verè, parùm comperimus. Sed plerumquè regiæ voluntates, ut vehementes, sic mobiles, sæpè ipsæ sibi adversæ. Postea, tempore et loco constituto, in colloquium uti de pace veniretur, Bocchus Sullam modò, modò Jugurthæ legatum adpellare, benignè habere, idem ambobus polliceri. Illi pariter læti, ac spei bonæ pleni. Sed, nocte eâ quæ proxima fuit ante diem colloquio decretum, Maurus, adhibitis amicis, ac statim

inmutatâ voluntate remotis, dicitur secum ipse multa agitavisse, vultu, colore, ac motu corporis pariter, atque animo varius; quæ scilicet, tacente ipso, occulta pectoris patefecisse.

Tamen postremò Sullam arcessiri jubet, et ex ejus sententiâ Numidæ insidias tendit, Deinde, ubi dies advenit, et ei nunciatum est Jugurtham haud procul abesse, cum paucis amicis et quæstore nostro, quasi obviis honoris causâ, procedit in tumultum facillimum visu insidian-
tibus. Eodem Numida cum plerisque necessariis suis, inermis, ut dictum, accedit; ac statim, signo dato, undiquè simul ex insidiis invaditur, Ceteri obtruncati; Jugurtha Sullæ victus traditur, et ab eo ad Marium deductus.

CXIV. PER idem tempus advorsum Gallos ab ducibus nostris Q. Cæpione et Manlio malè pugnatum. Quo metu Italia omnis contremuerat. Illique et indè ad nostram memoriam Romani sic habuere; alia omnia virtuti suæ prona esse; cum Gallis pro salute, non pro gloriâ, certare. Sed postquam bellum in Numidiâ confectum, et Jugurtham victum adduci Romam nunciatum est, Marius consul absens factus, et ei decreta provincia Gallia, Isque kalendis januariis magnâ gloriâ consul triumphavit. Eâ tempestate spes atque opes civitatis in illo sitæ.

FINIS.

112

Princeton University Library



32101 064225996

